



Ա. ՏԱՐԻ 1962

Յ ՈՒՆԻՍ

6

پاكين
مجلة شهرية ، ادبية وفنية علمية
مدير المسؤول
السيد ارتين كارنيك قزاجيان

PAKINE
REVUE MENSUELLE
LITTÉRAIRE & ARTISTIQUE
Propriétaire
Dr. A. KAZANDJIAN

բ Ա Գ Ի Ն
ԱՄՍԱԳԻՐ
ԳՐԱԿԱՆՈՒԹԵԱՆ
ԵՒ ԱՐԲԻԵՍԻ

Վարից Խմբագիր
Կ. ՍԱՍՈՒՆԻ
Խմբագիրներ
ԵՊ. ՊՕՏԱՃԵԱՆ, Պ. ՄԱՊԵԱՆ

Խմբագրողից եւս
ԱՆԳԱՄՆԵՐ
Յ. ԳԵՂԱՐԳ
Տ. ՈՍԿՈՒՆԻ
Բ. ՓԱՓԱՋԵԱՆ
Վ. ՕՇԱԿԱՆ

ԳՐՈՒԹԻՒՆՆԵՐ ՈՒՆԻՆ

Ն. ԶԱՐԵՈՒՏԵԱՆ
ԵԴ. ՊՕՏԱՃԵԱՆ
Ա. ՏՈՆՃՈՅԵՆՑ
Ա. ՅԱՐՈՒԹԻՒՆԵԱՆ
Լ. ԳԱՐՄԷՆ
Ա. ՏՈՆՈՅԵԱՆ
ԳԱՅԼ ՎԱՀՄԵ
Բ. ՓԱՓԱՋԵԱՆ
Վ. ՕՇԱԿԱՆ
Մ. ՊԱՐՍԱՄԵԱՆ
ՏՈՒԹ. ԵՐ. ԽԱԹԱՆԱՍԵԱՆ
Մաղրամկյար՝ ՌԱՅՖԻ



Բազմը

ԱՅՍԱԳԻՐ ԳՐԱԿԱՆՈՒԹԵԱՆ ԵՎ ԱՐՈՒԵՍՏԻ

Ա. ՋԱՐԻ, ԹԻՒ Ե

Յ Ո Ւ Ն Ի Ս 1943

ՊԷՏՐՈՒԹ

ԱՌԱՆՑ ԱՍՏՂԻ ՃԱՄԲԱՆ

ՆՈՒՊԱՐ ԶԱՐԽՈՒՏԵԱՆ

Ա.

— Ժամ մը եւս, ըսաւ բարձրաձայն, եւ...

Սակայն շուրջը ամայի էր եւ խօսքերը կը զարնուէին միայն սենեակի շորս պատերուն: Աւտուրնէ ի վեր, ինքնիք վրայ կծկուած թունաւոր օձի մը պէս, կ'ապրէր ու կը սպասէր, չին պանդոկի մը հասարակ սենեակին մէջ, որուն պատուհանէն կը տեսնուէր միայն նեղ պարտէզին բարձր պատը, որմէ անդին կար նեղ փողոց մը եւ նորէն բարձր շէնքի մը պատը: Միշտ պատեր, ամէն կողմ պատեր կային իր անիծեալ դոյռութեան շուրջ:

Կրկին նայեցաւ ժամացոյցին: Ամբողջ յետմիջօրէն անցուցած էր ցած մահճակալին վրայ երկնցած. ամ ձեռքը բարձին տակ իրած, մատներուն մէջ

սեղմելով ատրճանակին պաղ մետաղը. կարծես թշնամի մը յանկարծ ներս պիտի խուժէր. մինչ ինք էր որ կը սպասուար եւ կը մտածէր ուրիշի մը կեանքը իյելու մասին:

Պահ մը ոտքի ելլելով մօտեցաւ պատուհանին: Հեռաւոր հրապարակի մը աղմուկը, հանրակառքի մը զանգակը, որ կ'անցնէր կեդրոնական փողոցէ մը եւ ինքնաշարժներու փողը իր շուրջը կը կազմէին միշտ՝ ձայներու միօրինակ տափաստանը, որմէ անդին կը տարածուէր խորհրդաւոր աշխարհ մը, ունայնութեան ակերտով եզերուած: Ձէնքը դրաւ զրպանը եւ սկսաւ երթեւեկել մէկ պատէն միւսը: Սենեակը բաւական խրնամքով կահաւորուած էր եւ նոյնիսկ ծաղկեփունջ մը կար սեղանին վրայ: Եւ սակայն ամէն ինչ հասարակ էր, անճաշակ: Այստեղ ապրուած կեանքերը ոչ

մէկ հետք կը ձգէին: Ոչ ոք կը հետա-
քըքըրուէր իր նախորդներուն ցաւերով
եւ ուրախութիւններով. տեսակ մը բս-
պասման սրահ էր մէկ կամ երկու անձի
համար:

Երկար սլաքը սկսած էր կրծել եօթ-
ներորդ ժամուն յաջորդող վայրկեաննե-
րը եւ երբ հասնէր ՆՉ-ին վրայ, պիտի
սկսէր կեանքի նոր հանգրուան մը, ի-
րեն համար միայն: Իր ձեռքերով լար-
ուած մեքենային զսպանակը պիտի կանգ
առնէր եւ պիտի սկսէր արշաւը գէպի
մահ, եւ ոչ մէկ ուժ, այն տանն կրնար
կեցնել զժոխային մեքենային թաւա-
լումբ, նոյնիսկ ինք, որ զայն լարած էր:

Ինքնաշարժ մը կանգ առաւ վարի
փողոցը: Մտեցաւ պատուհանին. կըր-
կին բարձր պատը ցցուեցաւ իր առջեւ:
Բայց դիտէր որ այդ պատէն անդին կար
փողոցը, կար քաղաքը, կային ժարդիկ
եւ կար ան, որուն համար լարած էր
մահուան մեքենան: Հիմա տակաւին
մայթին ծառերուն տերեւները կանաչ
էին, բայց օր մը պիտի դեղնէին ու մէ-
կիկ մէկիկ պիտի իյնային՝ մահուան դա-
ցող դեռատի կնոջ մը քայլերուն տակ:

Ինքնաշարժը հեռացաւ: Նստաւ մահ-
ճակային ծայրը եւ դէմքը առնելով տ-
փերուն մէջ սկսաւ մտածել: Արդեօք ա-
մէն ինչ լաւ կարգադրած էր: Արդեօք
լաւ ճշգրտած էր օրը, ժամը, հանդիպու-
մին վայրը: Ո՛չ, բան մը չէր մոռցած:
Աշխատած էր ժամագործի մը զղուշու-
թեամբ, որ տուփի մը մէջ կը պահէ քա-
կած ժամացոյցին բոլոր կտորները եւ
յետոյ զանոնք մէկիկ մէկիկ կ'անցրնէ ի-
րենց տեղերը...: Բայց եթէ հակառակ
այս բոլոր զղուշութիւններուն, բան մը
պատահէր, և ան չկարենար զալ...: Եր-
բեմն մահուան գացող անասուններն իսկ
նախազգացումներ կ'ունենան:

- Զի՛ կրնար չզալ. պէտք է որ զայ, ըսաւ բարձրաձայն: Ժամը ճիշդ ութին
երբ դուռը բանամ մեկնելու համար, դի-
մացս պիտի ելլէ: Անկարելի է որ մէկը
չզայ մահուան հետ տուած ժամադրու-
թեան: Եթէ ոչ ամէն մարդ կը մեռնէ իր
անկողնին մէջ...:

Գիշերը աէր դարձած էր ամբողջ
քաղաքին: Նոյնիսկ ձայները ցերեկու-
նէ աւելի խուլ կը հնչէին, մեղմացած
խաւարին թանձր զանգուածէն:

Յանկարծ կատաղի փափաք մը ար-
թընցաւ մէջը, և ձայն մը, որ իբր շէր,
պոռաց:

- Երանի՛ չգար...:

Ներսը արթնցած էր երկրորդ ան-
ձը, այն մէկը, որ պաղարիւնութեամբ
կը դիտէ մեր արարքները եւ մեր որո-
շումներուն հակառակ դիրք կը բռնէ,
այն մէկը, որ միշտ արդար է եւ զլծ-
բախտարար ուշ կը խօսի, այնքան ուշ
յաճախ, որ երբ խօսի, միայն անորո-
շութիւն, անձկութիւն եւ տառապանք
կ'արթնցնէ մեր մէջ:

Հիմա սլաքը կը սուրբար դէպի իր
նպատակակէտը: Կարծես նոյն անձը չէր
որ կը սպասէր, որովհետեւ հիմա ժա-
մանակին թաւալումը կը գտնէր արագ,
չառ արագ:

Ա՛հ, եթէ չգա՛ր...: Այն տանն ա-
մէն ինչ կը վերջանար, կ'աղատուէր այս
մղձաւանջէն, կ'արթննար այս կապարէ
զուռէն, որ ատենէ մը ի վեր գինջ կը
բաժնէր կեանքէն, եւ քաղաքին աղմուկը
կը վերածուէր քաղցր մեղեդիի մը: Եւ
սակայն...:

Եւ սակայն ըլլալիքը կը տեսնէր ե-
ղածի պէս: Անահալը պիտի գար ժամը
ճիշդ ութին. պիտի վարձէր ինքնաշարժ
մը, զայն պիտի տանէր ամայի վայր մը,
ծովեզերքէն ջէլ մը անդին զանուղ
պուրակի մը ծառերուն տակ, անոր
դիակը պիտի ձգէր հոն, ատրճանակը
պիտի նետէր ալիքներուն մէջ եւ առանց
ժամանակ կորսնցնելու պիտի ուղղուէր
դէպի օդակայան: Տոմսակը արդէն առ-
նըւած էր: Վաղը գիշեր, ճիշդ այս ժա-
մուն, պիտի ըլլար հետաւ, Առլանտես-
նի ջուրերէն տասը հազար մեթր բարձ-
րութեան մը վրայ:

Թերթ ծախող տղու մը սուր ձայնը
ծակեց լուսնի ստեղծելը եւ ինքնա-
շարժը կրկին կանգ առաւ վարի փողո-
ցը:

- Ինքը ըլլալու է, մտածեց: Հիմա

իջած է ինքնաշարժէն, կը քայլէ մայթին վրայ, կը մտնէ պանդոկէն ներս: Հիմա վերելակին մէջն է. կը քայլէ նրբանցքին մէջ դէպի սենեակս...

Հինգ վայրկեան սպասեց: Ոչ ոք երեւցաւ: Կրկին թերթ, ծախող տղուն ձայնը եկաւ փշրուել լարուած ջիղերուն վրայ:

Ժամը ութը քառորդ կ'անցնէր: Թեթևութիւն մը զգաց: Անցած էր ժամանակը. լարուած մեքենային զսպանակը կանգ առած էր, բայց զո՛հ չկար: Անտի-Ղապէս զլխարկը դրաւ, բարձին տակէն շանեց ատրճանակը ու դրաւ ներսի գլուխը: Այս դժոխքէն ազատուելու համար միայն մէկ միջոց կար. հեռանալ փնջ կատարած էր իր պարտականութիւնը. ոչ ոք կրնար զինք մեղադրել:

Արագօրէն վար իջաւ աստիճաններէն. կը վախճար որ վերելակը իրեն գէշ խաղ մը խաղայ: Բանալին յանձնեց պաշտօնեային եւ անելի թեթեւցաւ: Փողոցը ամայի էր: Ուղղուեցաւ դէպի հրապարակ, որուն ժխորը հիմա հրապուրէլ կը թռէր իրեն:

Հաղիւ քանի մը քայլ առած էր մայթին վրայ, երբ յանկարծ պող սարսուռ մը անցաւ մարմնէն. Անահիտ դէմն էր...

Բ.

Երբեք չեմ մոռնար այդ տեսարանը, որ պարզուեցաւ աչքիս, երբ ոտք դրի Պէյրուսի օդակայանին առջեւ: Ամէն ինչ դոյն էր շուրջս եւ լոյս. կապոյտ ծով, լազուարթ երկինք, կարմիր աւազ եւ կանանչ լեռներ: Լոյս եւ ուրախութիւն կար դէմքերու վրայ: Գեղեցիկ եւ վառվռուն աչքերով ՀԱՐԷՍԻՆ ժպիտն էր արդեօք որ կ'այլափոխէր միտոյրտը: Խումբ մը ճամբորդներու հետ քալեցի գէպի ելքը: Պատիկ պայուսակ մը առած էի հետս, այնպէս որ մաքսատան պաշտօնեան պայն բանալ իսկ շտուաւ: Սպասման հսկայ դահլիճը ամայի երեւցաւ աչքիս: Սկոայ աչք մը նետել շուրջս, երբ յանկարծ ծերունի մը ոտքի ելաւ անկիւնի թիկնաթուէն եւ մօտեցաւ ինծի:

- Պարոն Արման Կարինեանը դո՞ւք էք, հարցուց:

- Այո՛, իսկ ե՛ս, որո՞ւն հետ խօսելու պատիւը ունիմ:

- Ուրեմն դիտ չճանչցա՞ք. եւ չեմ զարմանար: Եփրեմ Վահանեանն եմ:

Չարմացած՝ շպտաստիանեցի: Այս ծերունին Եփրեմ՝ Վահանեանն էր:

- Որքա՞ն փոխուած էք, բո՛ի: Եթէ շներկայանայիք, դժուար որ ձեզ ճանչնայի: Ներողամիտ եղէք:

Երբ զինք տեսած էի տարիներ առաջ, ուրիշ մարդ մըն էր՝ երիտասարդ, եռանդուն, պատկառազու. մէկ խօսքով ամբողջ ազգին կուռքը: Իսկ հիմա, դիմացս ունէի կմախացած ծերունի մը, որուն առնական եւ քաղցր ժպտը փոխուած էր մեռելային արտայայտութեան մը:

Ինքնաշարժը կը սուրար օդակայանէն քաղաք տանող լայն պողոտային վերայ: Տեսարանին շուրջ կատարած հարցումներուս, Պ. Վահանեան կու տար լակոնական պատասխան մը յոգնած ձայնով մը, կամ կը զգաստանար յանկարծ, խորունկ թմբիկէ մը արթնցողի պէս: Իրմէ կը սպասէի տեղեկութիւններ իր մասին եւ մանաւանդ իր սիրելի ու մէկ հատիկ աղջկան Անահիտի մասին. բայց ինք կը խուռափէր հարցումներէս: Քաղաքին բաւական մօտեցած էինք, երբ առ ի քաղաքավարութիւն հազիւ լսելի ձայնով մը ըսի.

- Իսկ օրիորդ Անահիտը ինչպէ՞ս է...

Կարծես թնդանթ մը արձակած էի: Բոլորովին արթնցաւ. արիւնը, կարմիր ալիքներով, վեր խուժեց ու դուռաւորեց սփռոյն դէմքը. յետոյ կրկին քաղուեցաւ մարմնին խորերը, դէմքը ձգելով անելի դալուկ, անելի ամայի քան երբեք. եւ այդ ամայութեան վրայ տեսայ ահռելի սվասիտ մը՝ աչքերը ուր կուտակուած էր այնպիսի դառնութիւն մը, որ զզլացի տններելի կամք մը ըրած ըլլալուս:

Պ. Վահանեան երկարօրէն նայեցաւ երեսիս, յետոյ կրկին նայուածքը յարեց դուրսը թաւաղող տեսարանին վրայ:

Ես ալ քաշուելով անկիւնս, սկսայ բաներ երեւակայել: Եւ իբր պատասխան կը լսէի միշտ նոյն խօսքերը.— Անահիտը ո՛չ եւս է... Անահիտը, ո՛չ եւս է: Բայց հայրը սուգ չէր կրեր. ինչո՞ւ:

Քանի մը վայրկեանէն ամէն ինչ պիտի լուսարանուէր, որովհետեւ արդէն Հասած էինք քաղաքին կեդրոնական հրապարակը: Վահանեաններու տունը պէտք չէր շատ հեռու ըլլար երբ հասնէինք հոն... Սակայն ուրիշ անակնկալ մը ինծի կը սպասէր:

— Պէտք է հանդարտ ու ամայի սրբաբարեւ մը դանկէք, ըսաւ, որպէսզի քեզի անմիջապէս բացատրեմ թէ ինչո՞ւ քեզ այստեղ կանչեցի: Վերջը քեզ կ'առաջնորդեմ պանդոկ:

Շարժավարին փողոցի մը անունը տուաւ: Հասանք ծովեզերեայ պողոտայ մը արմաւենիներով եզերուած ու մտանք հոն գտնուող սրճարաններէն մէկը:

Պ. Վահանեան զգաց, որ իր այս վարժունքը բացատրութեան մը կը կարօտի: Վերջ ի վերջոյ իր հիւրն էի, իր հրահրին վրայ եկած էի այս անձանօթ քաղաքը, եւ պատշաճ էր որ զիս անմիջապէս իր տունը առաջնորդէր, փոխանակ այս սրճարանի բերելու: Նստանք սեղանի մը առջեւ: Սրահը գրեթէ ամայի էր:

— Արմա՛ն, ըսաւ, Պ. Վահանեան. Արմա՛ն, տակաւին ունի՞ր երակներուդ մէջ չօրդ կարմիր արիւնէն, հայու հարազատ ու պատուաբինդի արիւնէն:

Երբունիին մոայլ ու մութ աչքերուն մէջ ծնած էր կրակի նշոյլ մը, որ երթալով կը զօրանար, կ'ըլլար շիկացած մետաղ, յետոյ բոց ու խարոյկ: Եւ ես մեքենաբար պատասխանեցի.

— Այո՛, միշտ չօրս արիւնն է որ կը հոսի երակներուս մէջ. այդ արիւնը, որ միշտ կը շտապէր բան մը փրկելու համար: Ձեմ մոռցած նաեւ, որ եթէ այդ արիւնը հայրս ինծի փոխանցեց, այդ ալ շնորհիւ ձեզի է: Քանի քանի անգամներ չօրս կեանքը փրկած էք. ասիկա յիշողութեանս մէջ քանդակուած է, Դուք ինծի

համար եղաք երկրորդ հայր մը, եւ շքանորհու ձեր ջանքերուն է որ հիմա ստամբ կը շարունակեմ եւրոպական բարձրագոյն համալսարաններուն մէջ:

— Արմա՛ն, Արմա՛ն, զաւա՛կս. ճիշդ հանդուցեալ հայրը կը յիշեցնես ինծի. նոյն աչքերը, ձայնի նոյն շեշտը, նոյն յանդգնութիւնը. ձիւղ տարիքդ ունէր, երբ միասին ամէն ինչ լեկով բարձրացանք լեռները՝ մեր շարձարուած ազգը, մեր ոտնակոխուած պատիւը, մեր արհամարհուած սրբութիւնները պաշտպանելու համար: Իսկ, հիմա՛... աւա՛ղ... Դիմացդ ունիս պարտուած մարդ մը, ապրող դիակ մը. ինչպէս կ'ըսեն՝ տանջուող զուրջ մը: Հասած եմ այնպիսի տեղ մը, ուր խեղդուողի մը պէս ստիպուած եմ փաթթուիլ որեւէ առարկայի. ստիպուած եմ ըրած բարիքներուս տոկոսը պահանջել: Ես այլեւս ապրելու արժանի մէկը չեմ, Արմա՛ն, բայց չեմ ուզեր անպատիւ մեռնիլ, չեմ ուզեր գլուխս կախ, զէմքս մրուրով ծածկուած՝ մանել մահուան սրահէն ներս:

— Ի՞նչ կ'ըսէք, Պ. Վահանեան. դո՛ւք, հայոց լեռներուն արծի՛ւր, դո՛ւք, որուն վրայ մեր մայրերը երգեր հրուած են, անպատուութեան մասին խօսիք: Ո՞վ չի յիշեր ձեր քաջագործութիւնները: Ձեր անունը հայոց պատմութեան լուսադոյն էջերուն զարդը պիտի ըլլայ: Ներկայ սերունդը ձեզի հանդէպ պաշտամունք ունի...:

Գերեզմանի նմանող աչքերէն յուսահատեցնող նայուածք մը ուղղեց ինծի.

— Հոն է արդէն ողբերգութիւնս, ըսաւ: Բաներ կան, որ մարդ չի համարձակիր պատմել հարազատ եղբորը: Հասած եմ հիմա ապտուածի մը եզերքը, ուրկէ մահը կ'երեւի գրախտային ուսուցիչի մը պէս: Երանի անոնց, որոնք կրնան իրենք գիրենք վար նետել: Իմ եւ մահուան տենչալի ափերուն մէջեւ կը տարածուին անպատուութեան ճահիճները:

Փլանիկ մը հրամցուցի, վառեցի. շարունակեց:

– Այսպիսի պարադաներու մէջ մարդ կը փնտռէ նեցուկ մը. կը փնտռէ մէկը որ կարենայ ընել ինչ որ ինք չի համարձակիր ընել: Եւրոյն բացարձակ Սահարա մը դարձած էր. բոլոր ծանօթներս, բոլոր հիացողներս երես դարձուցած էին ինձմէ: Վերջնապէս մտաբերեցի քեզ: Գիտէի որ պարտաճանաչ ես:

– Այո՛, պարտքս շատ մեծ է ձեզի հանդէպ: Կեանքովս իսկ հազիւ թէ կարենամ դայն վճարել:

– Սակայն քեզմէ այնպիսի գին մը պիտի պահանջեմ, որ դուն ալ պիտի սարսափիս: Պարտքէ չէ վաւերացուած մուրհակով մը. կը մնայ միայն բարոյական դեմքի վրայ: Եթէ հայրդ ողջ ըլլար, երբեք դայն պիտի չուրանար:

– Ես ալ դայն պիտի չուրանամ: Երբ հայրս մեռաւ, քովն էի, մատներովս զոցեցի անոր աչքերը: Երթունքներէն ելլող վերջին բառը ձեռ անունը եղաւ: Անկէ առաջ երկարօրէն խօսած էր ինձի ձեռ բարեկամութեան մասին. թէ ինչ կը պարտի ձեզի եւ ինչ պարտաւորութեան տակ կը դռնուէր ինք ձեզի հանդէպ. երդում ըրի, որ ինչ որ ալ ըլլայ ես պիտի ըլլամ իր արժանի գաւազը, եւ պիտի ընեմ ինչ որ պէտք է ապերախտ մը շղատնալու համար:

Գլանիկը վերջացուց եւ առանց մարելու նետեց մոխրամանին մէջ:

– Զի՞մա ուրեմն կրնամ խօսիլ, որովհետեւ միակ անձը որ կրնայ դարձան մը բերել ներկայ կացութեանս, դուն ես: Եթէ մինչեւ հիմա պարեցայ, եթէ մինչեւ հիմա վերջ չղբի կեանքիս, այն յոյսով էր որ օր մը պիտի հանդիպեմ լուսաւոր ասպետին, այն մէկուն, որ իր զէնքով կը պաշտպանէ որքը, այրին, թշուառը եւ յուսալքուածը: Քանի՞ անգամներ մեռած եմ ու վերապրած մինչեւ որ վերջնապէս ստացայ ժամանումիդ լուրը:

– Ինչպէս ըսի ու կը կրկնեմ, պտորաստ եմ Հօրս ձեզի հանդէպ ունեցած պարտքը վճարել կեանքովս, եթէ ասիկա դարձան մը պիտի բերէ ձեռ ստուպանքին:

Բոց մը ծնաւ աչքերու գերեզմանին մէջ. ուրախութի՞ւն էր արդեօք, թէ մղձաւանջին շիկացած վերջին հարուածը:

– Ուրեմն կարճ խօսիմ, ըսաւ, բռնորդ հատիկ հատիկ արտասանելով: Անահիտը, մէկ հատիկ զաւակս, միակ անձը որուն համար տակաւին ուժ ունիմ ապրելու այս աշխարհիս երեսը, Անահիտը, շեղած է ուղիղ ճամբէն եւ ոտնակոխ կ'ընէ մեր պապենական պատիւը, որուն համար սերունդներ իրենց թանկագին արիւնը զոհեցին:

Աչքերս հեռացուցի իրմէ, ծովուն կապոյտ հրաւէրը մեղմացուց լոսած խօսքերուս ազդեցութիւնը:

– Եթէ հայր չըլլայի, շարունակեց Պ. Վահանեան, եւ եթէ Անահիտը մէկ հատիկ զաւակս չըլլար, մ'չ ոքի կը դիմէի. ես, ձեռքովս կը մաքրէի անուանս վրայ եզած արատը, սակայն... հայր եմ: Քեզմէ բան մը չեմ պահանջեր, քեզի բան մը չեմ պարտադրեր. այլ կ'ուզեմ որ հետեւիս խղճիդ հրահանգներուն: Նախ եղիք դատաւոր, եւ յետոյ զործադրէ վճիռը: Մէկ նժարին մէջ դի՛ր տասնեակ սերունդներու կրած տառապանքները, մարտիրոսութիւնը, թափած արիւնը, փրկելու համար միակ բանը, որ մերն էր, կրօնքը եւ պատիւը. միւս նժարին մէջ դի՛ր ներկայ սերունդին լըրբութիւնը, որ առանց սակարկութեան կը վաճառէ մեր սրբութիւնները: Ես բոլոր հոգուովս կը խղճամ ու կը ներեմ այն ջահել աղջկան ու ջահել մօր, որ մահուան սպառնալիքին տակ ինքզինքը յանձնեց գահճներուն, կեանքը կամ զաւակը փրկելու համար. բայց երբե՞ք, երբե՞ք՝ մեր զաւակներուն, որոնք տաքցած էգերու պէս արու կը փնտռեն, եւ կամ ճղճիմ վայելքի համար իրենք զիրենք կը ծախեն:

– Աւելի յոտակօրէն ըսէք, թէ ինչ պիտի ըլլայ իմ պաշտօնս:

– Քեզի կը յանձնեմ պատիւս պաշտպանելու պարտաւորութիւնը: Աղջկանս ճակատագիրը քեզի կը յանձնեմ: Դուն կ'ըլլաս անոր դատաւորը, եւ եթէ զայն

յանցանքի վրայ բռնես, այն ատեն կ'ընես ինչ որ խիղճդ քեզի կը հրամայէ: Ուրիշ Հայ աղջիկներ նոյն ճամբան բռնած են եւ ոչ ոք կը հետաքրքրուի անոնց պարագայով... բայց Վահանեանի մը մէկ Հատիկ աղջիկը չի կրնար ատենց պատիժի ստորնանալ...:

Ծերունին ոտքի ելաւ, ձեռքս սեղմեց, ատանց անքերուն մէջ նայելու ու հետոցաւ...:



Անմիջապէս դործի լծուեցայ: Առանց որոշ նպատակի սկսայ հետապնդողի Անահիտը: Պ. Վահանեանին հետ ունեցած Հանգիպումէս երկու օր վերջ, երբ կ'երթեւեկէի իրենց տան կողմերը, առաջին անգամ ըլլալով, տեսայ Անահիտը: Բարեբախտաբար զիս չէր ճանչնար եւ հրեք չէր տեսած: Կը գտնուէի իրենց տան գիմացի մայթին վրայ, երբ դուրս ելաւ: Արեւը նոր ծագած էր տակաւին եւ երբեք չէի յուսար, որ այդքան կանուխ կ'իջնէ փողոց: Անակնկալի եկաւ երբ տեսաւ զիս. առաջին անգամ ըլլալով, թերեւս, այս ժամուն մաքուր Հազուած երիտասարդի մը կը Հանդիպէր ամայի փողոցին մէջ: Ես շարունակեցի ճամբաս մէկու մը պէս, որ կարեւոր դործ մը ունի կատարելիք, սակայն, յիշողութեանս մէջ յատկանշական քանակաութեամբ իր գեղեցիկ ու տխուր դէմքը: Յաջորդ օրերը, աւելի զգուշ եղաւ, որպէսզի զիս չտեսնէ եւ կրցայ երկարօրէն հետապնդել զինք: Բայց օրիորդներուն պէս շուկայ կ'երթար գընումներ ընելու, յետմիջօրէին՝ շարժանը կար, նուազահանգէս, դաստիարակութիւն, եւ միշտ առանձին. ո՛չ ընկեր, ո՛չ ընկերուհի:

Իրիկուն մը, սակայն, կրցայ անդժուածին առաջին օղակը կազմել: Այդ օրը ուշ ելած էի պանդոկէս եւ ըսկըսած էի թափառիլ աննպատակ: Մութը կոխած էր երբ Հասայ կեդրոնական Հրապարակը: Անահիտը տեսայ ճիշդ այն պահուն երբ կը բարձրանար Հան-

րակառք. ես ալ բարձրացայ նոյն կառքը, Կատեւի դռնէն: Փարոսէն երկու կայարան առաջ իջաւ եւ մտաւ ձախ կողմի փողոցը: Առանց տեսնուելու հետեւեցայ իրեն: Մտաւ նպարտալուծառի մը խնուիքը, հեռաձայնեց ու կրկին իջաւ ճամբայ: Հասաւ կեդրոնական փողոց մը եւ առանց վարանելու դարձաւ ալ եւ քանի մը քայլ վերջ մտաւ պղտիկ խնուիք մը, որուն ճակատին ՈՒՎՈՔԸ գըրուած էր: Հոն մնաց քառորդ ժամի չափ, մինչեւ որ անձնական ինքնաշարժ մը եկաւ ու տարաւ զինք:

Այս տեսածովս կարելի չէր եղրակացութեան մը յանդիլ: Սակայն որոշ էր որ այս խանութը մեծ դէր մը կը խաղար Անահիտի կեանքին մէջ. ուրեմն փնտրուեցնեմս պէտք էր Հոն կեդրոնային:

Քանի մը անգամ շարունակաբար նոյն արարողութիւնը կրկնուեցաւ, սակայն այս անգամ դերակատարները ուրիշ աղջիկներ էին: Ետք մը ետք, անմիջապէս որ Անահիտը ելաւ խանութէն ու մեկնեցաւ ուրիշ անձնական ինքնաշարժով մը, ներս մտայ: Յուցափեղկին մէջ տեսած էի եւրոպական փողկապներու շարք մը: Ծանուցական չազիւ քանակի նոյն տարեկան երիտասարդ մըն էր: Վաճառականական ժպիտով մը ընդունեց զիս եւ երբ սկսայ հետը Փըրանսերէն խօսիլ, որովհետեւ երկրի լեզուին ծանօթ չէի, ինծի դիտելի մը հըրամցուց: Անմիջապէս ուզեց հասկնալ, թէ ուրկէ՞ կու գայի, թէ քանի՞ օր պիտի մնայի Լիբանան, թէ Հաւնած էի երկիրը:

- Ետտ սիրեցի Լիբանանը, ըսի, տեսարանները անմասն են, եւ ժողովուրդը հիւրասէր ու կըթեալ:

- Ո՞ր պանդոկը իջած էք, ըսաւ, երեսիս նայելով:

- Լուքսոր պանդոկը, պատասխանեցի:

- Լուքսոր պանդոկը գէշ չէ, բայց տեսարան չունի. յետոյ միտոլորտը շատ հրապուրելի չէ: Ի՞նչ հաճելի օրեր ան-

ցընել կ'ուզէք, փոխեցէք եւ եկէք Միտմի: Հոն մթնալուրտը տարբեր է: Ես շատ օտար բարեկամներ ունիմ, որոնք միշտ կ'իջեալանին Միտմի պանդուկը եւ շատ գուն կը մնան:

- Եթէ երկար մնայի, անպայման կը հետեւէի ձեր խրատներուն: Դժբախտաբար քանի մը օրէն պիտի մեկնիմ այս գեղեցիկ երկրէն:

- Ձեր արտայայտութեան մէջ դժգոհութիւն կայ: Եւ չեմ ուզեր որ մէկը դժգոհ բովանդակ մեր երկրէն: Տեսա՞ք որքան գեղեցիկ աղջիկներ կան: Արդեօ՞ք լաւ բարեկամուհի մը չ'անդիպեցաք:

- Այլէ կողմէն քիչ մը դժուարահամ եմ: Արտաքէնը դիւ չի խաբեր: Ծատ մը հասարակ կիներ ալ կրնան զարդարուիլ կոմսուհիներու պէս:

- Կ'ուզէի՞ք ծանօթանալ բարձր դասակարգի աղջիկներու եւ տիկիներու: Եթէ այո՛, կրնամ անմիջապէս ձեզի օգտակար ըլլալ: Կրնամ ձեզի ներկայացընել տասնըփոյց տարեկան ուսանողուհիներու, կամ ընտանիքի աղջիկներու, որոնք կ'ուզեն կեանքը վայելել առանց իրենց ծնողքին իմացներու:

Պահ մը լուցի, մէկու մը պէս, որ կը մտածէ որոշում մը առնելէ առաջ:

- Ձեզի կը վստահեցնեմ, որ յուսախար չէք ըլլար, որովհետեւ ընտրութիւնը ձեզի կը ձգեմ:

- Եթէ իմ ճաշակիս յարմար բան մը կարգադրէք, շատ շնորհակալ կ'ըլլամ:

- Ներս հրամայեցէ՛ք ուրեմն, եւ զատեցէք ձեր հաւանածը:

Եւ վարագոյր մը բանալով զիս առաջնորդեց խանութի նստելու, որ կահաւորուած էր փոքրիկ դահլիճի մը պէս: Նստայ թիկնաթոռի մը վրայ ու սկսայ թղթատել լուսանկարներու ալպոմը, զոր մարդը հանած էր զադտնի զրոցէ մը: Մէկիկ մէկիկ դարձուցի էջերը, երկարօրէն զննեցի դիմագծերը, եւ կարգացի անոնց տակը գրուած անունները:

Անահիտին նկարը կը դտնուէր հինգերորդ թերթին վրայ: Հազիւ ականարկ մը նետեցի անոր վրայ ու անցայ զողի մը պէս, որ շուրհեր իր գողնալիք ապրանքին վրայ ուրիշներուն ուշադրութիւնը դարձնել:

- Ձեր ճաշակին յարմար բան մը դըտա՞ք, հարցոց մարդը, երբ ալպոմը իրեն վերադարձուցի:

- Համակրելի դէմքեր տեսայ, բայց շատ դժուար է ընտրել:

- Աւրիշ որեւէ տեղ այսպիսի աղջիկներ չէք գտներ. բոլորն ալ գեղեցիկ, կրթիտլ ու զարգացած...:

- Եթէ անպայման պէտք ըլլայ ընտրել, լաւագոյնները կարծեմ այս երկուքն են, ըսի, ցուցնելով խարտեալ մանկահամարդուհի մը եւ Անահիտին լուսանկարը:

Երեսիս նայեցաւ կեղծ հիացումով. - Իսկապէս մեծ ճաշակի տէր էք եղբ, ըսաւ: Օրիորդ Ժերմէնը, մէկ շաբաթէն հազիւ կրնայ տրամադրելի ըլլալ: Ինք է՞րբ կ'ուզէք հանդիպում ունենալ:

- Վաղը իրիկուն, ամէնէն ուշը:

- Այն ատեն կը մնայ օրիորդ Քլարան: Ետտեղը զայն կը նախընտրեն օրիորդ Ժերմէնէն:

- Թող օրիորդ Քլարան ըլլայ վազուան ընկերուհիս, ըսի, մէկու մը պէս որ ստիպուած է ընդունիլ իրեն ներկայացուածը:

- Ո՛րբ եւ է՞րբ:

- Վաղը ժամը ութին գինք կը օպանեմ պանդուկին մէջ, յետոյ միասին կ'երթանք յարմար վայր մը:

- Ետ՞ա լաւ, վաղը առտու ձեզի կը հետաձայնեմ, որովհետեւ պէտք է որ օրիորդն ալ իր հաւանութիւնը տայ:

Երբ մեկնելու կը պատրաստուէի, ականջիս մօտենալով փոփոսց.

- Մեր նոր յաճախորդներուն մասնաւոր գին կ'ընենք. այս անգամ միայն յիսուն ռսկի վճարեցէք: Սովորական մեր գինը հարիւր ռսկիէն վեր է: Վերջը

կը հասնեաք:

Վճարեցի պահանջած դրամը: Կարծես զոհուելիք գառնուկ մը դնած ըլլա՞յի:



Այս ժամադրութիւնը սէտք էր առնուէր. բայց ի՞նչ պիտի ըլլար անոր հետեանքը, որոշապէս չէի գիտեր: Անահիտին վճիռը արուած էր, որովհետեւ զայն յանցաւոր դատած էի, եւ վաղը ժամը ութին պիտի ունենայի մեծագոյն փաստը...: Կը մնար գործադրել որոշումս:

Ժամադրութիւնը ապահովելէ վերջ, անմիջապէս դացի օդանաւային ընկերութեան գրասենեակը, տոմսակ մը ապահովելու համար: Յաջորդ օրը, առտըւան ժամը երեքին, օդանաւ մը կը մեկնէր դէպի Հոսթ, Լիզպոն, Պուէնոս Այրէս. կրցայ տեղ մը ապահովել: Վերջի վերջոյ չէի ուզեր վճարել բանի մը համար, որուն գործադրութեան մէջ գործիչ մը եղած էի: Նոյն դիշեր, Պ. Վահանեանին հետ տեսակցութիւն մը ունեցայ եւ կէս առ կէս պատմեցի պատահանները:

- Վաղը իրիկուն կէս դիշերէն ջել մը վերջ, ամէն ինչ վերջացած կ'ըլլայ, եւ կը մաքրուի ձեր անուան արտը, եւ կը սրբուի յանցաւորին արեւնով:

Նախ այլալիցաւ. յետոյ ձեռքս առաւ ափերուն մէջը.

- Թող ըլլայ այդպէ՛ս... ճակատագիրը չի շեղիր իր ճամբէն, ըսաւ:

Պանդուկ վերադարձայ բաւական ուշ ու անմիջապէս մտայ անկողին: Սկիզբը ունեցայ բաւական հանդարտ քուն մը. բայց առտուան դէմ ընդոստ արթնցայ: Կացութիւնը, որ ինծի պարզ կը թուէր մինչեւ այդ վայրկեանը, յանկարծ ըստացաւ բարդ կերպարանք մը: Նոր լոյս մը ծագած էր մէջս: Եթէ սկիզբը գործած էի իբր անկողնակալ դատաւոր, հիմա սակայն նոյնը չէր դիրքս. ե՛ս ալ կողմ էի, ո՛չ միայն Պ. Վահանեանի

հաշուոյն այլ իմ ալ հաշուոյն:

Անահիտին հանդէպ մէջս ծնած էր բարդ զգացում մը: Միանգամայն կը համակրէի այդ աղջկան, կը խղճայի իր վրայ ու կ'ատէի զինք: Որքան զօրաւոր է կամքին վրայ մեղաւոր կնոջ մը նայուածքին ազդեցութիւնը: Մեղքին անաղունդը մութ է բայց խորհրդաւոր: Մեզ կը հիփնոսացնէ թունաւոր օձի մը աչքերուն պէս: Տալիւս, Սարմէ, Մեսալին, մեզի համար պժգալի անձեր չեն, այլ խորհրդաւոր եւ առինքնող աշխարհներ: Գեղեցիկ ու մեղաւոր մարմին մը այնպիսի արտացոլումներ ունի, որ անտեսանելի ութրազկեանի մը հպիւթքներուն պէս կ'անդամալուծէ ձեր կամքը, ձեր սրտին մէջ կաթեցնելով զբախտային թոյն մը, որ ձեր ատելութիւնը կը փոխէ համակրանքի եւ ձեր օէրը՝ նախանձի: Քանի՞ վրիժառու բազուկներ առկախ մնացած են մեղաւոր կնոջ մը դիմուն վերեւ: Քանի՞ արհամարհանքի խօսքեր համբոյրի վերածուած են դաւաճան կնոջ մը ժպիտին առջեւ, երբ անոր սփինքեան դէմքն կ'արտայայտէ վախի, ամօթի եւ անփութութեան զգացում մը, եւ գերբնական ուժի մը տրուած յանդգնութիւնը:

Մէկ խօսքով, անտարբեր չէի Անահիտին հանդէպ: Եթէ անոր հանդիպած ըլլայի տարբեր պայմաններու տակ, արդեօք ի՞նչ պիտի ըլլային ձեր յարաբերութիւնները: Ներկայ կացութիւնը սակայն այնպիսի միջոցաւոր մը ստեղծած էր ինծի համար, ուր կարելի չէր ազատ ու անտարբերօրէն շնչել: Եւ որովհետեւ սկսած էի սիրել Անահիտը, մէջս ծնած էր անուշի նախանձ մը այն բոլոր մարդոց հանդէպ, որոնք յիսուն կամ հարիւր ոսկիի փոխարէն զայն գիշեր մը ունեցած էին իրենց բազուկներուն մէջ եւ վայելած էին անոր մերկութիւնը: Հօրը տառապանքը եւ վիշտը կը նսեմանար եւ գոյութիւն ունենայէ կը դադրէր իմ զգացումներուս կրակին առջեւ:

Նախանձը գերեզմանի պէս խիստ է

ու խորունկ։ Անահիտին մահը վճռած էի
 այն վայրկեանէն երբ սկսած էի համակ-
 րիւ անոր եւ ոչ թէ հօրը անուան վրայ
 եղած բիծը սրբելու համար։ Ընչդ է,
 հօրը հանդէպ ունէի անհուն պարտք մը,
 աւելի սուղ քան կեանք մը, սակայն ա-
 սիկա զիս պիտի չստիպէր խղճիս առջեւ
 որ զայն մորթէի պուրակի մը անկիւնը։
 Այսպէս, ինչ որ ուրիշներուն համար
 կ'ըլլայ հիացումի եւ պաշտամունքի խը-
 թաններ, այս աղջկան համար պիտի
 դառնար մահուան խթան մը։

Անահիտը պիտի սպաննէի, գիշերը,
 հեռուոր վայր մը, ինչպէս սիրահար մը
 կը սպաննէ իր դաւաճան սիրուհին։

Ամբողջ օրը, փակուած սենեակիս
 մէջ սպասեցի որ բան մը պատահի՝ Ա-
 նահիտը եւ զիս փրկելու համար ճակա-
 տագրի այս կրակէ շղթաներէն։ Բայց
 ո՛չ, հեռախօսը ժամանակին հասաւ. ժա-
 մադուութիւնը որոշուած էր։ Մտատրոսի

սպասեցի, որ ժամացոյցին երկար սլա-
 քը կրծէ ութերորդ ժամուն զանդուա-
 ծը, տեսնելու համար ոտքերուս տակը
 բացուած անյատակ անդուճղը։ Խենդ
 յոյս մը ունեցայ, երբ ժամը հասաւ ու-
 թը քառորդին։ Գլխարկս առի, չմոռցայ
 նաեւ բարձին տակը պահուած ատրճա-
 նակը եւ խենդի պէս նետուեցայ դուրս։
 Իջայ աստիճանները, եւ շունչ մը առի
 միայն երբ ոտքս գրէ դուրսի մայթին
 վրայ։

Քանի մը քայլ՝ եւ պիտի փարատէր
 մղձաւանջը, պիտի օջնչանար դժոխային
 մեքենան։ Մակայն ճակատագիրը երբէք
 թոյլ չի տար իր գոհերուն օձիքը։

Պանդուկին գոնէն քանի մը քայլ հա-
 զիւ հեռացած էի, երբ ինքնաշարժ մը
 կանդ առաւ քովս եւ Անահիտը մօտեցաւ
 ինծի։

Ն. Զ.

(Մնացեալը յաջորդով)



Մարդկութեան Խօսք՝ Չարասքեր

Խորը կեանքին ու աշխարհին,
Երկիր երկիր, քաղաք քաղաք,
Ու վիշտ առ վիշտ
Տեղաւորուած ու կատակուած
Մարդկութիւնը սա ներկայի,
Երկինք դպչազ Տառապանքի ու Գիտութեան սեւ լեռ եղած՝
Հրբառայտի բարբ խառնարան իր գագաթէն, ստորստէն ու լանջերէն,
Խորունկներէն,
Հնչեց խոհեր, հնչեց խօսեր, սրտմութիւններ,
Երեխայի մը նորածին,
Աշխարհածի՛ն:
Ամպ-ամպդկութեան ամպ-ուղեղէն,
Ամպ-շրթներէն եւ ամպ-արտէն՝
Խօսեր ելան սեւաթռիչ, սեւ ագռասի երամի պէս,
Աշխարհ բռնեց սեւածիծաղ
Խօս մը դժգոհ, խոր, անխաղաղ:



— «Է՛յ նորածին, է՛յ հոգածին, բարո՛վ եկար-
լաւ չէ՛ աշտեղ, հաս կը մեռնին, ինչո՞ւ եկար:
Սա՛ն է աշտեղ, դառնադեղի՛ն, ինչո՞ւ եկար:
Հի՛ն է աշտեղ, նե՛ղ է աշտեղ, կը փոխուի յար, բայց նոր չ՛ըլլար,
Կը թռի թէ կը տարածուի՛, բայց չի՛ լայննար,
Ինչո՞ւ եկար:
Անմեզ մարմին, դեռ մեր հոգին հազիւ դպրոզ,
Գեռ Անդիին գոյնը վրադ,
Գեռ Աստուծոյ բռնը վրադ, շունչը վրադ,
Գեռ ամէն ինչ քարմ ու պայծառ,
Թոյնին ճամբան ու բորբոսին ու քայքայման,
Որ կեանքն է սա դժուարաստի՛
Ինչո՞ւ մտար:
Ո՞վ քեզ խաբեց ասկէ երկինք,
Ո՞վ քեզ որսաց, գերեվարեց Անծանօթէն,

Վաղածանօթ բերաւ տիզմին,
 Խնացալիւն ու կիրքերու խառնեց ցեխին:



-- «Բերուած ենք մենք հինէն ի վեր, եղած միլիոն, եղած միլիառ,
 Ու սիրտը մեր երագավառ՝ մեր աչքին դէմ մեզի համար
 Գեհեհնակերտ լրած ազիւս,
 Կը բարձրացնենք շէնքը հօրս այն դժոխքին,
 Որ կը կոչուի՝ օ՛ր մարդկային, կեանք մարդկային, կայք մարդկային:
 Բարբ դժոխքին, քէ՛ծ դժոխքին համար մերին,
 Կա՛ր պէտք արդեօք հեռուէ՛ն բերուած
 Քու պատըլիկ ազիւսսրտին:
 Դուս ալ սնա հողէն քամուած մարդու արիւն, անո՛ւն մը խեղճ աղամարտու՛
 Կրակին մէջ մարդադժոխք սա աշխարհին:
 Բայց քանի որ եկա՛ծ ես ալ, գալոց բարի՛՝
 Դուս նորածին ու դուս փոքրիկ աշխատաւոր՝
 Դժոխք-կեանքի:
 Բարս՛վ եկար:
 Ասա՛դ, ասա՛դ,
 Մոռցած կեանքը Անծանօթին, - օ՛ մեզի պէս, - պիտի չըլլաւ բնաւ խաղա՛դ:
 Մոռցած քարքառն այն աշխարհին, նախակայքին,
 Ուրի՛շ, ուրի՛շ այն Գոյութեան՝
 Այստեղ եկար,
 Հաց ոչալու, սէր ոչալու, ցաւ ոչալու, հող ոչալու:
 Մուրալու դիրք, մուրալու փառք,
 Համակրութիւն, իշխանութիւն, կեանքի գազաք:
 Մուրալու դեռ - յաւէ՛տ ազատս -՝
 Միտք, գաղտնաք,
 Ուրիշին քով քաղցրը ականջ, անուշ քարքառ:
 Մուրալու կին, գեղեցիկ կուրծք, առինքնող յօնք
 Եւ հոգիի անեղին մէջ քիչ մը կրօնք,
 Մանանելի հատիկի չափ մանր հաւատք:
 Ու մուրալու այդպէս ցմահ, միշտ հովանք՝
 Յայտնի, գաղտնի:
 Մուրալու միշտ՝
 Քիչ մը դպրոց, վկայական, օրեր դիւրին, օրեր առատ, օրեր անվիշտ:
 Ոտքերուդ տակ, հող հայրենի ու դրօշակ,
 Արդարութիւն, եզրայրութիւն, կեա՛նք անխորշակ:
 Ու մուրալու՛, ու մուրալու՛, ու մուրալու՛,
 Դեռ եւայլն, դեռ եւայլն, դեռ եւայլն...»



-- «Մենք բոլորս հին չճար, հին անտար, հին յանցաւոր՝
 Բաներն այս խեղճ կը մուրանք միշտ, համապագօր,
 Աստուածներէն, երկինքներէն, դիպուածներէն,
 Ուրիշներու հաշիւներէն, քայքայներէն, անկուսներէն ու վերելքէն:
 Ու դեռ յետոյ խոր ու դժգոհ՝

Կը մուրամք մենք այնքան բաներ մեր արևմտին բարկութենէն:
 Հոտուրտացող մարացկան ենք, ո՛վ նորածին, մայրական դժբախտ գաւակ:
 Կը հոտուրտամք ոչ թէ մարդու, այլ կարծես թէ ուրիշ քթով,
 Գագումի, յայտնի եւ ինքնատիպ անքիւ ոճով:



Կը մուրամք՝ — շունչերու շնչն ոճով:
 Ոչխարի հեզ ոճով:
 Ազուէսի նենգ ոճով, փուրք ոճով,
 Փիղերու հաստ ոճով: Արջերու եւ ուղտի կոշտ ոճով:
 Կը մուրամք՝ — ազոաւի, պաղ գորտի, տա՛ղակալի դեռ ոճով:
 Խօզերու ցեխ ոճով:
 Բուի պէս, չղջիկի, կարիճի եւ իծի՛:



Եւ սակայն մերք ըմբոստ՝
 Կը մուրամք վագրերու բրտութեամբ,
 Առիւծի կասկարմիր մուսնչով:
 Կը ժպտինք, կ'արտասուենք,
 Սնգանին մենք բռունցք կը գարնենք,
 Կը գարնենք ամէն բան,
 Թէ հարկ է՝ ...սոսնամա՛ն.
 Խորքին մէջ ազատ սնձ՝ մուրալու համար լակ,
 Գողնալու, կորզելու համար լակ:
 Կը գարնենք բանակներ բանակի,
 Ամբոյսներ ամբոյսի:
 Կը գարնենք ազգը մեր ա՛յլ ազգի,
 Կասակարգ մ'ուրիշի:
 Կը գարնենք պատմութիւն պատմութեան,
 Հերոսներ հերոսի, մեռելներ մեռելի, շիրիմներ շիրիմի:
 Կը գարնենք դեռ հեփիաթ հեփիաթի, գրոյցներ՝ գրոյցի,
 Առակներ առակի,
 Աշուղներ աշուղի, ֆերթոյներ ֆերթոյի:



— «Կը գարնենք տրտմութիւն իրարու, գայրաշքներ իրարու:
 Ու նախանձ իրարու, ու ռիսեր իրարու, ու վախեր իրարու:
 Հրթիռներ, ատուածներ՝ իրարա՛ն:
 Խորքին մէջ, նորածի՛ն, նորածի՛ն, բա՛ն մի միշտ մուրալու,
 Գողնալու, կորզելու:
 Արդ եկար դուն բարի, աշխարհին մէջ չարի,
 Փոքրիկ գող, մանտրտի՛կ մուրացիկ...»



— «Հաս երկիր է, հաս չին խօսիր կարծես բնու,
 Հաս խօսած են, հինէ՛ն ի վեր, շատ քիչ անձեր:

Խօսած են հաս քանի մը երգ, քանի մը գիրք, գոյն ու քանդակ,
 Խորունկ վերքի յաւերժացող քանի մ'արարք:
 Վստահուած է խօսքը բերնի՝ վախան արտի,
 Փոխան արեան, վերին խոհի ու արարքի:
 Բերանը բայց, ո՛վ նորածին, մենք միշտ տեսանք՝
 Լոն կ'ազմկէ, ձայն կը ծամէ, ծամելու պէս հաց ու ոսկոր.
 Բաներ միշտ չոր:
 Կը գզմէ ըստ, նշմարութիւն:
 Բերա՛նը մեր: —
 Կշուք փշրող գործիք է ան, հինէն ի վեր եին մեքենայ,
 Իմաստ ջարդող, միշտ անխնայ:
 Բերանով վարժ՝ կը հաշինք տուտ.
 Սուտը ըրած գլխու համար թուն քաղցրացնող դեռ ննջարարձ,
 Հաշիւներու վերամակին տակ կը քանանք ինքնահաւան ու ինքնապարձ:
 Զինք արթննար լոյսի համար, սիրոյ համար,
 Հոս երկիր է, մենք կ'արթննանք սուտի՝ համար:
 Սուտ խօսելու բարձր ձայնով,
 Միջին ձայնով ուրիշ մէկ տուտ
 Ու ցած ձայնով նորածնու սուտ,
 Մերք լռութեամբ՝ հանճարե՛զ սուտ:
 Հոս երկիր է,
 Հոս չեն երգեր, կ'աւրեն ձայնե՛ր,
 Ու տրուած այդ ձայներով կ'ընեն աւեր՝
 Ականք, հագի, ներքին յոյզեր:
 «Շունն է ենք, կ'ըսեն, սատուածային»,
 Բայց կը պոսան հաշիւներով միշտ դիւային:
 «Մարդ ըլլանք լաւ» կ'ըսուի, կ'ըսուի,
 Բայց չկա՛յ օր, որ չարութիւն չտարածուի:



— «Բարձր՝ եկար,
 Բայց չես գիտեր, խեղճ նորածին,
 Ատուածորդի մէկ հաս եկաւ,
 Հեղ մը եկաւ, գարհուրեցաւ, ելաւ գնաց:
 «Բարձր կու գամ» ըսաւ, գնաց,
 Եւ ա՛յ չեկաւ:
 Մարդեր եկան, անթիւ մարդեր, խեղճեր անթիւ, բի՛ւր քշուտներ՝
 Եւ Ան չեկաւ, պիտի գա՛յ դեռ:
 Զարհուրեցաւ:
 Մնաց գիրկին մէջ հայրական,
 Զիջաւ դարձեալ մեր կեանքին մէջ գեհեհական:
 Ատուած չի գար, չէ՛ր գար գուցէ,
 Թէ որ գիտնար անմարելի ինչ մեծ բոց է,
 Կեանքը մարդուն.
 Թէ որ գիտնար թէ կեանքին մէջ ցուն է անհուն:
 Թէ որ գիտնար Գողգոթա կար, Պիղատոս կար
 Ու սու խաչ կար:
 Մա՛րդը կու գայ, եկաւ միշտ ալ, կու գայ նորէն,

Իր բազմութեամբ, բազում ցամալ, բազում խաչով, կու գայ նորէն:
 Մա՛րդը կու գայ ցաւ կրելու, ցաւեր տալու,
 Ցաւ փռելու:
 Տասներկուէն մէկը եթէ, մէկը միայն ըլլայ Յուշա,
 Աստուած նորէն մարդու մարմնով կ'ելլէ կու գա՛յ.
 Բայց երկուէն մէկը ըլլայ եթէ Կայէն՝
 Մարդը կու գայ, կու գա՛յ նորէն...

✽

— «Մենք բոլորս խառնակութիւն, յոռի բարբի սեւ Բարեւոն
 Կիրքի նիւսէ, տանջող Հոռոմ, տանջող Տիգրոն,
 Մենք բոլորս, տեսակ մը Բել,
 Ու նոյն ասեմ ընդդէմ Բելի Հայկի հզօր միշտ առասպել՝
 Պիտի կռուիմք:
 Արիւնք մեր պիտի բալօի այլ արիւնի,
 Պիտի սեւնայ, պայծառանայ, դարձեալ սեւնայ.
 Հօս երկիր է,
 Ու մեծք այսպէս՝ — խառնակութիւն, խառնակ վայրի հին բնակիչ,
 Բարի եկար, բարի՛, բարի՛,
 Հին ցաւերու, հին կրակի նոր նորածին, նորածամա՛ն զուն խառնակիչ:

✽

— «Մենք պզօած եմք եղեմէն ետք ցնորական,
 Քանի՛ եղեմ, ջիւղ, իրական:
 Արդէն, արդէն, ինչ որ սիրենք կը կարծենք գայն քաղցր եղեմ,
 Զար պէտք է շուս արենք, պզօենք:
 Անցեալը մեր՝ պատմութիւն չէ,
 Սխալ գործի երկինք հասած լեռնակոյտ է:
 Դիզուած դաւ է, դիզուած ոմիր,
 Դազանական կիրքի ջուլիր:
 Պիտի մեծնաս, պիտի տեսնես, պիտի գիտնաս,
 Պիտի զգաս զեզ քառ,
 Մայրք քառ, հայրք քառ, որդիք քառ՝ս:
 Եզբայր ու քոյր՝ — քառս, քառս:
 Սիրականներ, սիրուհիներ, մտերիմներ՝ — քառս, քառս:
 Գողափարներ՝ նարէն քառս,
 Ու կրօններ՝ նորէն քառս,
 Վարչակարգեր՝ դարձեալ քառս:
 Ուր որ երթաս, ով որ տեսնես՝ քառս, քառս,
 Եւ դուն բարի՛ եկար այստեղ
 Փոքրիկ քառս...

✽

— «Մենք բոլորս խառնիճազանն,
 Մենք բոլորս միայն ծխար,
 Ազմուկ պղտոր:
 Մենք բոլորս օրացոյցի թուակամի փոքր հաշիւ,

Եստ հին անցեալ, ու մտայտուզ :
 Ենթադրե՛ք, ու շուարում :
 Ապագային ուզգուած դիտակ՝
 Ու ցնորքի հեռապատկեր տխրատեսակ :
 Սուրբ «ես» ունիմք, եւ չունիմք բաճ,
 Անկէ բաժան, անկէ դաժան :
 Դժոխարմատ մենք այդ «ես»ին գաղտնի ու յայտ նամբաներով,
 Ազօբֆներով ու զքամով,
 Խաբէութեամբ ու միշտ յօստով,
 Հերոսութեամբ ու մատնութեամբ՝
 Պիտի բերեմք առաւ սնունդ :
 Մենք այդ «ես»ին դրան սոքու, սրտնեղ որտնեղ՝
 Հաւատարիմ պահապամ ենք, գամբա ենք անեղ :
 Ու «ես»էն դուրս, «ես»ին համար՝
 Գերատան ենք :
 Հագիւ անկեղծ՝ կը դառնամք կեղծ, կը դառնանք նենգ :
 Ճակատագրի խաղ կայ մէջտեղ, եւ մենք գորշ անձ, եւ մենք հոսպիտ՝
 Մազրախազն այդ, բիրտ ու կոպիտ,
 Կը խաղանք միշտ մախանքին լայն դաշտին վրայ,
 Ե՛ւ երկուքով, ե՛ւ միլիոնով, ամբուութեամբ, բնականութեամբ :
 Յանուն խորունկ ու ցաւագին ու տխրագին այդ հին խաղին,
 Ստիպուած ենք զնջել զիրար,
 Կեանքը շողուն՝ ընել խաւար :
 Ստիպուած ենք կոզմ ունենալ, դրօշ պարզել,
 Բաներ սիրել ու չսիրել արի՛շ բաներ :
 Թէ չխաղանք աստուծոյն ու մախանքի խաղ եզակի,
 Թէ չխաղանք Տարակոյտի ու Տրամութեան դաշտին վրայ
 Խաղ ժպտի, խաղեր սիրոյ եւ մարտի,
 Օրերն անցնող, մեզի համար չեն պատրաստեր կենսագրութիւն,
 Երգացող փառք, դիրք ու անուն :
 Դարերն ապա չեն շորադրեր հերոսական վառ պատմութիւն՝
 Ոչ ազգային, ոչ կրօնի, դասակարգի ու դրամի,
 Ոչ գիտութեան ու արուեստի, ոչ մէկ տեսակ պատերազմի :



— «Ի՞նչ խեղճութիւն, տգիտութիւն, անգործութիւն.
 Մենք բոլորքս, անհաշիւ մարդ. կը գգանք մեզ քիչ .
 Իսկ թէ եղանք լոկ երկու անձ մենք ինչ ինչ,
 Մէկն երկուքէն կը թուի շատ, կը թուի խորք ու անխորդ :
 Մէկով քիչ ենք, միլիոնով քիչ,
 Իայց երկուքով կ'ըլլանք շուտով մենք շնչահեղձ,
 Գերբնականա՛ծ շրջապատի մէջ կը գգանք մեզ :
 Երկու՛ր հոգի...
 Եւ արդ ինչո՞ւ երկրագունդը թող չկէր :
 Երկու՛ր հոգի...
 Այդ ըսել չէ՞ առատութեան գերազանց թիւ ու վերջի՛ն թիւ .

Երկուստեք վերջ թիւերն ամբողջ, մինչեւ միլիտա, մինչեւ անհուն չե՞ն
Յուագիր:

Երկու հոգի...

Այդ ըսել չէ՞ մէկը Կայէն:

Ամէն հոգի ինքզինք կը զգայ բարի Արեւ, դիմացինը սեւերտ Կայէն:

Բարի՛ եկար հետեւաբար, անդրաշխարհէն,

Դուն քեզ համար փոքրիկ Արեւ:

Եւ ուրիշի աչքին դիմաց մեծցող Կայէն:

❖

— Վե՞նք բոլորս միշտ յանախորդ՝

Տափակ օրուայ, տրտում օրուայ, շատ գարշ օրուայ,

Մեր տուներով, փողոցներով, ֆազաններով, երկիրներով, տիեզերքով,

Մեր գարունով, մեր ամառով, դեռ աշունով, դեռ Ամենով:

Կապոյտ ծածկող միշտ ամպ եմք մե՞նք,

Այնքա՞ն այնքա՞ն զբաղմունքով:

Այնքա՞ն այնքա՞ն վառ կիրքերով՝

Միշտ ամպ եմք մե՞նք:

Հողին վրայ երկրագունդին մեր այսօրն հին,

Մարդկութեան կայ սա ամպակոյտը ահա,

Մտահոգիչ սա ամպակոյտը յաւէտ,

Որ կը լազայ, կ'անցնի՞, կ'երթա՞յ,

Ժամանակի ու Տարածքի երկինքներէն:

Բարի՛ եկար, ինչո՞ւ եկար, անգիտութեամբ՝

Ամպակոյտին քով վիթխարի, դուն փոքրի՞կ ամպ:

❖

Ըսէ՛, ըսէ՛, ինչո՞ւ եկար,

Դուն, նորածի՛ն, դժուար նամակ, դժուար երկուող, դժուար՝ հասցէ՛

Նամակասուն սա կեանքին մէջ:

Ըսի՞նք քեզի թէ ի՞նչ կայ հաս:

Ըսե՛նք ահա. միլիտա սրտով, միլիտա բերնով,

Մեր մեծերով, մեր փոքրերով,

Հերոսներով եւ լիրբերով, դատաւարով եւ գողերով,

Ըսե՛նք քեզի հատորներով,

Նկարչութեամբ, ֆանդակներով ու ճուղով,

Ըսե՛նք կեանքի բոլոր բոլոր լեզուներով,

Սննդայրածիր շուկաներով,

Ազատութեամբ ու դրամի բարձր դէգով,

Տանարներու շինչ մաքրութեամբ,

Եւ փողոցի ցեխով, կեղտով,

Ըսե՛նք ահա սլաութներով, բանտարկութեամբ, կախաղաճով,

Վարձատրութեամբ, փառքի փողով ու քմբուկով,

Մարտցիկով, գորավարով, թագաւորով,

Տիքաբարով,

Ըսե՛նք քեզի՝

Յետո՞յ մշա, յետո՞յ ֆալէ, յետո՞յ մեծցիր՝

— «Որքան կապոյտ, կանանչութիւն,
Որքան զուրեր, որքան ծաղիկ,
Որքան մամբայ ու նոխաութիւն՝
Պիտի երբե՛ք չյագենաս:

— «Ովկիանին մէջ, տեղ մը ասի մը հաց կը ծփայ քեզի համար.

— Գնա՛ գտիր:

Հա՛ց կայ հեռուն, երասին մէջ անդունդներում.

— Գտիր, ծա՛ւէ, ապա մեռիր:

Ալիքներուն ծայրը, հեռուն, ցնցատի կայ կամ ծիրանի,

— Գնա՛ հագուէ, ազատ եղիր, արքայ եղիր դուն անուանի

Ու խեղդուէ՛:

Փա՛ռք կը բաժնեն հովերու մէջ, ծովերու մէջ, կապոյտ սփռուք Անգրի՛ն
մէջ,

— Մորթո՛ւ փոխէ, հոգիդ փոխէ,

Ծախէ, նետէ ինչ որ բերիր դուն Աստուծո՛ւն — Ծախահարուէ՛:

Կռունէ մէկը երբ օրը գայ, դիմակդ վա՛ր,

Քեզի համար վե՛ր բարձրացած արձանը վա՛ր,

Կ՛ըլլաս ճղճիմ, կ՛ըլլաս տճգոյն, կ՛ըլլաս վատթար:

Ճարտա՛ր էիր,

Բայց ի վերջոյ կ՛ըլլաս տխմար՝

Ե՛րբ հոգածին, փռքի՛կ տխմար, բարի՛ եկար:

Պիտի մեծնա՛ս — հիանալի՛:

Մենք ալ մեծ ենք: Մեծցա՛նք, մեծցա՛նք:

Ի՞նչ բան մեծցա՛ւ մեծնալով մեր, —

Թշուառութիւն, սրտի ճմեռ:

Պղտար պղտար, մոլեգեազօր՝

Կիրք անեցաւ, ամէն տարի, ումէն ամիս եւ ամէն օր:

Վի՛շտը մեծցաւ, մենք պզտիկցանք:

Խա՛հ մեծցուցինք, նզուռեցանք:

Արեւ եկաւ, արեւ գնաց,

Բաներ եղան փռք ու ճղճիմ,

Բաներ ուրիշ մեծ ու պայծառ, հաւատարիմ,

Բաներ ապա, ցուրտ, տաղտկալի՛

Ու ծերացանք:

Շատերս արդէն կեանքին բեմէն կը բուսի թէ հեռացեր ենք

Չքանցե՛ր ենք:

— «Պիտի մեծնաս — սխանչելի՛.

Մեզ փրկելու ունի՞ս դուն խօսք, վսեմ արարք:

Ունի՞ս դուն ուժ, ունի՞ս պատգամ, լուսազոյն բարք,

Այրուղ, կիզող եւ ուռեացնող ճշմարտութիւն:

Ոչ թէ «Ես»իդ՝ մեզի՛ համար,

Ունի՞ս մեծղի տեսիլքներու դուռ լուսալեռ,
 հաչ ու արիւն,
 Աւետարանն նոր արուեստի, նոր մտքերու.
 Կախարդանքիւք ի՞նչ բան ունիս:
 Աստուած եկաւ եւ ա՛յ չեկաւ,
 Կու գայ, չի գար, ի՞նչքն գիտէ:
 Մարդու մարմնով ու հոգիով,
 Աստուածայինն ըլլաս եթէ՜ քու ընթացքով՝
 Բարի՛ եկար:
 Բայց այն ստեղծ սիրտի ծագրեմք՝ քեզ սաստկօրէն,
 Պիտի տալենի սիրտդ, հոգիդ, եւ ո՞վ գիտէ,
 Գուցէ եւ քեզ ա՛յ չափազանց մեծցա՞ծ մեծցա՞ծ համարելով՝
 Սուտ համարեմք եւ տրտնեմք:
 Կամ համարեմք մեր դիմակին քեզ քշմամբ՝
 Եւ խոր քաղեմք տակը գետմի:
 Թերեւս քեզ սաստուածարդի մը համարենք՝
 Կա՛չք հանեմք:
 Յետոյ ըսեմք՝
 Տեսարի եկար փոքրիկ հերոս կամ փոքրիկ սուրբ, կամ մարգարէ,
 Ու քերեւս փոքրիկ մարմնով՝ հակառակորդ ոսկեհոբբի,
 Ամենագոր առտուածորդի:



Ինչո՞ւ եկար, ի՞նչ էր մեղքդ,
 Զայն քաւելո՞ւ, թէ գործելու համար եկար:
 Զո՞հ կը պակսէր... արդ ի՞նչ ենք մենք:
 Թէ մարդասպան իբրեւ եկար, — արդ ի՞նչ ենք մենք:
 Դուն օժանդակ սամբուզներո՞ւ կու գաս արդեօք,
 Թէ գործակից տանքողներու միշտ անողոք:
 Օրկու միլիառ, երեք միլիառ անձեր ենք մենք,
 Զարիք կ'ընենք, կը տառապիմք, բարիք կ'ընենք,
 Զե՞՞՞՞՞՞՞՞ քուեր մենք:
 Դեքասա՞ն ես: —
 Ո՞վ է մտքած դերը սակայն՝
 Իր տրտմութեան, յաւակնութեան ու քննիքին այնքան ունայն:
 Ո՞վ է մտքած սուտ սուտ լռելի, սուտ սուտ խորհիլ, սուտ վեհ ըլլալ.
 Ո՞վ է մտքած ժպտիլ անվերջ, շատախօսել, նիւթեր պատմել չհասկցած,
 Սէր ցուցադրել՝ առանց սրտի, ցուցադրել միտք՝ առանց մտքի,
 Խօսիլ հաւատք՝ չհաւատալ, երգել երգեր՝ թմերզ հոգւով:
 Ո՞վ մտքած է, մտքած է ո՞վ գմեզ մոռնալ,
 Զտանջուիլ ու շտանջել, չհալածել:
 Զարեամարհել, չբամբասել, չանուանարկել սիր ու գիշեր:
 Զկուտակել մեզի դէմ ոյս, տաք, բազմամբոյս:
 Ո՞վ մտքած է չստակեցնել՝
 Կօշիկներու գործատան մէջ գմեզ բոսիկ,
 Հաշարանին նոխարութեան մէջ մեզ անթի:
 Մեծցիր շուտով, այսուհանդերձ, է՛յ նորածին մեծցիր շուտով,

Դերդ խաղայ՝
Ո՛վ մանդրտիկ դուն դերասան, դուն երեխայ :



— «Այ օր կ'ապրինք, գարշ կը խօսիմք, գարշ կը խորհինք, գարշ կ'երազենք :
Կր գործենք գարշ :
Մեր լուսնի տակն է սգեղ, բայրն է նեխած,
Լա՛ւ բան կ'ուզենք : Մեր պապակն է՝
Քանի ելանք ու կը շնչենք արեւին տակ մթին հողէն :
Քայլած, խոնքած մեր պատմութեան նայն ծարսն է, քաղցը խորունկ՝
Լա՛ւ բան տեսնել, — Արդարութիւն, լոյս ու դրախտ :
Կ'ուզենք, կ'ուզենք՝ արի՛ւն արի՛ւն, միլիաւ սրտով՝
Լաւ արեւին, լաւ աստղերուն տակ լաւութիւն :
Լաւ լեռներուն, լաւ դաշտերուն մէջ լաւութիւն
Լաւ գիտութեան, լաւ արուեստին մէջ լաւութիւն :
Լաւ Աստուծայ, լաւ Աննունին լաւ շէնքին մէջ
Մենք կը բազմանք քու առիթով
Եւ առիթով՝ մեզուք քիտոյ ամէ՛ն, ամէ՛ն նորածինն՝
Փոփոխութիւն ներկայ վատքար գոյակերպի :
Միլիաւաւոր դժբախտ եղբայր տուինք գէշին,
Մաք բարեբաւ տալինք զանոնք մաք քասիկն :
Արդ կը սպասենք ուրիշ անքիւ միլիաւներու՝
Ռոնք պէտք է բարի ըլլան, ուղիղ ըլլան, հօր ըլլան .
Ըլլան անկեղծ, ըլլան սիրող, ըլլան եղբայր :
Պատմութիւնը ալ կայէնի, ալ Յուդայի, Պիղատոսի,
Մոռացումի ու չֆացման պէտք է մէջը ալ կարուի :
Եթէ իբրեւ սկիզբ եկար նոր մարդկութեան,
Ճիշդ խօսեբաւ, ճիշդ արուեստի, ճիշդ ժպիտի,
Ազատութեան ազա՛տ ձայնի,
Խաղաղութեան խաղա՛ղ խօսքի,
Բարի եկար, դուն քի՛ւր բարի,
Փոքրիկ եղբայր, անոյշ եղբայր,
Դուն անծանօթ, քաղցր եղբայր... :

ԵԴ. ՊՕՅԱՆՆԱՆ

Լ Ո Յ Ս Ը

Գուն լո՛յս, առաջին ծնունդ անգին,
Յաւերժական ահն ես յաւիտեմին...:

Անհուններու մէջ բացառիկ Անհուն,
Քու մէջ կը լողայ Տիեզերքն համբուն...:

Ամէն բան բեզմո՛վ կը դառնայ յայտնի,
Արժէ՛ք կ'ունենայ, կ'ըլլայ պիտանի...:

Լո՛յս, կու տաս վայելքն անուշիկ գարեան,
Մէջըս կ'արծարծես շողե՛ր ամնամ...:

Գանկիս մէջ ծնած լոյս-նիւթէ մ'իմջա՛ն
Խոկի ցոլփեր դէպ' Անհո՛ւն կը սուրան...:

Մայրամուտի շէկ՝ վառ դէ՛մքը լոյսէ
Գեպի արեւելք վարդ ա՛յց կը հիւսէ:

Երկինքէն իջած ճաճանջ մը յոյսէ,
Բիբըս շողի թաց խաղե՛ր կը հիւսէ...:

Բընութեան կեանքն է անբառ հե՛ւք լոյսէ,
Որ լանջիս տակ մեղմ ալի՛ք կը յուզէ...:

Վեր, երկինքն ունի բնա՛ր, լա՛ր ցոլփէ,
Որ, ո՛վ լոյս, շող-շող դողա՛վ քեզ կ'երգէ...:

Լո՛յս, լո՛յս, Աստուծոյ մէ՛ջ ես յաւիտեան.
Աստուած ալ քու մէջ, դուն լո՛յս անսահման...:

ԱՐՏԱՇԷՍ ՏՕՆՃՈՅԵՆՑ

Արարազէս Յարութիւնեանի



Գրական մեծ ու փոքր արժէքով նշխարներու հին սերունդի աւանդապահ մը, յայտնի գրագէտ Մ. Պարսաւեան, որուն մէկ ուսումնասիրութիւնը Կորին Մկրտչեանի մասին սկսած ենք հրատարակել ԲԱԳԻՆի մեր նախորդ թիւով, խմբագրութեանս սրամազրութեան տակ դրած է ապրիլեան եղեռնի տարաբախտ զոհերէն Արտ. Յարութիւնեանի տասներկուց նամակները, ուզուած՝ հայ վիպագրութեան փառքերէն մէկը համարուող Ջ. Տաշեանի, որ իր կարգին զոհ եղաւ Լաւրենտի Բախրեանի տարի ետք, հայ մտաւորականութեան համար գրեթէ նոյնքան սարսափեցիկ ուրիշ եղեռնի մը, այս անգամ հիւսիսային, նոյնիսկ բարձրօրէն շարժարկեղծ, բարձրօրէն... «ընկերակարակա՛ն»: Բայց մեր եղեռնի պատմութիւնները կրակի եւ դժոխքի՛ պատմութիւն են, անցնի՛նք...

Հրատարակութեան համար մեզի սրամազրուած տասներկուց խիստ հետաքրքրական նամակներու շարքը, որ այս եւ յաջորդական թիւերու մէջ պիտի տանք, չորս տարուայ շրջան մը կ'ընդգրկէ, սկսելով 1906-էն եւ վերջանալով 1910-ին: Նամակներէն յօթը ամբողջական են, մնացեալները ամփոփում եւ քաղուած: Բոլորին մէջ եւս կայ գրականութիւն, բարեկամութիւն, կեանքի առօրեայ, թախիծ եւ բան մը, խռովիչ եւ հրճիչ գերկայութիւն մը կարծես՝ որ կը սիրէ միշտ ինքզինք ծածկել...

Կա է բոզույ ահայն որ շէտուած Բնարսին հեղինակը ինք իստի Մակարայէն, Փարիզի իր բարեկամուհիին: ԲԱԳԻՆ

Չամակները



Չամակ
Եւստիանի

Մայկարա, 15/1/906

Ազնիւ Տիկին,

Կեանքի սահմանին մէջ այլեւս ո՛չ մի պատրանք գոյութիւն ունի. իմ հողաւոր ջաշին բոլոր լոյսերը մարած են շատոնց. մանաւանդ պիտի կարծէք թէ մարդաստեայ մըն եմ. տանձնասէր մը ըլլալ նախամեծար կը համարիմ. չափազանց բծախնդիր ու քիչ մը ազնուապետական հողի մը զերծ պահել կարենայու համար ուսմկութիւններու, կոշտութիւններու ցաւազդեցիկ դիպումներէն: Առանձնութիւնը մաքուր միջազայր մըն է, երազով ու խոկումով շրջանակուած: Ես կ'անցնիմ աշխարհին մէջէն սովորական մարդու մը դրոսերեւոյթով, բայց իսկապէս ապրելով անթափանցելի մտերմութեան մը հեշտալի տուայտանքին մէջ:

(Քաղուած նստակէ վը)

Մայկարա 15/28 Մարտ 1906

Ազնիւ Տիկին Ետայեան,

Հաւատացէ՛ք թէ շատ հաճելի անակնկալ մը ըրած եղաք ինձի՝ ձեր Բարիչէն թուականուած նամակով՝ որուն եթէ յուսայի իսկ, շատ իրաւունք ունեցած ըլլալ չէի կարծեր: Դուք նոր ապացոյց մը կու տաք այդպէսով ձեր բարեկամութեան՝ զոր վայելիլ պատիւ եւ պահպանել՝ հաճոյքներու մեծագոյնն է:

Ձեր գրական լուրերը հաճոյքով կարդացի: Որքան երջանիկ պիտի ըլլայի, եթէ մերթ ընդ մերթ ուզէիք գրել ինձի՝ ձեր գրական ու գեղարուեստական նոր ծանօթութիւններուն մասին: Այս սողերը գրած պահուս, հիմա, կ'երեւակայեմ զձեզ, ձեր շրջանակը, գրագէտ բարեկամները, բանաստեղծներ, նկարիչներ, որք անուն մը ունին այսօր Ֆրանսական գրականութեան մէջ. կ'երեւակայեմ, ու ինչպէս կ'ըմբռնեմ այն մտաւորական թանկագին հաճոյքի ու հեշտանքի վայրկեանները՝ զորս կ'անցնէք հոտ, Մտածումով, Արտեւատով, Գեղեցկութեամբ մազնիսացած այդ միջնորդութին մէջ:

Ես ալ բարեկամ մը ունիմ հոտ, թերեւս կը ճանչնաք զինքը, Magazine Internationale-ի պատասխանատու տնօրէնը, Léon Bazalgette. Ծատ ետանդուն, շատ աշխատասէր, օտար գրականութիւնները Ֆրանսայի մէջ ծանօթացնելու դործին մէջ կարեւոր աշխատութիւն մը նուիրած գրող մըն է:

Աշխատութեան կարեւոր բաժին մը ունեցած է նաեւ Պելի գրագէտները Ֆրանսայի մէջ ծանօթացնելու մասին: Հիացող մըն է Քամիլ Լըմոնիէին, Վերիարմին, Փիլարտին, Էլեֆուտին եւն: Վերջերս կը գրէր ինձի թէ կը պարապի ամերիկացի հռչակաւոր բանաստեղծ Ուաք Ուիլիամսի նուիրուած ուսումնասիրութեամբ մը, զոր անհամբեր էր կարդալու, վասնզի Ուաք Ուիլիամս տիեզերական հանճարներէն է: Եթէ անպատշաճ չէք տեսներ, տամ ձեզի իր հասցէն ու ծանօթացէք իրեն հետ. շատ ազնիւ

ժարդ ժրն է, ինչպէս կ'ըլլան արդէն ընդհանրապէս Փրանսացիք: Ահա՛ իր Հասցէն Լեոն Պապալժէթ, Րընըքէմ փողոց, 69. — Շատ ուրախ պիտի ըլլայի, եթէ ձեր տեսակցութեան մասին գրէիք ինձի:

Պիտի խնդրեմ նաեւ որ ամէն անգամ, եթէ կարելի է, դրկել բարեհասիք թիւերն այն հանդէսներուն՝ որոնց մէջ բան մը ունենաք դուք: Եթէ էջրի փաւր լ'Առ վերսուի, կ'իմացնէք ինձի: Անմիջապէս պիտի բաժանորդագրուիմ: Այս առթիւ պիտի խնդրեմ նաեւ ձեռքէ՛ ըսել ձեր բանաստեղծ բարեկամ Րընէ Կիլիսի՝ իմ հիացումներս ու համակրութիւններս՝ հեռուոր Արեւելոցի: Ըսէք իրեն որ, հեռուոր ու աննշան անկիւններու մէջ իսկ կը ճանչնան իր անունը, կը սիրեն զինքը: Իմ մասիս, հակառակ իր տարօրինակ եւ ինքնատիպ գերականութեան, հակառակ իր զարմանալի, անզոր-ծածական բառերուն, եւ անկախօրէն իր զեղեցկագրեական թէօրինեղէն, Ռընէ Կիլիսի մէջ տեսած եմ օժտուած խմոր մը, շատ ինքնուրոյն, շատ անկախ, եւ կը ճաշակեմ իր այն հատուածները՝ ուր ամէն բանէ դուրս, ամէն բանէ վեր, ամէն օրէնքէ անկախ՝ ինքը կը յայտնուի իբրեւ յաւիտեանական Բանաստեղծը, երազով յղի, յուզմունքով թրթռուն, կեանքով արբըլիս:

Mais il ne veut dormir mon enfant...

Mon enfant

Ne veut dormir, et pleure ! et tend à la lumière
 Qu'il sait trop — l'implorant geste de son exil
 Aux ondes du néant où se désole-t-il
 D'erre... — Or, ouvre les rideaux de nuit ! ô mère
 De silence; Que luise entre les doigts en voeu
 La joie,
 Le soleil vaste ! le premier dieu...

Բայց սաիկա հրաշալի չէ՞ պարզապէս: Շատ բան չեմ կարդացած ձեր բարեկամէն, սակայն ահա՛ ապացոյց մը թէ՛ իրմէ կարդացուած լատագոյն կտոր մը չեմ մոռցած:

Իսկ Վիեղծ Հանճարները՝: Նորէն անյաջողութեան հանդիպեցան: Ահա՛ թէ ինչպէս: Մամուրեան ինձի կը գրէ թէ, շնորհիւ Առաջնորդ Սըրբազանին, իր թերթին մէջ այլեւս չպիտի կարենայ վէպ ու փոլիմիքի վերաբերեալ յօդուածներ հրատարակել: Այդ է պատճառը որ Վիեղծ Հանճարները Շէրթօք Հօմսին հետ, կիսատ մնացին: Բայց նորէն յուսահատելու տեղի չկայ: Դուք ամբողջացուցէք ձեր գործը, թող պատրաստ մնայ: Անգամ մը եւս աչքէ կ'անցնէք, ձեր տեսութեամբ պէտք անսնուած վերնպու-մը ի գործ կը գնէք: օրով կ'ունենաք շատ խնամեալ գործ մը: Ես կ'ըստաննենեմ Պապիկեանները համոզել, գրքի ձեռք զայն հրատարակել տալու համար: Կը խնդրեմ որ այս մասին անփոյթ կամ յուսահատ չգտնուիք:

Յետոյ, եթէ կարելի ըլլայ, վստահ եմ թէ պիտի գրէք ինձի նաեւ ձեր մօտ, Բարիզի մէջ իրազործելի գրական եւ զեղարուեստական մտադրութիւններուն մասին: Կ'ուզեմ, եթէ ինձի համար որ եւէ անպատեհութիւն չկայ, տեղեկանալ անոնց մասին, եւ վստահ եմ թէ իմ հետաքրքրութիւններս զուսպեցուն մէջ ձանձրութիւն չպիտի զգասք: Վերջապէս պիտի յուսամ որ ձեր նամակները միշտ պարունակեն տեղեկութիւններ գրական ու զեղարուեստական այն բոլոր հարցերու մասին՝ որոնց տեղեկանալուն

մէջ անպատեհութիւն չի կրնար կենալ ձեր հեռաւոր բարեկամին համար:

Իսկ ե՞ս, կը հարցնէք թէ ես ի՞նչ կ'ընեմ: Ոչի՞նչ: Գուրեմանի ոտանաւորէն յետոյ, ձեր անունին ձօնեալ ուրիշ մը եւս զրկեցի Մամուլին, ու կը ցաւիմ որ կարելի չեղաւ հրատարակել զայն: Գողթան երգերէն առաջինն էր ան, ոտանաւոր երգուած, եւ իմ սեփական ըմբռնումներուս իբր ատափքաւիտն փորձուած, իր պատկերաւից սէնպալիզմին մէջ: Կ'ենթադրեմ թէ կը հետաքրքրուիք նաեւ զՆՐԿՈՆՔՅՈՎ, որուն հրատարակութեան ձեռնարկուած է, փորձերը բարերախտաբար ինծի կը զրկուին. ես կը սըրբազրեմ. առաջին փորձը լոյս տեսաւ. դէշ չէ: Տպագրութիւնը բաւական ճաշակաւոր կրնայ համարուիլ:

Ուրեմն՝ ցտեսութիւն. իմ բարեկամական ջերմ զգացումներս, ձեզի ու ձեր յարգելի ամուսինն.

Ձերդ

ԱՐՏԱՇԷՍ ԹԱՐՈՒԹԻՒՆԵԱՆ

Մեր կողմերէն հետաքրքրուող բարեկամներուն՝ բարեւոյն:

ՆՈՅՆ

Մալկարա 15/28 Ապրիլ 1906

Ազնիւ բարեկամուհիս,

Հաւատացէք թէ միշտ ամենամեծ շահագրգռութեամբ կը կարգամ ձեր նամակները, անհամբերութիւնով անոնց սպասելէ յետոյ: Վերջինը մտնականը երջանկութեան վայրկեաններ պարզեւեց ինծի՝ իր բարեացակամ մտերմասացութիւններով: Երախտապարտ եմ ձեզի՝ քանի որ այնքան փոյթ ունիք շատ ներողամիտ եւ յոյժ պատուական ձեւով մը ծանօթացնելու զիս ձեր Ֆրանսացի զրազէտ բարեկամներուն: Վարանումով կը մտածեմ մեզ նման հեռաւոր ու անծանօթ մարդոց տրուած կարեւորութեան՝ Ռմի՛ կիլին պէս Հանրածանօթ բանաստեղծներու կողմէ: Ու բարձրագոյն պատիւներու արժանացած պիտի համարիմ ինչզի՞նքս այն պարագային՝ ուր նշանաւոր բանաստեղծը զիջումը ընէ ինծի զրկելու իր կարեւոր երկասիրութիւններէն մին, Փանքօն սէ Փանքօնը: Պատեհ առթիւ իրեն ըսելով այս ամէնը, երախտագիտութեան նոր հարկ մը զբած կ'ըլլայիք իմ վրաս:

Բայց մանաւանդ կ'ուզեմ անդադառնալ ձեր խնդրին: Ինչո՞ւ այնքան կարեւորութիւն կ'ընծայէք Անտօնեանի կամ իր նմաններուն: Ու նոյնիսկ մինչեւ այն աստիճան որ՝ ձեր բարեկամներուն անձնութեան մասին ձեր ունեցած վստահութիւնը կը տկարանայ: Դուք շատ լաւ գիտէք թէ մեր այսօրուան զիջ մը աւելի կամ հետզհետէ աւելի մտերմական բարեկամութիւնը զբական հիմ մը ունեցած է: Ըսել կ'ուզեմ թէ գձնգ իբր բարեկամ ճանչնայէ առաջ՝ ճանչցած եմ իբրեւ զբազէտ, եւ իմ սեփական նախասիրութիւններուս, իմ հասկացողութեանս ու ճանաչողութեանս միշտ ջանացած եմ տալ այնքան մը անկախութիւն ու անկեղծութիւն, այնքան մը լըրջութիւն ու հաստատամտութիւն՝ որքան բաւական էր զոր օրինակ կարե-

տրութիւն չընծայելու տարտամ Ա...երու անբարեմիտ աղմկասիրութիւններուն: Կրնաք հաւատալ, եւ շատ պիտի խնդրէի որ հաւատայիք թէ, ես նոյն իսկ չկարգացի Սուրհանդակի այն թիւը՝ որ կը պարունակէր շաքարի տուփի մը պատճութեան բաղադրութիւնը: Եւ այն պարագային, ուր այլեւս ուրիշներուն հետեւիլ հարկ ըլլար իմ դրական գնահատումներուս մէջ, դուք ի՞նչ կարեւորութիւն պիտի ուղէիք ընծայել անոնց: Հանդարտ եղէք դուք, թողէք որ շարախօսները եւ անբարեմիտները անգամ մը եւս ապացուցանեն ինքզինքնին: Բնա՛ւ մի յուզուիք. եթէ կրնաք՝ ժպտեցէք եւ եթէ անպատճառ հոգ ունիք հերքելու գիրեմք, լաւագոյն միջոց մը ի գործ դրած կ'ըլլաք, ըստ իս, հրատարակելով մին ձեր գեղեցկագոյն աշխատարկութիւններէն: Թերեւս այս ճամբան շատ զոհարարիչ չէ կանացի գիւրազգածութեան մը համար: Ասիկա՛ իմ մեթոտս է: Թերեւս չէք գիտեր թէ այս վերջին օրերս խիստ շատ գրադեցան ինձմով Մանգրամէի եւ Համբարդտակի մէջ: Բնա՛ւ փոյթս չէ: Ատոնց ամէնը՝ աւելի՛ գրգռներ են որ շատ աւելի եռանդ եւ հողածութիւն ի գործ դնեմ իմ ապագայ աշխատութիւններուս մէջ, առանց գրադուելու այն տարտամ խրատութիւններով, որք ուղածնին կրնան ընել: Շատ անգամ կը պատահի որ ես լուր չեմ ունենար անցած դարձածէն: Շատ թերթ չեմ կարդար: Ատոնց ամենը ձեզի գրելով, ուրիշ նպատակ չունիմ եթէ ոչ ապացուցանել թէ բոլորովին անտեղի են ձեր յուշումները: Այդպիսի մարդոց ո՛չ քննադատութիւնը ոչ ալ գնահատութիւնը կ'իմա ունի: Աւելի լաւ է սովորական հասկացողութիւններէ բարձր աստիճանի մը վրայ բռնել ինքզինքը: Նոյն իսկ տարտամ հասկացողութենէ բղբած գովեստներ ու գնահատումներ՝ տրտութիւն կը պատճառեն ինձի: Լիովին հասկցուած ըլլալու պարագան միայն ձեր փառասիրութիւնը կը գոհացնէ: Մեզի պէս գրողներ, որ միակ գերազանց նպատակ մը ունին, — ձգտել իրագործելու իրենց Արտեստի եւ Գեղեցկութեան երազը, չունին լաւագոյն բան մը ընելու եթէ ոչ հեղհեղ աւելի սերտ փաթիլ իրենց իտէլիան, հեղհեղ աւելի լաւագոյն Զանք մը փնտաւելով իրենց հոգևոյն խորը, ի սպաս Աստուածներու մեծագոյնին:

Բայց, ազնիւ Բարեկամուհիս, կը տեսնեմ որ կը խօսիմ ձեզի այնպիսի բաներ՝ զոր դուք ինչ շատ լաւ գիտէք: Չեմ ուզեր որ որ եւէ ինչո՞ւմ քերի նշմարէք այս լեզուին մէջ: Իմ նպատակս է, ձեր պատուական տաղանդի մասին ունեցած մեծ շահագրգռութեանս մէջ, ընել ինչ որ կրնամ՝ սրտապնդելու համար զձեզ, որպէսզի ձեր վրայ հիացողները, ձեր գրականութիւնը սիրողները՝ նորանոր առիթներ ունենան վայելելու ձեր մտքին պտուղները:

Պատիւ պիտի համարիմ զրկել ձեզի Երկուցիք, երբ հրատարակութիւնը աւարտի: Պիտի դրկեմ նաեւ Լեւոնի Գնարէն հաստ մը: Մտերմօրէն խոստովանիմ ձեզի: Մաքիս բոլոր գաւազները իրենց հմայքէն մեծ բան մը կը կորսնցնեն իմ աչքիս, իրենց վերջնական մարմնաւորումէն յետոյ: Հաւատքս կ'ըլլէ անոնց վրայէն: Մօր մը պէս նախանձախնդիր՝ անստգիւտ գաւազներ ձնելու մասին, միշտ թերի, միշտ անհրապոյր կը գտնեմ զանոնք՝ որոնց կեանք տուած եմ արդէն, եւ իմ ամբողջ խանդավառութիւնս, գուրդուրանքս, հողածութիւնս ու նախանձախնդրութիւնս կը գառնայ անոնց՝ որք սաղմնային վիճակի մէջ մտքիս մթութեան խորը կը քնանան, սպանելով բարի բեղմնաւորումին: Այսպէս եղած է Լեւոնի Գնարին համար՝ որ աւելի լաւ էր բնաւ լոյս տեսած չըլլար. հիմակուց իսկ միեւնոյն

ժխտական տպաւորութիւնը ունիմ Երկուսէին համար՝ որ դեռ վաղը միայն լոյս աշխարհ պիտի գայ: Ինչո՞ւ տրդեօք այս ցաւը: Քերեւս անոր համար որ մեր հոգիներուն մէջ բոյն դնող Գեղեցկութենէն՝ միշտ լաւագոյն, միշտ աւելի թանկագին մաս մը պիտի մնայ չբացատրուած բնաւ, ու յաւէտ անբացատրելի:

Ձեզի կը դիմեմ ներքակ՝ Արեւելեան Մամուլին մէջ հրատարակելի ոտանաւորը: Ենորհակալ եմ ձեզի, քանի որ կարեւորութիւն կուտայք անոր:

Կրնամ յուսայ արդեօք որ չպիտի ուշանայ ձեր նամակը, իր հաճելի լուրերու պարունակութեամբ:

Հաճեցէք ընդունիլ, կը խնդրեմ, Ազնիւ Տիկին, իմ բարեկամական անձնուիրութեանս տպահովութիւնը:

ԱՐՏԱՇԷՍ ԾԱՐՈՒԹԻՒՆԵԱՆ



Ս Է Ր

Անհուն, անեզր ու անսահման՝
 Շողացիր դուն մօրս աչքերուն մէջ մթագին,
 Ինչպէս աստղը առաւօտեան —
 Զարթումի կանչն արեգակին. —
 Տեսայ ցալքդ ու ընպեցի,
 Դեռ մահուկ մը ես դողդոջուն,
 Սիրտս սրտիդ օգակեցի,
 Շողովն անուշ՝ մօրս աչքերուն:

Պատանութեան ճամբուն վրայ
 Հանդիպեցանք մենք վերստին,
 Հովի խաղը կարծես ըլլար
 Անցքդ անտես, երազային. —
 Հոգիս մէջ մերթ վագեցիր, քրքրացիր,
 Ազդիկ մ'ինչպէս չարաննի,
 Մերթ տրտմեցար, այնքան լացիր,
 Դարձար սարսուռ՝ դո՛ղ անուրջի:

Օր մ'ալ յանկարծ արեանս մէջ երդեհեցիր
 Խարոյկները մութ տափանքիս...
 Դարձար նժոյգ, ճառասմբակ, արշաւեցիր՝
 Աչքերուդ մէջ բռնկումը արեգակին. —
 Ինչպէս հեռուն գագաթներէն, քաւալզուր
 Զինաեհիւրը անսամ, աճող,
 Դարձար վայրագ հեղեղ հօգբ,
 Ամբարտակներ փռչիացնող:

Տարիներ վերջ յորձա՛նքդ վարար՝
 Դարձար գետ մը հանդարտ ու խոր,
 Հասանքիդ հետ գտած հունն իր հոգիս կ'երթար
 Նոր կեանքերու խայտամեհերովը բեղմնաւոր —
 Ափերդ ի վար հոգը կ'ուռէր, կը գալարուէր
 Ճիչերուն մէջ, երգերուն հետ մանուկներուն,
 Լիութիւնը կը կամարուէր,
 Կ'ըլլար կամուրջ մեր սրտերուն:

Հիմա արդէն հասանքիդ հետ
 Հասեր եմ ծովն իմաստութեան,
 Ուրկէ հոգիս կը դառնայ ետ
 Զուկիս պայծառ աչուրներուն անեզրակամ —
 Կը տուգուի հոն — կ'ըլլայ մասնիկ, կ'ըլլայ բեկոր,
 Կը տարածուի, կը բարձրանայ
 Աչուրներուն մէջէն անոր՝
 Ակնազբիւրիդ կաթիլներուն կը ճայնանայ:

ԼԵՒՈՆ ԳԱՐՄԷՆ

Թ Ե Ի Ա Ծ Ո Ղ Հ Ո Գ Ի Ն

Գրեց՝ ԱՐՄԻՆ ՏՕՆՈՑԵԱՆ

Մութենան, ժուժ գիշերով, ժայած քոնկնոքին տակ պատսպարուած՝ յոզնած ժարժիւր հագիւ կը քաշկոտէր դէպի տուն: Ժամանակը յառաջացած էր արդէն: Մոռցած ժողովին ահաւոր արեկոծութիւնը, կը խորհէր Լիզայի մասին: Այդ պահուն արթուն էր տակաւին ան, դասերով զբաղած: Քայլերը կը դանդաղէին յանկարծ ու կը մտածէր բարձրաձայն. — Կարելի է հասնիլ դեռ... բայց ոչ, դէպի տուն... տուն...: Միթէ՞ դիւրին էր հանդարտեցնել լուռ ու ցուրտ դիշերուան մէջ անհանդարտ ու տաք սիրտը սիրահարի: Երկար, շատ երկար աղճկած էր մահակալը անձրեւին սաստկացող սրտին հետ: Գոց աչքերով վերապրած էր յուշեր ու յուշեր, որոնք ջուն էին բերած իր աչքերուն: Հանդուցեալ ձոր նկարը պատէն կախուած՝ գաղթած էր շարժելէ, անհանդարտ տրդուն հետ:

Մտայլ էր աչքերուն՝ կեանքը ազգային թէ մարդկային, գորշ էին հորիւզոնները, լերդացած լեռնակուտակ ամպերով...

Արուեստն ու հայը իր էութիւնն ամբողջ կլանած էին: Կը մոռնար նոյն իսկ պաշտելի Լիզան, բայց մենութեան մէջ հողին կ'այրէր անոր պատկերին կիզել վերջիչումով: Եօթը փոթորկալից օրեր էին անցած վերջին հանդիպումէն: Բուն վէճով մը բաժնուած էին: Երրորդ օրը արդէն յուզումը խեղճած էր զինք: Տակաւին ականջին կ'արձայանազէին կրակէ բառերը Լիզային: Գորաքամակ ու ցամքած՝ ոչինչ յաջողած էր ըսել, իր ըմբռնած կեանքին հանդէպ անոր արտայայտած արտասոց դադափար-

նիւն վերաւորուած: Գաղափարներ ու կարծիքներ՝ բխած Լիզայի ծայրայեղ հոգածութենէն, դերակայութեան զգացումէն... Բայց ամէն հանդիպում նոր ու աւելի ուժեղ չըղեղում մըն էր մեծ սիրոյ, վէճի կայծակով՝ նոր թափ ու զորութիւն:

Շատ էր միջամտած Լիզայի մայրը. — Ամօթ է ձեզի, ամօթ, է՞նչ ունիք, կռուելու համար՞ զիրար կը տեսնէք, մի՛շտ զգուշացուք ու միշտ վէճ: Երկուքդ ալ նոյն ժամանակի ու հասկացողութեան տէր, զարդացած... — Կը շարունակէր այսպէս սրտցաւ խոնդալատանքը մայրական: Դարը փոխուած էր. սակայն, տեղափոխ մէջ կն զգացումները, մահաւանդ մայրական:

Վաչէ Մութենան ուսուցիչ էր Հայկական վարժարանի մը մէջ, երաժշտագէտ ու երգահան. նուիրեալ արուեստասէր: Պիտի չզղջայ ազգս դիւ ծնած ըլլալուն համար՝ ըսած էր օր մը, տակաւին շատ երիտասարդ իր խանդավառութեան մէջ. ու կազապարած իր նշանախօսքը՝ աւելի ուշ. «Գեղեցիկը պսակն է մգտումներուն ու դադաթը կեանքին, նիւթը միջոց միայն, արտայայտելու տնչօղափելին»: Այդ դադափարարանութեամբ հիւժած էր տարիներ շարունակ, հղճիմ վարժարանութեամբ պատրաստելու եայլաքնամ ասպրամ: Շատ էր ազաչած Լիզա, որ Վաչէ կեանքի ճշմարիտ հունին մտնէ, ամպերէն վար գոյ, բայց ի զուր...

Ամառ էր, արձակուրդ: Գեղեցիկ լուսինով մը, Լիզա իր ինքնաշարժով Վաչէն գիւղէն քաղաք կ'իջնեցէր: Ջղային էին երկուքն ալ: Լիզա կը խօսէր-

- Ի՞նչ եղաւ վախճանը բոլոր վարժապետներուն, մի՛ ընեք, Վաչէ ջան, թո՛ղ այդ ջողերուն արքայութիւնը, եկո՛ւր կեանքին, եկո՛ւր նիւթական կեանքին, որ իմաստն ու պայմանն է ամէն կենցաղի:

Մեզմ էք Լիզա. մեղմացած՝ ինքնայարժին դնացքով, հեզահամբոյր ու գթառատ. համոզիչ իր շնչաին մէջ կար լացը սրտցաւ ու անկեղծ սրտակցին, կա՛ր իրատեսութիւնը ճշմարիտ կեանքին եւ փորձառութիւնը իր վաճառական հօր: Հորանի թեւերով զեկը թեթեւ մը պրկած, աղուոր ու մեծ աչքերը դեղնցկացուցած թացով՝ գլուխը աջ հակած կը խօսէր...: Իսկ Վաչէ աչքերը յառած անվերջ ուղիին, վիրաւորուած, շրթները կը շարժէր շարունակ պոռթկացող յուզումը զսպելու:

- Ո՛չ Լիզա, չեմ կրնար, կը հասկընա՞ս, չեմ կրնար...

Երկար լուսթեան մը յաջորդող այս խօսքերը հրճուանքն էին Լիզային:

- Ձեմ, չե՛մ կրնար Լիզաս, չեմ կըրնար լքել այս սուրբ դռքը, փոքրիկ աչքեր ինձմով կ'երթան Աւարայրէն Աւարատ, փոքրիկ սրտեր ինձմով յաղթութեանն ու աննկուն կամքի կոթողներ կը գառնան, ու ես անոնցմով կը կերտեմ յաւերժացումը ցեղիս...

- Իսկ քե՛զ, ս՞ով պիտի կերտէ քու կեանքդ, քու ներկա՞դ, անիծեալ այդ վարձատրութիւնը, որ կը տրուի հազար անէն՝ քեզի ամէն ամիս, այդ ամօթը, որով կը պարզեաւորուին ճիշդերդ, ս՞ով, աթոռով մեծերէդ ս՞ր մէկը հա՛յ ուսուցչին գյուղացուցումը կը կերտէ ցեղիդ համար. . . :

Վաչէ լուռ էր, որովհետեւ Լիզան մանրամասն տեղեակ էր իր բոլոր դժուարութեանց, դերադաս մարմիններուն հետ իր ունեցած անհասկացողութեանց: Ինք, Վաչէ, թարձրացած էր մի միայն իր պարտադրող կազմակերպչական, ուշիմ ու պատրաստակամ ուժին շնորհիւ: Ժողովներու մէջ յանախ ստիպուած էր լըռել, վիրաւորուած՝ երբ հակահասողենբը արձակած էին իրենց վերջին փաճ-

փուշըր: - «Վարժապետի դատողութիւն...» ու փակուած էին բոլոր հարցերը: Վճռած էր ամէն զնով դուրս զալ այս ծանր լուծին տակէն, խարազանելու սրբութիւնը խաթարող մարդիկը, կրթութիւնը շուկայի վերածող անուպանները ցնցելու իրենց օձիքէն:

Ճ

Ձմեռը անցաւ ձեռնարկներով, Ժողովներով ու երգչախումբի ելոյթներով: Վաչէ ամէն Կիրակի Լիզայի հետ էր: Ուրախ էին երիտասարդական խառնավառութեամբ ու մոռցած պահ մը դառնալիքը, կ'ապրէին փախչող ժամերը: Յառաջացած դիշերները շատ սեղմ կը պահէին մտերմութեան պաշտնիքները ու բաժանումէն առաջ, Լիզա խորամանկութեամբ Վաչէի շրթներուն կարմիրը կ'աւրէր:

Ուրախ էր Լիզա իր սիրոյ մէջ. շատ աւելի մեծ եռանդով կը գրադէր համալրարանական դասերով: Երկու տարի ունէր պատմութեան մէջ Պիլյոյ վկայականին արժանանալու. իսկ Վաչէ՝ դիշերային դասընթացներով երկրաչափութեան կը հետեւէր: Ապագայի յաջողութեան այս հեռանկարով ալ աւելի խանդավառ էր Լիզա: Ազատ ասպարէզ կեանքը նուաճելու անկախ ճիգով եւ ապրելու մարդկային ու երիտասարդական հպարտութեամբ, բարդոյթներէ ձերբազատ: Լիզա արդէն կայծած էր ապագայի ծրագրերը, թէեւ տակաւին ամուսնութեան ոչ մէկ խօսք:

Ուսուցչական կեանքին մէջ միշտ նոր դժուարութիւն: Վէճ ու ճիգերու սպառում՝ բաւարար գումար մը միայն ապահովելու: Վհատութիւնը կը հիւժէր Վաչէի հոգին. իսկ Լիզա զայն կեանքի տեսանելի հրապոյրին բերելու իր ճիգին մէջ, երբեմն նայնիսկ հատու էր եւ վըճուական:

- Վէպերը կեանք չեն, կեանքը ներդաշնակութիւնն է իտէալին ու նիւթին, մինչ դուն կորսուած ես, հեռացած ու մխրճուած խորհուրդներու մութ ծերպերուն մէջ. չես սիրած ու չես սիրեք

նիւթը, որովհետեւ շեւ ունեցած. հրա-
ժարէ դպրոցէն, երաժշտութենէն, լըծ-
ուէ դրամ զիզկու սրբազան զործին:
Պէտք է դրամով բարձրանաւ, մամոնան
զրտականն է կեանքի յաջողութեան:
Քոտովանէ՛ սիրելի Վաչէ, կարելի՞ է
միթէ այս գործով ընտանիք պահել,
ո՛հ, ո՛չ, ես չեմ կրնար ամուսնանալ
վարժապետի մը հետ, պէտք է լծուիս
ճշմարիտ աշխատանքի, ահաւասիկ իմ
պայմանս:

— Պայման, պայմանադրական սե՛ր,
սիրելի Լիզա, ո՛չ, ես Վաչէն եմ, հը-
պարտ, չեմ ընկճուիք նիւթականի հրա-
պոյրէն, կը մնամ անյողողղ ու անտյ-
լայլ: Իսկալը դեռ վառ է հողոյս մէջ
ու ես պիտի քայլեմ լոյսի շահիղէն:
Վաչէի զլխուն լախտի մը նման ի-
ջած էին Լիզայի խօսքերը:

— Մնաք բարի, Լիզա... եկուր ին-
ծի... ինծի եկուր մեծ սիրովդ, բոլորիկ,
մերկ ու տօթի Վաչէին... Մնաք բարի
Լիզա, շատ սիրելի Լիզա...:

Պայծառ երկնքէն աստղեր շնականո-
րէն կը փայտէին. Վաչէ ծովեզերք հասած
էր արդէն. հողիւ կրնար բռնել սիրտը,
որ ձուկի մը նման կը ցատկառէր: Ու-
րո՛ւ պատմէր ցաւը, պոռո՛ւր ծովու ա-
լիքնեբուն ազմկարար, հիմա բոլորովին
լքուած, դատարկուած իր միակ սիտ-
փանքէն: ...Բայց յիմար ուրախութեան
ժպիտով մը սկսած էր քայլել արտդ,
մատնեբը կրցած էին զբոլանի մէկ ան-
կիւնէն ասուն վերագարձի ճանապարհա-
ծախս մը գտնել...:

Օրեր ու շաբաթներ անցած էին
այնքան ճշող: Դպրոցէն հաք ասուն կը
վազէր, խուցին մէջ երեւակայութեան
իր մին վարելու ազատ ու անձարձակ:
Իր միակ հարստութիւնը՝ փոքրիկ երդե-
հոնը, յոգնասպառ, կը շարունակէր լը-
ռել, խոր քուն էր մտած: Շաբթը միայն
մոխրամանէն քարձրացող աւերակ կեն-
դանութիւն մը կը մատնէր տակաւին,
իսկ ույզ ծուխի քուլաներուն հետ Վաչէ
իր սիրոյ փախուստը կը տեսնէր: Քա-
նիերոզ անզամ ըլլալով հաշտած էր
զերանները առատազին ու զանաք զը-

տած կենա, իրեն նման: Կը սիրէր... չէր
ուզեր դադրել սիրելէ: Տակաւին թուղ-
թին մէջ փաթթուած կը մնար Լիզայի
սիրած պիտակը, կեղեկները սրբութիւն
էին դարձած. ամայի էր սենեակը. սէրը
կար տակաւին, բայց ոչ յո՛յսը, անյոյս
սէր մը, յիշատակային ապրում դադ-
րած:

Յաջորդ օր ցերեկին՝ լողաբշաւ
կեանքի ճահիճին մէջ: Գիշերը՝ պեղում
սիրոյ աւերակներու մէջ նոր զիւտերու
հեռանշոյլով... ինչո՛ւ Լիզա այդ օր
երկու անգամ ինքնաշարժով դպրոց էր
եկած, զանգահարած ու ինք հողիւ դուրս
եկած՝ հեռացած էր անապարհօք: Երկ-
րորդ ու երրորդ անգամ ըլլալով խաթ-
ուած էր փողոց նետուելով հեռապառ:
Վո՛նչ կամք, կրկնած էր ինքնամխիթա-
րական զոհունակութեամբ, ճշմարիտ
սէրը տկարացում է ու ընկրկում, կամ-
քը դահիճն է սիրոյ...:

Դպրոցական տարին իր վախճանին
կը մօտենար. Մալինեան վատահ էր օր
գոնէ այս տարի փոքրիկ յաւելումով մը
իր ճիւղը կը դնահատուի. երկու յաջող
համերգներ կազմակերպած էր ի նպատա-
վարժարանին, բայց ծանրախո՛ւ ինամա-
կայնէր անտեսագիտական հաշիւներով,
պարզած էին վարձատրութեան յաւել-
ման գժուարութիւնը եւ գրարձք դիւտ-
նագիտութեամբ չեղած ու զնահատած
էին ազգօգուտ ու դպրոցատէր իր դոր-
ծունէութիւնը: Վաչէի մէջ այլեւս լը-
ռած էր մարդկային ամէն ձայն, անար-
զարութեան դէմ դայրոյթն ու անար-
զանքը միայն կրնային պայքարիլ ու
Վաչէ ասաջին անգամ ըլլալով համար-
ձակած էր պոռայլ, Ծերուկ զանձապահին
երեսն ի վեր:

— Իս ձեզմէ դնահատանք չէ որ կը
սպասեմ, դրամ՝ մեր ճիւղերուն արդար
վատակը, մեր աշխատանքին վարձքը
միայն, մեր դրամը, հասկցա՞ք, ողոր-
մութիւն չէ պահանջածս:

...Գայթակղութիւն... անբացատ-
րելի խիզախում...:

— Մեզի նայէ պարոն: Լակոնական
էր այս անգամ Ատենապետը:

- Մեր որոշումը ասիկա է... ը/հ... կրհաս եւ հրատարակել...

- Այո՛, այո՛. կրհաս հրատարակ, մեքենարար երկրորդած, երրորդած էին...

- Այո՛, այո՛, երջանիկներ... տարիներու աշխատանքս, հաւատքս ու հանգանակս, իրաւունքս, այո, այո, պէտք է կեանքին նետուիլ, դրամ շահիլ եւ սորվիլ զդրամով խօսիլ:

Որո՞ւ հոգ որ ազգը նուիրեալ մը կը կորսնցնէր, վարժարանը արժէք մը: Ախտասանքներ եղան անշուշտ, բայց վաչկ շարաթուան մը առանձնակեցութենէ կտք, վճռած էր դիմել շէնքերու շինութեան կապալաւորու Պրն. Գալուստին, որ արդէն բազմիցս այդ մասին խօսած էր իր հետ: Ընդունած էր ու լծուած գործի: Ետտ կը յոգնէր, բայց ուրախ էր, շատ աւելի ուրախ ամազլիտուն երբ իրեն տրուած էր իր ուսուցչի երեք ամսականը: Առաջին անգամ ըլլալով կ'ուրախանար դրամին համար. վազելով գեթէ բարձրացած էր իր սենեակը, որոշած էր անմիջապէս հետաձայնել կամ անձամբ երթալ Լիզային յայտնել, ուրախացնել զայն եւս, բայց իր անհուն սիրտ կողքին սկսած էր ծաղկիլ եւ սէրը կեանքին, նուաճումը կեանքին՝ Գլուստով: Վաչկ յուսահատ, հոգեկան աշխարհի իր նուիրումէն, կը մտնէր անա աշխարհը նիւթի: Երկրորդ ամիս սըրտանց աշխատանքին որպէս վարձատրութիւն ստացած էր եւ շահաբաժին մը ու մտացած ամէն ինչ՝ որոշած էր ՀԱՐԸՄՏԱՆԱԿ:

Վեց ամիս շարունակ աքնաջան աշխատանք. աւարտած էր շէնքը, իսկ Վաչկ ունեցած էր ճոխ ու գեղեցիկ ինքնաշարժ մը: Յաջողութիւններ կեանքին մէջ, սկսած էին զիրար հրճուիլ, բազմացած էր թիւը ժպտող մարդոց, բարեւանքը ջերմ էին, մաղթանքները սրտանց, նոյնիսկ խոնարհումներ... Հըրուէրները անհատնում, Առանձին գործ մը, հսկայ շէնք մը յանձն առած էր ու կը կրկնէր շարունակ զմիայն, միայն շէնքս վերջանայ...»: Վերջացաւ շուտով այդ գործն ալ բացառիկ շահ ապահովե-

լով Վաչկին: Սուրէնեանին փառայեղ շէնքը դէպի երկինք կոթողուած խորհուրդ մըն էր, յաղթանակ մը կրիտասարգութեան, փառք մը հայութեան ըստեղծագործ ճիգին ու ամօթ մը՝ ազգին որ կտրեց թափը սլացող մտքին ամբողջացնելու անաւարտ համանուագը, նուիրուած՝ Մեծ Եղեռնին, «Ապրիտան Աշուն»ը: Ձէր կըցած, շէր կընար մոռնալ երաժշտական այս աշխատանքը, որուն վրայ երկու տարուայ կեզրոնացած աշխատանք ունէր, երաժշտութեամբ՝ հայցիդին բնաջնջման փորձին ընդմէջէն անոր պայծառ յարութիւնը պարզելու:

«Կեանքի» յաղթանակի նորանոր դափնիները ճակտին, վաչկ լծուած էր փութաջանութեամբ կեանքը ազդելու վայելքին: Խմբիչքին արեցողութիւն առնականութեան վարժուած, ընդհանուրի ծիծաղին տակ յաջողած էր եւ սորվիլ Վաչկը, վերջապէս յաջողած էր գտնել զիշերային իր զապրիկ ու տաք բոյնը, Մեծն Քաղինոյի ալքոլաբոյր փառայեղութեան մէջ: Եողջողուն մարդոց, փողփողուն հեղտանքներու ողբերգականակերպութեան այս հանդիսարարին մէջ, այս անգամ հայը բեմ կու գար թուրքին հետ... Դժբախտութեան անիւր կը դառնար... կարմիր ու սեւ դիւլային թիւեր կը շարունակէին նահատակել զգայազուրկ հաւատացեալները մամոնային: Վաչկի աչքերը Համլէթեան մեծ հարցականով հրճուացայտ, կը հետեւէին թիւերու խելագար վազքին... Իր կողքին մշտաբար արժանաւոր թոռը Սուլթանին, ազգին հարազատ դասակ՝ Օսման, ամենաչքեղ հագուստներու շույթին մէջ քողարկուած, կը ծիծաղէր լպիւրջ, մոնկոլական ու բոնազրաւիլ արտայայտութեամբ. «Թաւրքը կրէ՞ր... քուրքը արտա մարդկային պատմութեան, մարդկային գոյութեան... քուրքը...» երկու տարի առաջ կրկնած այս խօսքը կ'որոտար Վաչկի գանկին մէջ, Օսմանի ուրախ պոռչտուքին հետ: Թուրքը շատ մօտ հայուն, բաժակակից: Անիւր կանգ էր առած: Երկրորդ անգամ ըլլալով շարունակ էր հայը բոլորէր մը մէջ

միայն: Ու արբշտանքին մէջ կը դառանայեր Վաչէ՝ ճշմարտութիւնը: - Ռուսերով մը քանդակ է պէտք այս մեղքի խորանը, ուր ամէն դիշեր թշուառներու զբախնալը, ազգասին հասցը, անկէքի օրհնութեամբ կու գան անուափայլ գոեհուրթեան սեղանին պատարագուելու...: Յրանսերէնով արտասանուած այս գոհարները ծաղրական կեցցէներով ծափահարուած էին: Իր ազգին համար լուծ Վաչէ անգամ մը եւս լուծ էր ուխտի տիրակալութեամբ:

Բերաննե՛ր, բերաններ... Հայ կանանց բերաններ, մանուսանդ Վաչէի մասին, ինչե՛ր չէին ըսած, զարդարած, գեղեցկացուցած ու հասցէազրած առ որ անկ է...

- Կը փոխուի ազդիկս, ըսած էր մայրը՝ Լիզային...:

- Ոչ մայրիկ, կը փճանայ, վտիտ տունկ մըն է Վաչէ կեանքի յորձանքին մէջ: այս բոլորը կ'ընէ կերթով, կերթով միայն:

Եւ լուծ էր առկաւին Լիզա Վաչէի մտերմութիւնը, իր ընկերուհի Մարինայի հետ եւ յիշած իր խոստումը Վաչէ, քու երջանկութեանդ համար ամէն ինչ, ամէն ինչ պիտի ընեմ...: Եստ, շատ երկար մտածած էր Լիզա, զիջել արդեօք, վերադառնա՞լ Վաչէին: Բայց միթէ զիջում չէ՞ր աւարտական իր հանդէսին մերժուած հրաւերը: Անկէ էր կատարեալ: Պարզ էր սակայն որ Մարինան ծօտ էր Վաչէին, իսկ Լիզա ի սէր իր սիրածին խեղդելով նախանձն առ կերթը, խնդրած էր Մարինայէն մնալ Վաչէի կողքին, ճշմարիտ աւ վեհ սիրոյ համար կանացի առաքինութեան մրցանիչ կոտորելով:

- Բայց Լիզա, բացազանչած էր Մարինա իր կարգին յուզուած, այնքան աղեիւ է ան, ոսկի սէրտ ունի, չեմ գիտեր՝ չի հասկնար զիս, իմ սէ՛րս, չի գիտեր ի՞նչ է սէրը կարծես:

- Ո՛հ, որքա՛ն օւրախ եմ Մարինա, որքա՛ն ուրախ:

Մարինա հարց չէր տուած թէ ինչո՞ւ ուրախ էր: Պաշտօնի երկուքն ալ:

Մարինա չէր գիտեր նմանապէս թէ Լիզա ինչո՞ւ կուլար ու չէր լսեր իր հեկեկանքներուն մէջ անոր ձայնը - Վաչէս, տէրն եմ դեռ սրտիդ, տէրն ես միշտ իմ սրտիս...:

Յագեցած բայց յուսահատ՝ Վաչէ դարձած էր անբարեխիղճ: Հոգին կարծրացած էր: անգութ էր դարձած մանաւանդ բանուորներուն հանդէպ: զորք կը պահանջէր, երկաթ, աշիւս, հաշիւ ու շէնք: Կլանուած էր ամբողջութեամբ: Մերժած էր շատ կողտորէն իր զգրոցի նախկին խնամակալներէն մէկուն զորք տալ: Հակառակ պահանջքին, վճարած էր շատեր, ազգային «քառակուսիներ» որակելով զանոնք: Մերժած էր մասնակցել Ազգային այն գերագոյն ժողովին, որուն սեմէն ներս մուտք գործելու իրաւունք կ'ունենային դրամատան մէջ «կոկիկ» հաշիւ մը օւնեցողները միայն եւ պողացած անոնց երեսին: Վաչէն եմ ես, նահանջած ազգային հետաքրքրութենէն ու կեանքէն, յառաջացած հարստութեան մէջ, շատ ուշ էք մնացեր, երթաք բարի, ան որ դրամած է իր իսկ գործով, այսինքն դրամ դիզելու լուրը աշխատանքով, հաւատացէք, ջիջ ժամանակ եւ երկրորդական հետաքրքրութիւն միայն կ'ունենայ ազգային կեանքով... երթաք բարի, ջանացէք այլ առիթներով ուշ չմնալ...»:

Մարինայի սպանական զղեսկները խորտակուած էին, բայց անակ մը չէր յազազած բարձրանալ: Երեք ասուրներու խզումէն ետք, երկու սիրողներ Մարինայի ամուսնութեան իրարու հանդիպած էին: Վաչէ քարացած, աչքերը գետին, եկեղեցւոյ դրան առջև կեցած, յանցաւորի մը նման չէր համարձակեր տեղէն շարժիլ: Ներկայ հասարակութիւնը ամբողջութեամբ աչք կտրած կը սպասէր... անխուսափելիին...: Լիզա, վստահ ու վճռական, ծանրացած ակնարկներու ճնշման տակ վճռական, ծօտեցած էր Վաչէի, հանդիսաւոր, պատերազմի գացող զինուորի մը վախով աւ յուսահատութեամբ: Վաչէ, Լիզայի անոյշ բոցով տկարացած, ընկճուած էր անոք

մեղեդիանման ձայնէն:

- Պրն. Վաչէ կարելի՞ է:
-

Իւրաքանչիւր բառ շնչուած, կը ցնցէր էութիւնը Վաչի, - նայած էր միայն, չէր կրցած պատասխանել հըմայուած՝ զայրոյթէն հողիին մէջ փըլուզումի խուլ ազմուկ մը բարձրացած էր: Ինքնամոռաց, գերազոյն ճիւղով մը աղաչական, ձեռքը երկարած էր, բայց դողող, անլսելի բառերով ետ էր քաշուած ու մրմնջած թաց կոկորդով, լացախան:

- Լիզա, կ'ողաչեմ, զնա՛, զնա՛, Լիզա...: Ու ալ պսակի խորհուրդը երկուքին համար ալ դարձած էր ողբերգութիւն: Վաչէ ի՛նք հեռացած էր արագաբայլ, փախչելով գրեթէ, իսկ Լիզա կենդանի դիակի մը նման, գլխիկոր եկեղեցի մտած՝ ողբալու իր կենդանութիւնը:

Միկորոք օրը Լիզա վերակենդանացած էր, զինուած ստեղծութեան խոր ըզզացումով, իսկ Վաչէ կը կասկածէր նոյնիսկ իր գոյութենէն. յանկարծ ոտքերը զինք տառնորդած էին Լիզայի սուռը, մատը զանգին, սրտատրոփ. հնչումի եղանակին վարժ՝ Լիզա հեզով բացած էր դուռը: Վաչէ ինքզինք պահելու անկարող նստուած էր թիկնաթոռին վրայ ու մրմնջած մեծ ճիւղով:

- Լիզա, ալ կը բաւէ, մի՛ հայտնեք զիս թու սիրոյդ մէջ, սիրելիս, թու աչքերուդ խորքը ես դտած եմ իմ հողիս ու նահանջած ինչպէս մեր ասիերուն դեղեկօրէն կը նահանջէ ցամաքը քծայքոտ ծովու նապանի ալիքներուն առջեւ. Լիզա՛, ժպիտդ եղած է գրդի՛ս, կեանքս իմաստաւորող, իսկ հիմա անբացատրելի զգացում մը ունիմ քեզի հանդէպ, կեանքի ցոփութեան մէջ միշտ մաքրամաքուր եւ ձիւնասպիտակ քեզ կը տեսնեմ ժպտուն, ատած եմ քեզ մանաւանդ երբ վերջիւստ եմ խեղճ անցեալս, ատած եմ բարեխղճութիւնդ, բայց կը սիրեմ անհունօրէն քեզ. ինքնասիրութեան զօրաւոր զգացում մը այդ մեծ սիրոյս պատնէշ է կարծես եւ պատճառ իմ խուսափումիս, ներքնապայտարս շատ բուն

է Լիզա, կու գամ միայն եթէ յաղթեմ... Թէ յաղթեմ կու գամ...:

- Վաչէս, գիտեմ թէ որքան կը տառապիս, սիրոյդ կողքին բարդոյթ մը ուժեղ, սպին մեծ թեւածումներու ընթացքին կրած ակումիդ, ե՛ս եմ խղճալին, իմ վրաս գթա, կեանքիս յեզակարծ փոփոխութիւնդ թող չաղարտէ արժանապատուութիւնդ. մոռցիր ամէն ինչ:

- Ձէ, չեմ կրնար տանիլ, զարմանալի ուրախութեան ալիք մը կը զգամ այս գտնախտութեան մէջ, մինչ տխուր պէտք էր ըլլայի երջանկութեան այս դժոխքէն. իսկ քեզ կը սիրեմ հեռուէն, որովհետեւ սիրոյս եւ հողեկան տառապանքներուս յուշարձանն ես դու, զոր ամէն օր կը փորձեմ քանդել, պահել սէրըս միայն, անպաճոյճ սէրս միայն. կրկին մնաք բարեի Լիզա. կու գամ քեզի եթէ յաղթական դուրս գամ այս պայքարէն:

Լիզան տակաւին չէր դատարկած իր հողին, բայց Վաչէի ձեռքի ուժեղ հըպումը իր ուսերուն, զօրաւոր համբոյրի մը զգայնութիւնը ստեղծած էր, երբեմնի սեղծ ճնշումը սիրոյ արտայայտութեան, զօրեղ «համբոյր» մը երկու տարուայ յորդած սիրոյ... Հեկեկանքը Լիզային, փղձկումը Վաչէին, որ արդէն դրան սեմին հասած էր ու դուրս:

Այդ սիրազեղ ու փոթարկոտ բաժանումէն ետք, Լիզա վճռած էր հետանալ քաղաքէն, մտածելով «Հեռաւորութիւնն ու ժամանակը մի դուցէ՛ ճշմարտապէս սիրոյ փորձաքարերը ըլլան»: Եարաթ մը ետք Մ. Նահանգներ էր մեկնած արդէն, ուսումը շարունակելու:

Վաչէ, այս անգամ բոլորովին ինքզինք կորսնցուցած, երկար տատանումներէ ետք, վերջապէս վերադասած էր իր բնական ուղին, հանդարտած էր իր ատելութեան, կրքի՛ն մէջ. «Անտառակութեան» շրջանի իր կեցուածքին համար զղջումով հանդերձ, ինքնամփոփ՝ հզրակացութեամբ մը կը տկարանար կրկնելով այս անգամ նուազ խանդավառ ու ամօթխած. «...Ո՛չ, պէտք չէ որ ազգս զղջայ զիս ծնած ըլլալուն համար», ու իր բա-

րեկամին հետ մտերմութեան մէջ, որոշած էր ազատ ասպարէզի մէջ արձանագրած քաղաքի յաջողութեամբ խարանել բոլոր ջոկերը, քարոզող հարուստներն ու ոսկիներու հմայքով հպարտ Մեծ անճամարութիւնները, իր մօր անուան վարժարան մը կառուցելով, բայց հրաժարած էր այդ որոշումէն, յիշելով իր զպրոցը, զայն վարդերը ու վերացած:

— Ոչ բարեկամս, կ'ուզեմ կառուցանել զպրոց մը, ուր միայն ըլլան ուսուցիչն ու աշակերտը, ուր չըլլայ ներթափանցողութիւն, ուր ազնուութիւնը շմանառուի շուկայի մէջ, մարդկային խիղճն ու զգացումները նուազորդի չդուրսնին. կ'ուզեմ զպրոց մը՝ ուրկէ աշխարհն ու պետութիւններ Սոկրատեսն դարերու նման, լոյսը ստանան ու անոր սկզբունքներով առաջնորդուին:

Կը քաջարձականանար հետզհետէ, պահանջիտ, ազգային ներկայի անկախութեանն յուսահատ, բայց միշտ առողջ ձգտումներով, վեհազոյնին սպասող իր ճիգերով: Նոր սերունդն էր վաշէ: Կհանքի հասանքին հետ, բայց ամուր կատարած կարիտնուած իր Սուրբ Լատին կը պարզէր հողին, իրատես, յոռետես:

— Քաղաքակրթութիւնը, հեղինակն ու ծագումը: Իրողինէս իմաստասիրական դարուն մէջ մարդ կը փնտռէր լամբարով, իսկ այսօր՝ տկար խիղճով, ցած հողով մարդկութիւնը կը հեծծէ շուկայի հոգիականութեան արճիճին տակ: Անկարի մը նետէ շուրջ ու տես թէ որո՞նք կը վարեն մեր ճակատագիրը: Կըրտակով, կըրակով միայն կը ժաջրուին այդ հողիները, նոյն կրակով՝ ինչ որ Կովկասի մէջ երեք քառորդ դար առաջ մաքրեց մամուլատու ու նախապատ հողիները:

Իտէա՛լը ներկային մէջ ապրող հայ բողոքող սերունդն էր վաշէ, որ պիտի ընթանար ներաշխարհի ուղիին. անարդարութեան ու անհանդուրժելիին գէժ դեպքերումները եւ շեղումները առաւել եւս պատիւ մըն էին սերունդի նախանձախնդիր ողիին. լծուած էր ծառայելու ազգին միայն: Կը մտածէր վե-

րադանալ մկարիւնան Աշունդին, բայց արդէն կորսուած էր ազգայ... ամբողջ երկրին կեդրոնական դէմքն էր, կ'ընէր միտամանակ, առանձին՝ բազմաթիւ միութիւններու կատարած գործերը. ումէն երկրէ, գրագէտ, երգիչ, արուեստագէտ, կարօտեալ՝ մէկ հասցէ միայն ունէին՝ Վաշէ Սուրէնեան, որուն տան դուռը միշտ բաց էր իր սրտին նման: Այնտեղ՝ իր մօտ նոր կորով, աւել ու շիջ կը ստանար հայ ստեղծագործ մտքի սպասարկուն: Զոհողութիւն, նուիրում եւ խանդավառութիւն կու տար, ինչ որ տուած էր իրեն եօթն անգամ աջարէն մաղապուրծ ազատած մայրը. կամքն ու դիմազարկանութիւնը տուած էր դեռ մանկուց, մօր դիտուն կացիքով բացուած վէրքի մը սպիին մտերմանալով, մտերցած հայու բոլոր սպիներուն: Մինակ էր հիմա: Ինքն իրմէ ամէն օր նոր մասնիկ մը կու տար ամէնուն, իսկ բոլորը իրեն՝ ամէն ժամ օրհնութիւն, երախտագիտական խոր զգացումներ, լաւագոյնը սրեւէ վարձատրութեանց: Հողին սակայն լուս կը կոտտար, իր սիրոյ կեպիծը կ'ամոքէր ցեղակիցներու գոհունակութեան ու երանութեան ժպիտին մէջ՝

— Վաշէ ջան մուրազիդ հասնիս...
Միակ մաղթանքը ցնցիչ ու արդարագոյն օրհնութիւնը: Անշուշտ քիչեր, քիչեր միայն դիտելին այն խոր մուրազը: Մշտախոռով իր հողին կանացի հրապոյրէն մէկ խոռովը միայն պահած էր: Այնտեղ՝ լուս անկիւն մը կը մխար մոմ մը տկար... ու միշտ մեծ հետաքրքրութեամբ կը բանար ամէն հասնող նամակ, բայց դեռ ոչ մէկ կայծ... ակընդէտ՝ իր առանձնութեան մէջ կը փընտուէր զովութիւնը իր հողիին: Տարտամ էին յոյսերը:

...Եւ վերջապէս Կերակի օր մը, սուներ տառնմին էր, բանտարկուած. զարմանալի մենակեցութիւն մը: Հիւրեր չունէր այդ օրը, բայց ունէր կայծ մը, ունէր արցունքի շիթեր կարմիր ու բոց աչքերուն, ունէր մորմոք կըծքին տակ: Նամակի մը վրայ հակած կը մըտածէր անվերջ, կը նայէր վեր՝ առա-

տաղին, ուր կը նշմարէր առաջին անգամ ըլլալով բացակայութիւնը կենսազերաններուն, ու ներխուժում մը անցեալի խժուժութեանց: Կը մտմտար... զժրատութեանց զրդիւնով իր վերելքին մասին: Չէր յաջողած տակաւին մոռնալ զժոխային այդ ապրումները, հիւանդագին յստակատեսութեամբ կը յիշէր Լիզայի միշտ գունակ ժպիտը, համոզուած էր եւ չէր միանգամայն, թէ լոկ սիրոյ, առանց խղճահարութեան ու դուրսի, տնկեղծ սիրոյ ճառագայթումն էր տն, բարութեան ճանաչ մը. բայց ո՛չ, կ'ատէր, կ'ատէր բոլոր զգացումները. պիտի մատնէր կ'ուզէին կարծէք ճակատը քանդել... Երբացած էր յանկարծ ճիւղէ ինքնին զուժ չէ՞ յաճախ ճշմարիտ ոչրը: Ի զուր սակայն ինքնամխիթարական այս խորհրդածութիւնը չկ'ատեմ, այո կ'ատեմ բոլոր զթացողները եւ կ'ատեմ զուժի ճամբով եկած սէրը: Մէրը՝ նուիրում է, օգնութիւնը՝ պարտականութիւն: Յաղթական էր վերջացուցած սիրոյ ճառը: Երկրորդ անգամ ըլլարով մատնեցուն մէջ սեղծած, կը կարդար Լիզայի երկար նամակը, տեղ տեղ արցունքով աւրուած. ձայնը հե-

տըզհետէ կը բարձրանար «...Վաչէ՛, կու գամ քեզի, ցամքած զգացումներով լըս, ցրտահար. կու գամ մեծ սէրդ ամբողջութեամբ զբաւելու, Վաչէ՛ ջան, կը կարգամ ըու մասիդ, նախանձը ոճրագործի զգացումներ ստեղծած է մէջս, կ'ատեմ բոլոր անոնք որոնք քեզմէ ժըպիտ ու զուրգուբանք կը քաղեն, կ'ուզեմ որ միայն ինծի ըլլաս. ինծի համար ծպտիս, շարժիս օւ շնչես: Համոզուած եմ Վաչէ, հիմա համոզուած եմ որ նուզիին յազբանակը յաւերժակամ է...»:

Այս բոլոր զգացումները ծայրայիզ ու ճշմարիտ, ծանօթ էին իրեն: Գոցած էր սէրները. իսկ նամակը մատնեցուն մէջ ճմուռկած, վերաւոր առիւծի հորնդիւնով որ կը վճռէ չմեռնիլ, կը պտասր իր ցաւը պատշգամէն տարածուող ծովուն ու լեռներուն:

Յաջորդ օր, կէսօրին, Լիզա օգնականով պիտի վերադարձած ըլլար. իսկ Վաչէ ընկճուած քաղութեամբ ոտքի էր կրկին ու կը վճռէր հաստատ նոյն վճիռը.

— ԿՈՒ ԳՍՄ՝ ՄԻԱՅՆ Թ՛Է ՅԱՂ-
ԹԵՄ... ԵԹԷ ՅԱՂԹԵՄ՝ ԿՈՒ ԳԱՄ...
Ա. Տ.

?

ԱՆՔԱՅՈՒՊԵՐԸ

Կողմնփայտէ գոյգ մ'անքացուպ
 Շինուած հազիւ՝
 Դարձան, աւա՛ղ, ծառայ տրբուպ
 Գնչուի մը, կազ ու անգութ :
 Զունէր մարդն այս, տուն ու պատիւ,
 Այլ՝ չփնդանէ, ծըրագիր մութ,
 Ի խնդիր սուտ իր երազին՝
 Կը քալէր տիւ, ցայց անդադրում :
 Տուպերն անվեբջ կը տըքային,
 Զէր մտածեք անոնց մասին,
 Կու տար միայն շրոայլ խոստում...
 «Երբ ըլլամ ես երկրի արժան,
 Կ'ըսէր անոնց,
 Կ'ըլլամք, դուք ալ, հըզօր մական,
 Կը մտցըլի՞ն տածանք ու խոց...»
 Խօսքի վարպետ՝
 Կը քաշքշէր միշտ իրեն հետ
 Տուպերն անխօս,
 Կը զարնէր մերք զանոնք քարի,
 Մերք կը խըրէր մէշը տիգմի .
 Բայց վերջ չունէր խոտոր ճամբան,
 Կը հեռանար յոյսը նոյնքան :
 Ու կու տային հարց իրարու .
 Ալ հիւստք-ափ ցուպերն հուժկու .
 «Մեզ մինչեւ ե՞րբ մըզոն-մըզոն
 «Տանի իր հետ կազն անմիւտոն .
 «Ե՞րբ պիտ' ըլլանք լուծէ ազատ,
 «Պիտի մտնենք ե՞րբ մեմք պալատ» :

Անմեզ սրտի բռնք ու ցու
 Կը լսէ մի՛շտ Աստուած հարկաւ...
 Գիշեր մ'անհուն,
 Մացառուտէ մ'անցած պահուն՝
 Տուաւ կազին մահու խայթոց
 Դարանակալ օձ մը կարմիր :
 Երբ կազն անշարժ մընաց հազին,
 Աչքերը գոց՝

«Փրկուեցա՛նք, տուաւ հոգին, —
Յուպերն ըսին, առին լայն շունչ:
Թոզ հնչեմ արդ տափ ու փանդիոն
Ազատութեան երգն ռսկեհունչ.
Մե՛րն է կեանքը այսուհետեւ,
Անկցի տանջամբն երկարատեւ,
Աշխարհ չեկամք հըլու ծառայ,
Այլ իշխելու գահի վըրայ»:

Բայց ըսաւ ա՛վ,
Որ կեանքի մէջ տխրահոլով,
Ասէմ արժէք
Ու մական սեգ
Կ'առնէ արդար վարձքն՝ ի՛ր չափով...

Առաւօտուն,
Կ'անցնէր մնկէ կազ մը ռարիշ,
Մարմնով հսկայ, մախկին ըմբիշ,
Տեսաւ ցուպերն ամտէր, լըբուն,
Վերցուց իսկոյն,
Առաւ ներքեւ թեւերուն յազք:
«Աս ի՛նչ սեւ բախտ,
Ազատեցանք կազէ մ'հազիւ
Դարձանք յեմակ կազի մ'երկրորդ,
Այս աշխարհին գաւա՛կն ենք խորք...
Գոնէ ըլլար այս մէկն ազնիւ»,
Մէկը միտին
Յուպերն ըսին:
Ու վախճալով որ այլ անգամ
Եկողն ըլլայ կոյր, հաշմանդամ՝
Յուպերն հուճկու այլ գլխիկոր
Ազօթեցին որ ճէրը տար
Երկրորդ կազին կեանք մը երկար.
Գահի երազ թաղեցին խոր
Ու շալկեցին բռն իրենց մոր:

ԳԱՅԼ ՎԱՀԱՆ



Իմպական Հարժու՛ւ՛

ԳՐԱԳԻՏԻՆ ԻՐԱԽՈՒՆՔԸ

«ՈՉ» ԸՍՅԼՈՒ



Կրնա՞յ գրագէտ մը անտարբեր ըլլալ ու անտեղեակ մնալ մարդկութեան միտքն ու հոգին շարչըկող անտեսական ու քաղաքական հարցերուն վերաբերմամբ. ունի՞ այդ իրատունքը:

Աշխարհի ներթափանցող, բարոյական և քաղաքական դիմադրին զանազան փոփոխութեանց մէջ իր հիմնական տեղը ունի գրագէտը. կամայ թէ ակամայ, գրագէտը նոր ճամբաներ մատնանշող մըն է, իր կոչումն իսկ է ատիկա:

Կը բաւէ անդրադառնալ, թէ համայնաւոր վարդապետութիւնը ծնունդն է Մարքսի, Էնկէլսի, Լենինի ուղեղներուն և ոչ թէ աշխատաւոր դասակարգին, ըմբռնելու համար մտաւորականին ու գրագէտին կարելիութիւնները, մարդկային կեանքի բոլոր պայմաններուն փոփոխումին տեսակէտէն:

Ներկայիս պայքարի մէջ եղող վարդապետութիւնները, իրենց լաւ և վատ կողմերով, ազատութիւններով և ըստըրկացումներով, տիկզազուրայով և ժողովրդավարութեամբ, մտքի ու հոգիի անկաշկանդ ճառագայթումովն ու չըրթայումովը, արդիւնք են մտաւորականներու ստեղծագործութեանց ու յայտնած գաղափարներուն: Մինչև անգամ ժողովուրդներուն ազատարական պայքարները հետեւանքն են գրագէտներու

ապրումներուն, ցաւին ու արտայայտութեանց (Ս. Արուիկան, Քամառ Քաթիպա, Թաֆֆի, Մերենց, Խրիմեան):

Գրագէտը չի կրնար անտեղեակ ըլլալ մարդկութեան հոգին փոթորկող հարցերուն, ազատութեան տենչերուն, տեսնական ու քաղաքական ձգտումներուն: Ձի կրնար անտեղեակ ըլլալ, սակայն կրնայ անտարբեր մնալ:

«Արուեստը արուեստին համար» հանդանակի ետին պահուած, ոմանք կը փակեն իրենց աչքերը և կը յաւակնին զեղեցիկ աշխարհ մը կատուցել իրենց գրականութեամբ: Կան այդ ձեւով կառուցուած կարգ մը զեղեցիկ ու արժէքաւոր գործեր: սակայն չեն կրնար անոնք առաջը առնել գրագէտին կաշկանդումին, ներկայ ու զալիք գրագէտներուն ազատութեանց վերացումին, եթէ ինքը գրագէտը չանդրադառնայ, թէ փրփականտի և անոր միջոցով տիկզազուրայի տարածման արդիական, կատարելագործուած միջոցներուն զիմաց, իր առանձնացումն ու անտարբերութիւնը համազօր է անձնապատմութեան, նոյնիսկ ոճիբի՝ ապապայ գրագէտներուն ստրկացումը առաջացնելով:

Գրագէտը որ չի կրնար անտեղեակ ըլլալ կեանքը յուզող տեսնական ու քաղաքական խնդիրներուն, իրատունք

չունի ուրեմն անտարբեր մնալու:

«...Մամբ պատասխանատուութիւն մը կ'իյնայ ազատ աշխարհի մտաւորականներու ուսերուն – համալսարանականներ, գիտնականներ, փիլիսոփաներ, ուսանողներ, ռվէր ալ քը ըլլան, ուր ալ որ ըլլան. բոլոր անոնց վրան՝ որոնք կոչուածով ու արհեստով մտածողներ են, այսօրին կարողութիւնը ունին համոզելու, անհրաժեշտ է որ ըմբռնեն թէ համալսարանութիւնն է վստօքարագոյն թշուա՛մին պատասխարութեան ու մտաւորականութեան...»:

«...Մտաւորականները որ կը մնան նստարաններուն վրայ, որպէս հանդիսատեսներ, մինչ կրկնուին մէջ կոխկայ, կը դաւեն իրենց կոչումին իսկ: Մտաւորականը որ չէզոքութիւնը կ'ըմտարէ, ազատութիւնը ընտրած չ'ըլլար...»: Տոն Ուայթհէտի այս սահմանումը կարելի է եւ պէ՛տք է ընդլայնել, տարածել ամէն տեսակի բռնակալութեանց, մեծատիրութեանց, տիկղատարայի վըրայ, ըլլայ ան ֆաշիստ, նացի, ընկեր-վարական, կամ որեւէ այլ վարդապետութեան անունով հաստատուած տիկղապարտութեան: «Երբ կեանքի կրկնութիւն մէջ անողորք ու անզիջող պայքար մը տեղի կ'ունենայ յանուն ազատութեանց պահպանումին, ընդդէմ ամէն տեսակի բռնակալութեանց, գրադէտին անտարբերութիւնը՝ մարդկային միտքն ու հողին կաշկանդելու համար կռանուող շղթաներու օղակներուն ամրակաշիւմի միայն կը նպաստէ ու համազօր է դասակարգութեան, դաւանանքութեան՝ գրադէտի կոչումին դէմ»:

Գրադէտը իր կոչումովն իսկ, պարտականութիւնը ունի Ո՛Ձ ըսելու, ամէն անգամ որ մտածումի ու արտայայտութեան, հողի եւ գրայնութեանց ապատութիւնը կը մերժուի, կամ կաշկանդել կը փորձուի բռնատիրութեանց կողմէ:

19րդ դարուն, մտաւորականութիւնն ու գրադէտները դրօշակակիրներն էին ազատատենչութեան ու պահանջատէրերը՝ խղճի, կրօնքի, հողի, տնտեսա-

կան, քաղաքական, ընկերային, անհատական եւ դասակարգային ազատութեանց. ու եւրոպական, կամ նորինակ ստիական բոլոր յեղափոխութիւնները, հողփոխութիւնն ու բարեփոխութիւնը արդիւնքն են իրենց ճիգին, նախնութեան, երբեմն նոյնիսկ կեանքի զոհարարութիւն: Եթէ մարդիկ չարաչար ու սխալ գործածեցին գրադէտներուն ու մտաւորականներուն մտքի ու հողի թոխչեմները, մարդկութիւնը առաջնորդեցին սուրկացումներու, ատիկա յանցանքը չէ պարզէտներուն կամ մտաւորականներուն: Իայց, երբ տեսնելէ ետք այդ շահագործումը իրենց մտքի ու հողի արտագրութեանց, չեն ընդվզեր, չեն պայքարեր, ու հակառակ ազատ կարգերու տակ ապրելուն կը դառնան ամուլ հանդիսատեսներ, այն ժամանակ է որ մեղքը կը սկսի, յանցապարտութիւնը ծանրորէն կը նստի իրենց ուսերուն:

Գրադէտը պարտաւոր է անզիջող ըլլալ իր «Ո՛Ձ» ըսելու իրաւունքին մէջ:

1950-ին, Պերլինի մէջ գումարուցաւ Մշակոյթի ազատութեան համար միջազգային համաժողով մը, բաղկացած գրադէտներէ, գիտնականներէ, պետականներէ: Այդ համաժողովը կը հովանաւորէին մեծանուն դէմքեր՝ Պէրթրան Ռուսէլ, Պենետեղո կրօն, Ճոն Տիւրէյ, Քարլ Ժապիեր, Ժազ Մարիդէն:

Համագումարի բացման նիստը դուրսիցեցաւ Քորէայի պատերազմի ըսկըզնաւորութեան, Ամրողատիրական վարչամեքերը, խաղաղութեան կրկնուող յանկերպներով առաջացուցած էին մտաւորական շփոթ մը, վարանում մը, անսրոշութիւն մը:

Մշակոյթի ազատութեան միջազգային համագումարը կրցու վերացնել այդ շփոթը, պայծառացնել գրադէտին դիմազիծը:

Պերլինի այդ համաժողովէն ծնունդ առաւ միջազգային շարժում մը, իր ճիւղաւորումներով, Եւրոպայի, Ամերիկայի եւ Ասիոյ կարգ մը երկրներուն մէջ: Եարժումը ունեցաւ եւ իր մասնա-

ը՝ Խնճուամբը՝ անգլիերէնով, Լոնտոնի մէջ եւ Փրէով՝ Փրանսերէնով, Փարիզի մէջ:

1950 Յունիս 30-ին, համադրմարը, իր փակման նիստին մէջ, միաձայնութեամբ որդեգրեց Հետեւեալ բանաձեւը, որ խմբագրուած էր Արթըր Քէօսլէրի կողմէ, օժանդակութեամբ Մանէս Սփերպըրի: Լաւ է որ հայերս ծանօթանանք այդ բանաձեւին եւ խորհրդածենք այդ մասին: Ըսուած է՝

1.- Կը համարենք բացայայտ ճշշմարտութիւն մը, թէ կարծիքի ազատութիւնը մարդու անկապտելի իրաւունքներէն մէկն է:

2.- Թէ՛ կարծիքի ազատութիւնը, ամէն բանէ առաջ, ազատութիւնն է ամէն մէկուն համար կարծիք մը կազմելու եւ զայն արտայայտելու, նոյնիսկ, եւ մանաւանդ, երբ այդ կարծիքը համապատասխան չէ կառավարողներու կարծիքին:

Այն մարդը որ իրաւունք չունի ՈՁ բանուլ, ստրուկ մըն է:

3.- Խաղաղութիւն եւ ազատութիւն անբաժանելի են: Ամէն տեղ, ամէն վարչակարգի տակ, ժողովուրդին բացարձակ մեծամասնութիւնը կը ստորափի պատերազմէն եւ կը դատապարտէ զայն: Պատերազմի վտանգը կը մեծնայ, անմիջապէս որ կառավարութիւն մը կը ջնջէ ներկայացուցչական հաստատութիւնները եւ կը զրկէ մեծամասնութիւնը, խաղաղութեան իր կամքը պարտադրելու միջոցներէն:

Խաղաղութիւնը կը պահպանուի՝ եթէ ամէն կառավարութիւն իր դործերը ենթարկէ ժողովրդական վերահսկողութեան. եթէ ամէն կառավարութիւն յանձնըն առնէ միջպաշտի իշխանութեան մը ենթարկելի պատերազմի վտանգ պարունակող ամէն հակամարտութիւն. եթէ ամէն կառավարութիւն յանձնառու ըլլայ յարկելու միջպաշտի այդ իշխանութեան օրոշումները:

4.- Ներկայ պատերազմի վտանգին պատասխանատուները այն կառավարու-

թիւններն են, որոնք խաղաղութեան մասին խօսելով հանդերձ, կը մերժեն ընդունիլ ժողովրդական վերահսկողութիւնը եւ միջպաշտի իշխանութիւնը:

Պատմութիւնը ցոյց տուած է միշտ, թէ բոլոր կարգախօսները լաւ են, մէջն ըլլալով խաղաղութեան կարգախօսը, անոնց համար՝ որոնք պատերազմը պատրաստել կ'ուզեն:

«Խաղաղութեան համար» խաչակրութիւնները, որոնք որեւէ իրական դործով մը նպաստ մը չեն բերեր խաղաղութեան, կեղծ դրամներ են միայն: Որքան ատեն որ նման միջոցներ կը գործածուին, մարդոց համար ոչ մարմնական ապահովութիւն դոյութիւն կ'ունենայ, ոչ ալ բարոյական առողջութիւն:

5.- Ազատութեան բնոյթին մէջն իսկ է կարծիքներու զանազանութիւնը յարգելը:

Սակայն, հանդուրժողութեան սկզբունքը չ'ընդդրկեր սաեւ հանդուրժողութիւն՝ անհանդուրժողութեան:

6.- Ոչ մէկ քաղաքական կամ տնտեսական տեսութիւն չի կրնար յաւակնիլ մինակը որոշելու ազատութեան իմաստը: Ըստ անհատներուն տրուած իրական ազատութեանց է, որ կը զատենք տեսութիւններն ու դադափարարանութիւնները:

Եւ նաեւ, ոչ մէկ ցեղ, ոչ մէկ ազգ, ոչ մէկ դասակարգ, ոչ մէկ կրօնք՝ իրաւունք ունի յաւակնելու միակ ներկայացուցիչը ըլլալու ազատութեան. աւելի եւս չունի իրաւունք զայն մերժելու՝ ուրիշ խմբակցութեանց, կամ այլ հաստատմաններու, գերագոյն նպատակի մը անունով, ինչ ալ որ ըլլայ այդ նպատակը:

7.- Տարնապի ժամանակաշրջաններուն, որոշ սեղմումներ կը պարտադրուին ազատութեան, լաւ կամ դէժ ըմբռնելու նրաւ ընդհանուր շահի մը անունով. մենք կը համարենք կենսական, որ նրման սեղմումներ սահմանափակուին պարձառօրէն սահմանուած կարգ մը մարդերու միայն. ըլլան ժամանակաւոր միջո-

ցառումներ, զոհողութիւն՝ որ համայնքը կը պարտադրէ ինքզինքին, եւ որոնք պէտք է ենթակայ ըլլան ազատ քննադատութեան եւ ժողովրդական հակողութեան: Այդ գնով միայն կարելի է խուսափիլ, ազատութեան այդ բացառիկ սեղմումներուն մնալուն բռնակալութեան վերածուելէն:

8.— Ամբողջատիրական պետութեանց մէջ, ազատութեանց արգելքները չեն ներկայացուիր այլեւս որպէս ժողովուրդին պարտադրուած զոհողութիւն. ընդհակառակն, կը փառաբանուին որպէս «յառաջդիմութեան» յաղթանակ, որպէս «զազաթնակէտ» նոր քաղաքակրթութեան մը:

Իրական եւ իրական տեսակէտէն, ամբողջատիրական վարչաձեւերը կը նըշանակեն մաշը անհատի հիմնական իրաւունքներուն եւ մարդկութեան էական ձգտումներուն:

9.— Աշխարհի մէջ չի կրնար հաւասարակշիւութիւն գոյութիւն ունենալ, որքան ատեն որ մարդկութիւնը բաժնուած ըլլայ ազատութիւնը պահածներու եւ ազատութիւնը կորսնցուցածներու միջեւ:

Գոյութիւն ունեցող ազատութեանց պաշտպանութիւնը, կորսուած ազատութեանց վերագրուումը, նոր ազատութեանց ճանաչումը միեւնոյն եւ միակ պայքարի մը վարձատրութիւններն են:

10.— Կը համարենք, որ ներկայիս, ամբողջատիրական վարչաձեւերու վըտանգը շատ աւելի մեծ է, քանի որ ճշնշուով համար իրենց ունեցած միջոցները կը գլին կ'անցնին անցեալի բռնակալութեանց արամադրութեան տակ զտնուող բոլոր միջոցները:

Ամբողջատիրական պետութեան մը քաղաքացին պարտաւոր է, ոչ միայն խուսափիլ օրէնքի որեւէ խախտումէ, այլ նաեւ՝ յարմարցնելու իր բոլոր շարժումները, մասնումները, կանխազըծւած տիպարի մը:

«Բացասական բռնակալութեան» դասական ձեւը փոխարինուած է «դրական

բռնակալութեամբ» մը: Քաղաքացին կը հալածուի եւ կը դատապարտուի տարտամ եւ անորոշ ամբաստանութիւններով, ինչպէս օրինակ՝ «ժողովուրդի թշնամի» ըլլալու, կամ «ընկերութեան համար վտանգաւոր տարր» ըլլալու յանցանքով:

11.— Կը համարենք, որ ամբողջատիրական պետութեանց տեսական ու գործնական ընթացքը, ամենամեծ վտանգներն են, որոնց ճակատած ըլլայ մարդկութիւնը իր պատմութեան մէջ:

12.— Անտարբերութիւնն ու շէշրքութիւնը նման սպառնալիքի մը առջեւ, կը կազմեն դատանութիւն մը մարդկութեան հիմնական արժէքներուն դէմ եւ հրամարտ մը՝ ազատ մտածողութեան: Ամբողջ սերունդներու համար մարդկութեան ճակատագիրը կրնայ կախում ունենալ այս մարտահրաշքին տակէք մեր պատասխանէն:

13.— Ազատութեան պաշտպանութիւնը ե ոչեղէն պաշտպանութիւնը կը պահանջեն մեզմէ նոր եւ շինարար լուծումներ մեր ժամանակի հարցերուն:

14.— Այս մանիֆեստը կ'ուղղենք անոնց, որոնք վճռած են վերակառնել, փրկել եւ տարածել ազատութիւնները, որոնք կը կազմեն արժէքը կեանքին:

Այս մանիֆեստը արդիւնքն էր իրօք մարդկութեան շահը փնտոող զբաղէտներու, մտաւորականներու, նոյնիսկ զիտնականներու հոգեկան տառապանքին, ի տես բառերու եւ իմաստներու աղաւաղումին, բռնատիրութեանց կողմէ, ի խնդիր այդ բռնատիրութեան յարատեւումին, ընդլայնումին, նորանոր ազգերու ու երկիրներու ստրկացումին:

Մանիֆեստը ստորագրողները կը պատկանէին մեծ մասով մախակողմեան մտայնութեան, սակայն հիմնական էր իրենց համար լազատութիւնը կարծիքներու, նոյնիսկ եւ մանաւանդ ազատութիւնը իրենց կարծիքին հակառակ կարծիքներ ունենալու: Ասոր համար ալ, անոնք կրցան քով քովի բերել հակադիր մտաւորականութիւն մը. կրցան շարժու-

մը տարածել, ամբաստանել, շարունակել մինչև այսօր հրատարակութիւնը իրենց զոյգ պարբերականներուն:

Անոնք կը կազմեն ներկայիս ուժեղ ընտանիք մը ազատ մտածողութեան տէր դրաղէտներու, որոնք զչնց դասեր իրենց քնարիմն ու բարձր կը պահեն դրաղէտին կոչումը:

Անհրաժեշտութիւն մըն է այսօր դրաղէտներու նման համադրութիւն մը, նման ընտանիքի մը կազմութիւնը: Հին օրերու հեղինակները, բանաստեղծներն ու վիպասանները, այնքան հարցեր չունէին իրենց դիմաց, որքան այսօրուան դրաղէտները ունին: Այնքան վտանգ չէր սպառնար մարդկութեան զաղափարականութեան, զէպի ազատութիւնը սլացող ժողովրդութեան, որքան ներկայիս: Գրողները կաշկանդելու, մտաւորականը ըստըրկացնելու մեթոտները այնքան կատարելագործուած չէին, որքան այսօր: Կարելիութիւն չէ մնացած այսօր, ոչ ոքի համար, քաշուելու զփոսկրեայ աշտարակի մը մէջն եւ այնտեղի առանձնութեան ու լռութեան մէջ զօտեղծագործելու:

Քսաներորդ դարու սկիզբէն իսկ խախտած է մարդկութեան տնտեսական, ֆիզիքական, քաղաքական, մտային ու հոգեկան հաւասարակշռութիւնը: Հինը փլած է, նորը ետացող կաթսայ մըն է դեռ՝ առանց որոշ պարունակութեան:

Մեծ ու փոքր ազգեր, ժողովուրդներ, վարդապետութիւններ, ուժեր, ըմբռնումներ, իրենց համեմը, միւտոնը, ազը, կենսահիւթը, կամ մաղձն ու թոյնը կը լեցնեն կաթսային մէջն ու կը խառնեն: Կը բորբոքեն կրակը մարդկութեան վաղուան ճաշը պատրաստելու յաւակ-

նութեամբ:

Գրաղէտին բաժինը անձկութիւնն է, տառապանքը, ցաւը, եւ երբեմն նաեւ յուսահատութիւնը:

Ոմանք անոնցմէ, պարտադրանքին տակ կենեցին, կամ իրենց ազատ կամքով, կամ կամքի թուլութեան իսկ պատճառով, ընտրած են դիւրին ճամբան, զրհած են իրենց քննադատող միտքը իրենց կուռքին ու շահարեք ձեռնարկի վերածած են դրաղէտ ըլլալը:

Ուրիշներ կեած են քով քովի եւ բարձրածայն յայտարարած աշխարհին անկտպտելի իրենց իրաւունքը՝ ըսելու «Ո՛չ», ամէն անգամ որ կեանքի արժէքը կազմող ազատութիւնները կը փորձուին վերջնել ընկերութեան կեանքէն, անհատին կեանքէն:

Հայ դրաղէտը եւս ունի իր ենդիրները, իր հարցերը, իր ժողովուրդին առջեւ դրուած հարցերը, որոնք երբեմն առած են, կ'առնեն, կրնան առնել զլիմնիքէ շլիմնիքու հանգամանք: Ունի իր անհատական հարցերը, ունի նաեւ մարդկութիւնը հետաքրքրող հարցեր:

Իր գրականութիւնը մշակած ժամանակ, բառերն ու խօսքերը շարած ժամանակ, ան պարտաւոր է յիշել, անդրադառնալ՝ թէ ինք եւս մաս կը կազմէ մարդկութեան ճակատագրով ու ապագայով մտահոգ դրաղէտներու փաղանքին եւ իր ալ ուտերուն բնոցուած է իր ժողովուրդին կողմէ, պարտականութիւնը դասալիք չըլլալու եւ ըսելու «Ո՛չ»ը, ամէն անգամ որ մտքի ու խղճի ազատութիւնները կը տրորուին ու մարդկութեան կեանքը զէպի բռնակալութիւն կ'առաջնորդուի:

Բ. ՓԱՓԱՋԵԱՆ



ԵՒՐՈՊԱԿԱՆ ՈՒ ԱՄԵՐԻԿԵԱՆ

ԱՐԴԻ ԳՐԱԿԱՆՈՒԹԻՒՆ

Գ-

Հասանք մեր օրերուն, վերջին տասնամեակին, անուններու եւ երկերու խրճողումին. մարդերու՝ զորս աւելի լաւ կը հասկնանք ու պատրաստ ենք աւելի շուտ մոռնալու, ինչպէս ամբոխի մը սէփերը, երբ սինէմայի պատտառէն կ'իջնեն ու մեզի հետ զուրս կը հրուին: Ամերիկացի Սալինկըրի պատանիներուն բզկտուած շիզերը, անչլիացի Սիլիթոյի բանուարներուն յամառութիւնն ու Պապ Իտրիտի ոստիկանին ապրումները իրար հազարէ վիճակներ են, զիրար կը լրացնեն, զրոյն համար: Նոր բանաձեւումով մը, արուեստին ինչպէս եւ կեանքին մէջ՝ արուեստական բան չկայ: Իր ընթացքի կէս ճամբուն տարուած վերելակին մէջ թիմուած, բանտարկուած մարդիկ՝ ստիպուած ենք զիրար ընդունել, նոյն վտանգին ենթակայ, նոյն թիմուած անցեալին համը քոլորիս քիմքին:

Ամերիկան գրականութեան մասին այս մտնանշումն է, որ կ'արժէ առաջին անգամ պարզել: Վկայութեան գրականութիւն մըն է որ, լաւագոյն ձեւով, մեզ կրնայ նետել մեր գարու մեղապարտ բայց արթուն խղիին առջեւ: Անշուշտ կայ եւ երեւակայութեան գրականութիւնն ալ, ոյն որ կ'ազատագրէ մեզ զանդուածներուն վարակումէն: Ընտրութիւնը, մէկ կամ միւս ուղղութեան, մասամբ ճակատագրի հարց է, սակայն զրոյրը ընտրութիւն մը ընելու ասակ միակ

անձը չէ՞: Պատասխանը ընթերցողին իրաւունքն է:

Հոս կը գոհանանք շեշտելով վկայութեան անժխտելի արժէքը, ու հարց կուտանք.՝ Ներկայ գրականութիւնը ո՞ր չափով մեր հաւաքական ճակատագրին ու մեղսակցութեան գիտակցութիւնը կը բերէ մեզի. ի՞նչ տեսակ մարդիկ են իմ ժամանակակիցներս, Ձիքակոյի ու Լոնտոնի մարդը, առտուն ժամը Յին ճճըթկուած ու չքուած, նստած մայթին, ու կատուն՝ որուն իր ցաւերը կը պատմէ: Վկայութեան այս հարցը անշուշտ գրական չափանիչն աւելի բան մըն է, ինչպէս որ գրականութիւնը՝ ազդի մը, միջավայրի մը պատկանելի աւելի, մարդկային կեանքին փաստն է: Որոշ անկիւնէ մը դիտուած, ժամանակակից գրականութիւնը, բունցքի ու գիտաի ֆիլմերը, Ֆութպոլի խաղերը, քաղաքէ կալուան աղմուկը, պատանեկան ժողովեան ժողովը՝ մարդոց մէկ ու նոյն ախորժակին կը տանին,՝ մարդկային եղբայրութեան, ա՛ռնուազն ճօտիկութեան:

Անշուշտ կայ եւ չափանիշը, այսինքն գրական հոսանքը: Հոս է որ երկիրները կը զանազանուին, իրենց իւրայատուկ բարեխառնութեան ճամբով: Այս տեսակէտէն, ամէնէն հետաքրքրականը Ամերիկան է:

Բարեբա՛խտաբար թէ դժբախտաբար, Ամերիկայի մէջ բնագանջական ու

զուտ բնկերային տաղանայնի փոր չեն կշտացնել: Տինամիք, Չլապիրկ բնկերութիւն մըն է, որ հասկն ժամանակ կը գտնէ կեանքը ապրելու, ուր մնաց կեանքի մասին խորհրդածելու: Պատերազմը սակայն, լուրջ տաղանայ է, նիւթական ու բնագանջական իմաստով: Ամերիկեան զգայնութիւնը (թող ներուի այս բառին դորձածութիւնը Ամերիկայի կապակցութեամբ, նոյնիոյ էթէ յստակ իրականութեան մը չի համապատասխաներ: Միատարր ու հաստակաց զգայնութիւն մը դժուար է հաստատել այդ երկրին մէջ, բայց այս պարագային այդ յարափոփոխ, չկազմուած վիճակն է որ կը յառկանուի զգայնութիւն բառով) առաջին անգամ ըլլալով պատերազմի ապարարողականութեան մէջ էր որ կը ստուգէր իր մէկ զար հնութիւն ունեցող դիւցազներգական անցեալին փառքը: Հետաքրքրական պիտի ըլլար դիտել, թէ համամարդկային տաղանայի մը մէջ նման ներխուժում մը ո՞ր շարքով պիտի թափանցէր ամերիկեան դիտակցութենէն ներս:

Արդեւքը, այդ մակարդակին վրայ, բացասական եղաւ: Բայց Հոս, ատիկա շատ աւ կարեւոր չէ: Պատերազմը քանի մը մեծղի, հուժկու վէպեր սուսաւ, որոնք ամերիկեան բժմանումով պէտք սէլըր հուշակուեցան: Հոս կ'արժէ նշել, թէ ոչ Անգլիոյ եւ ոչ ալ Տրանսայի մէջ պատերազմը տիրական օրեւէ երկ արտադրեց, այլ զարկաւ դէպի բնագանջական ու քաղաքական փոթորիկներու բարձրութեան: Ճէյմզ Ճոյնզ (Հոսկէ մինչեւ Յալիսնետքիւն), Նորմըն Մէյլըր (Մերկիրն ու Մեռնալմերը), Էրուին Ծօ (Անիծի Յագիրը), Իրա Վուլֆերթ (Միռայ Արաք մը), Ուիլլըրա Մօթի (Ամրազ Գիշեր Ձուկ Որացիմք), յիշելու համար մեծագոյնները, առաջին սերունդն են նոր կատարողութեան, որ կը հեւայ մարդկութեան մէջ: Անգլիոյ մէջ, գասակարգային ու նաեւ ցեղային կարգապահութիւն, չըսելու համար ամօթխածութիւն, Տրանսայի մէջ իմացական հետաքրքրութիւններու գերիշխանութիւն՝ զսպեցին

այդ ալիքը: Ամերիկայի մէջ զսպումի տեղ սպտումը կը թուի բնութագրուած ըլլալ նոր թափը: Առաջին ազդակը ամերիկեան բնկերութեան դրական ճաշակն է: Ամերիկացիք լատ կը կարդան, օրեւէ բան կը կարդան ու արագ կը կարդան, պայմանաւ որ գրդիտ մը անցնի շիդերէն ու միտքը չյոգնի (*): Միջակ մարդու միջակ ճաշակին գոհացում տուող քաղաքակրթութեան մը մէջ ի՞նչ կրնայ ըլլալ դրողին ճակատագրը, մանաւանդ երբ կեանքի պայթարն ու սրբիթաց թափը, մրցակցութիւնն ու նիւթական յաղուցութիւնը՝ կը քամեն դրողին ուժերը:

Երկրորդ ազդակը առաջինին արգելեքը կը թուի ըլլալ: Վեպասաններուն յաջող գործերը որակով շատ ցած են առաջիններէն: Ո՛ւր դնաց անոնց բողոքի, ցաւի ու հպարտութեան ճիշդ, երբ չկրցաւ ստեղծել իրենց ժողովուրդին մէջ դիտակցական անդադարձը համամարդկային սաղնայններու: Երիտասարդ, միջակ կրթութեան տէր մարդիկ են, որոնք բանտար, թաքսի յօֆէօր կամ ճաշարանի կառածն եղած ըլլալու մէջ ոչ հպարտութեան եւ ոչ ալ նուստացումի պատճառ կը տեսնեն: Ասոր համար է, որ անոնց հատորները այնքան ուժ ու մարդկայնութիւն ունին: Բնագանջական կոչուելու չափ ինքնարուիս պոսթկուսմը, նոր ու զօրաւոր զգայնութիւններու եւ փորձառութիւններու հեղեղը, կուտի սարսուտին ատեւձ վայրենի հրճուանքը՝

Գաղափար մը տպու համար Ամերիկայի գրական հրատարակի մասին, կը յիշենք քանի մը երեսոյթներ, քաղելով այս տարի Նիւ Եօքը հրատարակուած գիրքէ մը - Քիւ ու Պրակտիկութիւն Ամերիկայի մէջ, Կեղ. ձ. Ֆիլլըր ու Ռ. Պ. Միլլըրը: Այսօր միլիոն մարդ միայն լուրջ գիրք կը կարդայ. թիւ մը որ չէ փոխուած 40 տարիէ ի վեր: Բայց օրական 300 գիրք կը տպուի ու տարեկան 280 միլիոն հատ գիրք կը ծախուի, աւանց հաշուելու 32 միլիոն օրինակ լաթ, 27 միլիոն լուս. ու 35 միլիոն Ռիտերը մայսէտք... Այս հակապական սպառումով, Ամերիկացին իր ժամանցի յատկացումը դրամին միայն հարիւրին տասր կը ծախուէ գիրքերու, գլխաւորաբար սեւը, ոտիւր կամ ծիծաղը նիւթ անեցող:

կը թաւալին այդ վէպերուն էջերէն, խառնուած քիչ մը հոգեբանութեան, ու իրենց հոսանքին մէջ առած կը տանին նաեւ նորագոյն գրողները: Այլ չկայ երեսնական թուականներու Հէմինկուէյ-եան զուսպ, առնական ու առարկայական գրականութիւնը, որ այնքան մօտեցեր էր համամարդկային եղբայրութեան դարձափարին, չկայ նաեւ միւս լրջութիւնը, եւրոպականը: Բայց կայ կեանքը, տաք, անմիջական ու անպաճոյճ, այնպէս ինչպէս միայն ամերիկացի մը զայն կրնայ զգալ:

Կեանքին հանդէպ, անոր բնազանցական թելադրանքներուն ու իմաստին հանդէպ այս անտարբերութիւնը, մարդուն առանձնութեան ու նաեւ մարդերու միասնականութեան փիլիսոփայական ըմբռնումին պակասը՝ հաւանաբար կուզան Ամերիկայի յատուկ պատմական անցեալի մը բացահայտութենէն: Կամ ալ՝ այն ահարկու տինամիզմէն, որ հաւաքական նուպայի մը պէս կը պրկէ անոնց կեանքը, բայց որ սակայն այնքան կանուխէն, կը սպառէ ամերիկացին ու, քառասունի դռներուն՝ դէնք կը լքէ, միակուսեան մէջ կորսուած, որբացած ու մաշած իր առողջութեան վրայ զողոզացող ու տասը ընկերութիւններու ապահովագրուած, Համայնավարութեան խրտուիլակէն սարսափաւար, համակրելի, սրտանմիկ ու ազմկոտ անհատ մը այլեւս, պարպուած իտէպլէ եւ որ հիմա վիթամիտի թիւպերուն, ու կեանքի մակարդակին կը կառչի, հանդստութիւնը շփոթելով երջանկութեան հետ ու խոշորութիւնը՝ մեծութեան հետ: Այս սորդերուն մէջ դատապարտութեան նուազագոյն միտում չկայ, վկայութեան մը մասին վկայութիւն մըն է, որ կը տրուի միայն:

Այս ամբողջին մէջ, կարեւորագոյն բառը միակուսեանն է, մեծ քաղաքներու մեծ միակուսեանը: Ով որ չէ ապրած մեծ քաղաքի մը մէջ, չի կրնար հասկնալ թէ ինչպէս եւ ինչու՝ միլիոնաւոր շիդերու թնճուկներ, իրենց բանտե-

րուն մէջ ճշարտվ ու լալով, երկաթի ու քարի ժխորներու մէջէն ցերեկ դիշեր կը սողոսկին, զերար կը փնտռեն ու, հազիւ մօտեցած, կը փախին ետ՝ բազմութիւններու պաշտպանութեան, ետ՝ մեղաւոր մոլութիւններու մտերմութեան, ետ՝ իրենց միակուսեան յաւերժական կէտերին: Միակուսեան այս ապրումը, եւրոպացիք ալ ունեցած են անուշտ. սակայն հոն կրցած են իմաստասիրական հիւթ մը հանել տնկէ, ինչպէս Քոմիւի Օտարական վէպը կամ Սարթրի 'Նոդ-կամբ վէպը ու շատ մը թատերախաղերը կը փաստեն: Արդի ժամանակներու այս «հիւանդութիւնը» (չակերտի մէջ կ'տունենք որովհետեւ իրականութեան մէջ հիւանդութիւն մը չէ այլ կեանքի իրողութիւնն իսկ է, որուն նախկին անունը հոգի էր, հաւանաբար) դեռ չէ վարակած մեզ, Հայերս, որովհետեւ մենք այս աշխարհի մէջ չենք ապրիր: Միայն Ն. Սարաֆեանի առաջին հատորներուն մէջ կը հանդիպինք այդ զգայնութեան աղօտ արձագանգին ու այդ ալ՝ իբր մանկութեան յաճախանք ու կարօտ:

Այս պայմաններուն մէջ, ամերիկեան նորագոյն գրականութիւնը ոճի, ներքին ուժի ու մտածումի հանդէս չէր կրնար ըլլալ ու հաւանաբար պէտք ալ չունէր ըլլալու: Եղաւ այն՝ որ իբր մարդկային շիդերու պատմութեան մէկ գլուխը՝ անփոխարինելի հարստութիւն մըն է - սէրն ու մտերմութենէ սոված, միջին տարիքի մարդոց մոլուցքի, վատաստումի տօնավաճառ մը, սեան ու ճաղատ բնազդները ցուցադրութեան հանուած հրճուանքով ու գաղտնի ամօթով, ուխտքին ու մարիժուանան, տանելով զանոնք խոստովանութեան, փրկութեան լրթունքին ծայրը՝ բայց չկարենալով հասնել հոն, զոր խոստացեր էին իրենց երջանկի ընկերութեան աստուածները:

Հայիշամոլ, միասեռական, ոճրագործ, սանդուխներուն նստած լացող յոգնած սեւամորթներ, տունէն կամ բանտէն փախած պատանիներ, գինով մտաւորականներ ու պատրանաթափ

պրոնիկներ, մաքսանենդներ ու ստահակներ, եւ այն բոլորը զորս փարիսեցի ու անյայտ ընկերութիւնը չի կրնար մարտել ու կը փսխէ ճամբու եզերքին, բոլոր անոնք որոնց կը պատմուի, տղայութեան՝ թէ կեանքը իմաստ ունի եւ վերջը սակայն անոնք կը գտնեն թէ...

Ահա կեանքով հիւանդ այս մարդկութիւնն է, որ կը խնդրուի թրուման ֆարթի, ֆարսըն Մաք Գալըբդի, Սալինկըրի, ձէյմզ Պալտուրի, Տիցրաթրիքի, ձէք Բէրուաքի ու տասնակներով այլ վիպասաններու գործերուն մէջ: Այս վիպասանները, ըլլան անոնք մեծ քաղաքներու մեծ մոլութեանց ասպետներ, իրենց ըմբոստացումի, ինքնապաշտան անզորութեամբ լիլուած, ըլլան պիթիֆիներ, փախած քաղաքներէն, ապարար ու անկաշկանդ բնազդացումի մերկ ազրումին բիւրեղացման մէջ փնտռելով իրենց ինքնութեան փաստն ու վստահութիւնը: Բոլորն ալ ընկերութեան մը լուսանցքային բազմութիւններէն կը վեկայեն: Ու եթէ անոնց վէպերուն հերոսները տկարներ են, որոնք կը փորձեն ուստի երեւալ, ընկերութեան մը մէջ որ միայն սեռ, խմիչք ու միակութիւն կը հայթայթէ, ապա ուրեմն վիպասանները տարբեր անձեր չեն իրենց հերոսներէն: Այսինքն՝ անուազն անկեզմ, արի մարդիկ են, եթէ նոյնիսկ անտաղանդ: Ու նոյնիսկ եթէ Պիթիքներու ըմբոստացումն ու հանրային կարծիքէ անկախ ըլլալու յաւակնութիւնը դերասանական կը թուին, ուրեմն աւելի եւս թանկագին է՝ այդ վկայութիւնը: Կը նշանակէ թէ արդի ընկերութեան մէջ, գրողը կամ պետի պայքարի, կամ ալ պիտի համակերպի: Այլ իտքով, գրականութիւնը է այն՝ զոր մարդիկ կը ստեղծեն ու ծիծաղելի է սպասել, որ ան կանխորոշ չափանիւշ մը յարմարի: Ով որ գրող է, ան լաւ կը հասկնայ թէ ինչու գրական ըննադատութիւնը արուեստին հետ այնքան աղերս ունի որքան գրաչարութիւնը: Քննադատը կը հասնի շատ շատ անձին, գրողի ընկերային տարազին - ինչ որ բոլոր-

վին տարբեր խնդիր է: Տարբեր խնդիր է՝ մեզի Հայերու համար: Սակայն Ամերիկայի մէջ - գրողին շուրջը սլետայող, վազվզող ու գաւազրող բազմութիւն մը կայ, որուն համար գրողին գերասանական դիրքն է որ կարեւոր է, որուն նպատակը ոչ գրողն է, ոչ ալ գրականութիւնը, այլ, շատ բնականօրէն, իր շարաթականը: Անուն մը ըլլալու համար՝ գրողը հրատարակելի մը պիտի դառնայ, որ կարելի եղածին չափ քիչ գրական ըմբոստում ունենայ, որպէսզի կարենայ ձեռագիրը անաղարտ պահել: Սակայն հրատարակչին հասնելէ առաջ, պէտք է գրական գործակալ մը գտնել, կամ հրատարակչին ծանօթ մօրաքոյր մը, բարեկամ մը - յանուն միջամտութեան: Ձեռագիրը ընդունուած է - գրողը կրնայ մինչեւ հազար տոլար կանխիկ առնել... ու գրելիք դիրքերը արդէն ծախել: Ու եթէ անուն մը գարձաւ շնորհիւ աննախատեսելի պատճառներու, որոնք կը փչին հանրային ճաշակին վրայ, շնորհիւ բացառաբար զնահատական ջըննադատութեան մը (վերջերս կատարուած ուսումնասիրութիւնէ մը յայտնի եղած է որ ամերիկեան մամուլին մէջ երեւցած գրախօսականներուն հարիւրին միայն հինգը աննպատ կարծիք կը բանաձևեն...) գրողը ստիպուած է ինքզինք չըջուպատել քանի մը անխուսափելի արտաբաններով - քալիֆ Ռիլընզը մարդը, որուն գործն է գրողի մասին հետաքրքրութիւնը արթուն պահել հանրութեան մէջ, երեւակայելի ու աներեւակայելի բոլոր միջոցներով (սուտ յօդուածներ, իրական ու անիրական տեսակցութիւններ, սիրային արկածներ եւ մանկութեան պատկերներ), յետոյ կապ հաստատել թէլէվիզիոնի ընկերութեանց հետ, անոնց գրութիւններ հասցնելու համար, մուտք գործել սինէմայի հեքիաթային աշխարհէն ներս, բոք-թէլիներու ներկայ ըլլալ եւայլն: Այսինքն ամէն բան՝ բացի մտաւարական կեանքէ:

Ամերիկացի նշանաւոր հրատարակչի մը, քննելէ վերջ 200 գրողներու կեանքն

ու գործը, կ'եզրակացնէ թէ՛, «յաջող
զբողը այն անձն է, որ հետևեալ երկու
հիմնական յատկանիշները ունի».

ա) արտակարգ քանակութեամբ մը
զուտ կենդանական էմէրժի,

բ) արտակարգօրէն կուռ ու տարա-
ծուն ես մը»:


Կը նշմարուի անշուշտ որ ոչ տաղան-
դի, ոչ ալ իմացական պատրաստութեան
հարց կայ այս հաստատումին մէջ: Կեն-
սունակութիւն, յամառութիւն, ինքնա-
վըտտահութիւն — այս արժանիքներով
զինուած գրող մը կրնայ ճեղքել ճամ-
բան դէպի համբաւ ու սոկալ իարտա-
ցին: Այս արժէքները ի զօրու են այսօր,
չատ շատ տա՛սը տարի ալ: Ատկէ ետք,
կրնան փոխուիլ, իրենց հետ փոխել եւ
զբողը: Ամերիկեան բնկերութեան այս
հեղուկ, փոփոխուն նկարագիրը, զար-
գացումի արդի թափը ու մանաւանդ ա-
մերիկացի ժողովուրդին բաց, անկաշ-
կանդ միտքն ու զգայուն խառնուածքը՝
օր մը կրնան տանիլ զինք դէպի համա-

մարդկային ու գերազանց արժէքներու
փնտառութիւն, գրականութեան ճամբով,
Մինչ առաջ, ամերիկեան արդի գրակա-
նութիւնը, մէջն առնելով Ծովքներ ու
Թատերադիր Թէնէսի Ուիլիեմզ՝ արդի
բնկերային կարգերու մէջ չպարտկուող
տարերային ուժերու, անսանձ բնազդ-
ներու մէջ արմատ նետած միակ գը-
րականութիւնն է: Լուսնին անտեսանելի
կողմին շափ մութ ու խորհրդաւոր այն
տինամիդը, որ կը զսպանակէ ամերիկե-
ան երիտասարդութիւնը, կամ աւելի
ճիշդ՝ երիտասարդ ժողովուրդը, նետե-
լով զայն իր ահաւոր հակասութիւննե-
րուն, սանձակոտոր պարերուն, արդիւ-
նարերական ճիգին, մրցանիշներու ու
հերոսապաշտութիւններու անբացատրելի
մոլուցքի ոլորապտոյտին մէջ, իր մէկ
ուրիշ պոսթիւտով՝ գրականութեան
մէջ է որ կ'արտայայտուի: Մեծ ժողո-
վուրդի մը գրականութիւնը, որ կրնայ
մեծ շրջալ՝ բայց որ վաւերական ապ-
րումի մը վաւերական պատճէնն է:

Վ. Փ.

(3)





ՎԱՀԷ ՕՇԱԿԱՆ. «Մեծ հորդ գերեզմանին
վրայ *մտքեր* պիտի խաղաս, եթէ գրող ես»:

(«ԲԱԳԻՆ» ամսագիր, քիւ 2, 1962)

ՏՕԳԹ. ԵՐ. ԿԱԹՈՒՆԱՍԵԱՆ

ՄԱՐԳՍԻՍ ԻՄԱՑԱԲԱՆՈՒԹԻՒՆԸ



Իմացարանութիւնը իմաստասիրութեան այն ճիւղն է, որ հետազոտում է իմացումի ծագումը, կազմութիւնը եւ ստուգութիւնը: Իմացարանութիւնն է, որ կը փորձի ճշդել իմացումի բնոյթը, նրա հնարաւորութիւնը, աւարկայական արժէքը եւ իրականութեան ու իմացումի յարաբերութիւնը:

Քարլ Մարքս իր ամբողջական էութեամբ յեղափոխական էր: Նա հարկ չտեսաւ պրոպետելու իմացումի խնդիրը եւ խորանալու իմաստասիրական հարցերի մէջ: Ք. Մարքսի համոզումով, բոլոր ժամանակների փիլիսոփաների նպատակը եղել է մեկնաբանել աշխարհը, իր էութիւնով եւ ձեւերով: Նրանց միակ ձեռքատու էր եղել է լուկ ԳիՏնԱԼ: Սակայն զիտանալու նպատակը ինքնին ապարդիւն ժամանակահատուկութիւն է: «Մենք աշխատում ենք գիտնալ, գործելու համար, աշխարհը վերափոխելու նպատակով»: Եւ մշտապէս ժխտելու համար զազափարազաշտութիւնը, որը նա համարում էր գրամատիրութեան զազափարաբանութիւն, նրան հակադրեց Նիւթապաշտութիւնը, որի վրայ հիմնեց իր ուրոյն պատմափիլիսոփայութիւնը: Նա էր, որ բանաձեւեց, թէ զգիտակցութիւնը չէ, որ կ'որոշի կեցութիւնը, այլ կեցու-

թիւնն է, որ կ'որոշի զգիտակցութիւնը»: Այսինքն Նիւթից են բխում մտքի եւ հոգու բոլոր նուաճումները: Նիւթականը առաջնեկ է եւ հոգեկանը նրա վերնաշէնքն է:

Պ. Էնգելսն էր, որ ջանաց հիմնաւորել մարքսիստ իմացարանութիւնը, որ այժմ ծառայում է մարքսիստ իմաստասիրութեան իրրեւ գլխաւոր ուղեցոյց: Լենինը ամբողջութեամբ իւրացրեց Էնգելսի հիմնաւորումը, իր երկու իմաստասիրական երկերում, մին «Մարքսիզմը եւ Էմպիրիսոփիստիստիզմը», իսկ միւսը՝ «Փիլիսոփայական Տետրակներ» գիրքերում:

Լենինը յայտարարում է, թէ զգույթիւնը զրգիտի փոխակերպումն է զգիտակցութեան փաստի: Այնլի պարզացընելով այս ասոյթը, Լենինը զատորոշում է արտաքին աշխարհի իրը նրա արձակած զրգիտից: Իրը Նիւթն է, զրգիտը է՝ ներդիտ, որ ներդրածելով ուղեղի վրայ, փոխակերպուում է զգիտակցութեան, մշտային-հոգեկանի:

Վերլուծենք այս հաստատումը տրամարանութեան նպատով:

Բնազիտութիւնը հաստատել է, որ արտաքին աշխարհում գոյութիւն չունեն համ, հոտ, զոյն եւ ոչ էլ ձայն: Գոյն

զաղափարի տակ, մենք հասկանում ենք էթերի էլեկտրամագնիսական ծածանումները, լայնքով եւ յաճախումներով իրարից տարբեր լոյսի ալիքներ: Գոյնի զգայութիւն առաջ բերող գրգիռը լոյսն է, աւելի ճիշդ՝ էրա թրթռացումը: Լոյսի վէտիտումը մինչեւ մեր տեսանելիքին հասնելը, զուտ նիւթական մի իրազարձութիւն է: Գրգիռի՝ զգայարանից մինչեւ ուղեղ փոխանցումը, նմանապէս նիւթական իրազարձութիւն է, որովհետեւ եւ ներդրանի ուղիով թաւալող հոսանքը, որ ծանօթ է բնաստներին, իբրեւ կենսաէլեկտրաքիմիական էլեկտրութիւն, նոյնպէս նիւթական, Ֆիզիկ իրազարձութիւն է: Իսկ զրգիռի ներգործութիւնով առաջացածը ուղեղում, ի՞նչպիսի իրազարձութիւն է, որ զգայութիւն է գոյացնում եւ զգայութիւնն էլ «գիտակցութեան փաստի» է փոխակերպում: Գրգիռը իբրեւ էնէրգիա, նիւթական ձեւ, գիտակցական էնէրգիայի չի կարող փոխակերպուել, ինչպէս շարժումը լոյսի, ուժի, էլեկտրականութեան: էնէրգիայի արտայայտութիւնները պայմանաւորուած են տարածական ընթացակերպով, մինչ գիտակցութիւնը, հոգեկանը՝ ոչ մի առնչութիւն ունի տարածութեան հետ, այլ հասկանալի է միայն ժամանակի ձեւով: էնէրգիայի փոխակերպութեան օրէնքի համաձայն, շարժումը կը վերածուի էլեկտրականութեան եւ փոխազարձարար էլեկտրականութիւնն էլ՝ շարժումի: Եթէ գիտակցութիւնը փոխակերպուել է Ֆիզիկ էնէրգիայից, ապա ուրեմն մակարեւելի է, թէ գիտակցութիւնը եւ կարելի է փոխակերպել էնէրգիայի: Մի ենթադրութիւն, որ անհեթեթութիւն է:

Նիւթապարտական գիտելիտիկի համար, սա մի առեղծուած է, որի քովից նա անցնում է շմամ ժուլի նման: Կան մի քանի մարքսիստներ, որոնք ջանացել են թնձուկը քակել, բայց փոխանակ խնդիրը աւելի յստակացնելու, միջբնուել են մանուածապատ բուրդի մէջ:

Լենինի փայլուն եւ հաստատիւմ ա-

շակերտներից մին, մեծանուն տեսարան վ. Պոպնի գաւանում է, որ զգայութիւն ատակութիւնը բարձրագոյն գործանաւոր նիւթի յատկութիւն է, սակայն անզոր ծան նիւթը եւս ունի իր ներքին վիճակները: (Դիալեկտիկ Մատեր., էջ 46): Պիտանովն էլ նոյն միտքը յայտնած է, ասելով թէ նիւթը շնչաւոր էութիւն է: Վ. Պոպնի բուռն յարձակում է գործում ն. Պիտանովի վրայ, նրան ուզեպաշտ յորըրըջելով, իսկ իր յորգարուիս հեպումն է յայտնում նա իր ուսուցիչին, Լենինին, որ պնդում է, թէ մինչեւ իսկ անզործան նիւթը ունի իր ներքին վիճակները՝ համանման զգայութեան: Ուրեմն ըստ բոլոր տեսակի մարքսիստների, արտաքին աշխարհի բոլոր իրերն ու առարկաները, հող, քար կամ փայտ՝ օժտուած են զգայութիւն կարողութիւնով, թէկուզ ամենազոյգն չափով:

Մի այլ մարքսիստ փիլիսոփայ, Բ. Բրոտովսկի, հեղինակը «Մի Ուրուադիք Դիալեկտիկ փիլիսոփայութեան» հանրածանօթ հատորին, նմանապէս ընդունում է, որ գիտակցութիւնը ճնիւթի ներքին վիճակն է: Եւ անմիջապէս հարց է առլիս.՝ նիւթի եւ գիտակցութեան միջեւ զոյութիւն ունեցող յարաբերութիւնը ի՞նչ բնոյթ է կրում: Կարելի՞ է սսել, թէ գիտակցութիւնը որոշապրում է նիւթական պրոցեսներով, ե թէ նիւթը ներգործելով գիտակցութեան վրայ, ներանում փոփոխութիւններ է առաջացնում: Եւ սակայն յարում է բառացի.՝ «Միայն նիւթական փոփոխութիւնն է, որ նիւթական փոփոխութիւններ կարող է առաջ բերել»: (Տեւ էջ 83-84): Ուրեմն գիտակցութիւնը չի կարող նիւթական յեղումներ պատճառել: Մա մի ուրիշ անհեթեթութիւն է: Իր միտքերի ակնբախ հակասութիւնը աւելի ցցուն զարձնելով, աւելացնում է, որ «նիւթը եւ գիտակցութիւնը այլամէն իրականութիւններ չեն»:

Թողնելով մէկ կողմ մարքսիստների իրերամերժ հակասութիւնները, արանջ բոլորն էլ միաձայնարար հաստատում

են, որ թէ՛ անդորձան և թէ՛ գործանաւոր նիւթը զգայելու կարողութիւն ունին, մի ստեղծարար գորութիւն՝ նիւթի-ղէնը հոգեկանի փոխակերպելու:

Արդ Հարց է ծագում: Տիեզերական ստեղծարար սկզբունքը, որ կարողութիւն ունի հոգեկան վիճակներ գոյացընելու, բայց անկարող է այդ հոգեկանը նիւթականի դարձնելու, ի՞նչ հիմունքով մարքսիզմը այդ ստեղծարար սկզբունքը կոչում է նիւթ:

Այժմ քննենք մարքսիզմի զուտ իմացաբանական տեսութիւնը:

Մարքսիստ իմացաբանութեան հիմնադիրը ոչ թէ Մարքսն է, այլ Յ. Էնգելսը:

Էնգելսի տեսութեամբ, զգայութիւնը արտաքին աշխարհի պատկերն է, այսինքնն պատճէնն է, հայելիական արտացոլումն է (Abbild, Spiegelbild): Ո՞րն է փաստը այս յայտարարութիւնը հաստատող: Լենինը մէջբերելով Էնգելսի հաստատումը, ասում է, զորովհետեւ զգայութիւնը համաձայնում եւ համապատասխանում է մեզինքս գուրս գտնուող իրականութեան: Մա զոհարացիչ չի կարող համարուել, որովհետեւ կրկնաբանութիւն է, tautology:

Ն. Պլեխանովը, որ միակ հին մարքսիստն է՝ իմաստասիրական խոր մշակոյթի տէր մտածող, բացարձակապէս մերժում է այս: Չզայութիւնները նա նկատում է մի տեսակ «սեպագիր», նըշանակ, սիմվոլ արտաքին իրերի: Թէ Էնգելսը եւ թէ մանաւանդ Լենինը բուռն ոճով մերժում են սիմվոլ, սեպագիր լինելու վարկածը եւ պնդում են զգայութեան արտաքին իրի պատճէնը, պատկերը, արտացոլումը լինելը: (Լենին, Մատերիալիզմ եւ Խմայիր. էջ 195):

Արտաքին աշխարհում գոյն գոյութիւն չունի, այլ միայն եթերի թրթրաւացում: Մի պահ եթէ ընդունենք, որ զգայութիւնը պատճէն է, ապա ուրեմն սպասելի է, որ զգայութիւնը լինի ոչ թէ գոյն՝ բոլորովին անգոյ մի բան, այլ թրթրաւացում:

Լենինը ասում է, թէ զգայութիւնը գիտակցութեան ամենատարրական ձեւն է: Եթէ գիտակցութիւնը անմիջորէն որսում, ընկալում է արտաքին աշխարհի իրերը, ապա պատճէնաւորումի, արտացոլումի հարկ չկայ: Իսկ եթէ արտաքին աշխարհի իրը գիտակցութիւնից գուրս է, ապա ուրեմն նրա պատճէնաւորումը անկարելի է: Կարելի՞ է, որ լուսանկարչական գործիքը նկարահանի մի բան, որ գործիքի տեսողաշտից գուրս է զըտնըւում: Ի՞նչ կէտէ, ս՛չ:

Հարց է նաեւ, թէ ի՞նչն է, որ տեսնում ենք, զի՞րքը թէ գրքի պատճէնը, արտացոլումը: Ի՞նչպէ, արտացոլումի վարկածն էլ յաջող մտայղացք չէ: Արտացոլումը ճիշդ իսկականը չի կարող լինել արտաքին իրին, որովհետեւ հայելին մարդու աջ կողմը միշտ ձախ է արտացոլում:

Լենինը պնդում է, թէ զգայութիւնը ենթակայական արտացոլումն է առարկայական իրականութեան, իրերի եւ երեւոյթների: Ի՞նչպէս կարելի է ստուգել եւ փաստել այդ: Այդ գործողութիւնը կատարելու համար, մենք միաժամանակ պէտք է գիտարկենք բնատիպը (original) եւ նրա պատճէնը, եւ ուղղակի բաղդատենք այս երկուքը, երեւան հանելու եւ ճշդելու երկուքի նմանութեան յատկանիշները, ինչպէս բաղդատում ենք նկարը կամ արձանը՝ իրեն ներկայացնող մարդու հետ:

Յետոյ, անհեթեթութիւն չէ՞ պընդել, թէ մէկի հոգեկան ապրումը, յոյզերն ու փափաքները, պատճէնաւորում են մի ուրիշի կողմից: Ի՞նչ կը լինէր մարդկային ճակատագիրը, եթէ նա իսկապէս ապրէր ուրիշ տառապանքը, նոյնութեամբ զգար ուրիշ մարմնական ցաւը, իր խորութիւնով եւ սաստկութիւնով:

Ըստ Լենինի իմացաբանական ըմբռնումին, մարդկային իմացումը բաղկացած է զգայութիւններից, իսկ զգայութիւնները մեղ զաղափար են տալիս իրերի յատկութիւնների մասին: Եւ ա-

ւելացնում է:— Մարդը զգայարանների միջոցով արտացոլում է ոչ միայն իրենի առանձին յատկութիւնները, այլևս իրերը իրենց յատկութիւնների միասնութիւնով: Ինչպէս իրերի յարաբերութիւնը եւ նրանց պատճառական առնչութիւնն ու կերպարումը, նոյնպէս յատկութիւնների միասնութիւնը զգայութիւն չէ: Ոչ բանաւոր է եւ ոչ էլ արբամարանական՝ ասել, թէ քանի որ ոսկեգրովի գեղարվեստը տեսանելիքով ենք զգայում, կարծրութիւնը՝ շոշափելիքով եւ պալլութիւնը՝ մորթով եւ հորեք յատկութիւնները զգայութիւններ են, հետեւաբար այս երեք յատկութիւնների միասնութիւնը մի շորթորդ զգայութիւն է: Այս վերջինը ոչ թէ զգայութիւն է, այլ մտային ինքնուրոյն մի գործողութիւն՝ որ կոչւում է ընկալում (perception):

Ուսկի՞ց է ծագում մարքսիստ իմացարանութեան սխալանքը:

Հիմնական սխալը կայանում է նրա մէջ, որ Լենինը բաւարար չափով ուսումնասիրած չէ հոգեբանութիւնը եւ անտեսել է գիտակցութեան բաղկացուցիչ տարրերի յարաբերութիւններն ու փոխազդեցութիւնները: Լենինն ասում է, թէ զգայութիւն, մտածում, գիտակցութիւն՝ բարձրագոյն արդիւնքն են մի որոշ կերպով կազմակերպւած նիւթի այս է նիւթապաշտութեան ուսմունքը ընդհանրապէս եւ Մարքս-էնգելսի գաւանդը մասնաւորապէս: (Տե՛ս Մատեր. եւ Իմպիր. էջ 34): Այս մէջըրբումը բացայայտում է Լենինի անտեղեկութիւնը հոգեբանական հարցերին, որի հետեւանքով շփոթ պոյացած է նրա մտածողութեան մէջ:

Զգայութիւն, մտածում, գիտակցութիւն՝ տարբեր են թէ իրենց իմաստով, թէ բովանդակութեամբ եւ թէ կազմաւորման ու արտայայտութեան ընթացակերպով:

Անենք ձայնի զգայութիւնը, իբրեւ մտքի մտիկ օրինակ: Անօրեայ կեանքում, մենք տեւաբար զգայում ենք բազմ-

մահազար ձայներ: Զգայում ենք ոչ միայն արթուն վիճակում, այլևս քունի միջոցին: Մեզ համար այդ ձայները մընում են իբրեւ չստուած զգայութիւններ: Նրանք չեն զարգանում, որովհետեւ մենք չանտարբեր ենք նրանց հանդէպ, մեր ուշադրութիւնը չենք սեւեռում նրանց վրայ: Զայնը ինքնիրանով գոյութիւն ունի, իբրեւ հում նիւթ, քանի դեռ մենք նրանով չահազրկուած չենք: Շահադրգուեւի նշանակում է լիւնելութեան ենթարկել ձայնի զգայութիւնը: Այդ գործողութեան նախաձեռնարկը միտքն է, որ ընկալումով գիտակ է զանում ձայնին: Ակնառու մի հանգամանք է այն իրողութիւնը, որ ձայնը ընկալելով, ձայնը ոչ մի փոփոխութեան չի ենթարկւում, նա մնում է այն՝ ինչ որ էր ընկալումից առաջ: Փոփոխութիւն կատարւում է մեր մէջ, մարդու մտքի մէջ, ձայնը ներմուծելով գիտակցութեան բնագաւառը: Զայնին գիտակ լինել գեռ չի նշանակում ճանաչել այդ, իմացումի հասնել: Այդ կը կատարուի ներքին հոլովոյթով, իրադարձութիւններով, ուր զգացումն ու կամէութիւնը անխուսափելի կերպով իրենց մասնակցութիւնը ունեն:

Ընկալումը զխաւորաբար կատարւում է դատողութեան նպատակով: Զգայութիւնը իր առանձին վիճակում, առանց մտային միջամտութեան, գառնում է անտարբեր գոյութիւն: Օրինակի համար. երբ գիտակ ենք լինում կարմիր գոյնի, ճարճադման ձայնի եւ ջերմութեան զգայութիւններին, մեր միտքը գատողութեան ուղիով որոնում է ձայնի ուղղութիւնը, ճարճատումը պայմանաւորող պատճառը, համեմատում է ըզգայումս ջերմութեան սաստկութիւնը եւ այլն, եւ եզրակացնում է, որ կրակի կայ: Ոչ միայն այդ, այլևս այդ կրակի բոլոր հանգամանքները եւ այդ առիթով իր ապրումները, յոյզերն ու գործելու, մի բան անելու ձգտումը կեանքի կոչւում են:

Զգայութիւնը յայտնապէս մարդու

մտային վիճակից տարբեր մի բան է: Կրակը զգայութիւնների շի վերածում: Կրակի մտապատկերը ինձ չի ջերմացընում, երբ ցրտից դողում եմ: Համարումս մի մտապատկերը ինձ չի կերակրում, համն ու հոտը չեմ զգում, երբ անօթի եւ քաղցած եմ: Ակներև է, որ թէպէտ միտքը որոշ յարաբերութիւն ունի իրենի հետ, սակայն մտքի յարաբերութիւնը տարբեր է ընկալում իրի եւ պատկերացում իրի հետ:

Մարքսիստ իմացարանութիւնը նոյնացնում է մտային եւ գիտակցական վիճակները, որոշ չի գանազանում գիտակցական, անգիտակցական եւ ենթագիտակցական աշխարհները եւ այդ պատճառով իսկ նկատելի է լիօթը, հակացողութիւնների տարտամութիւնը եւ զազափարների հակասութիւնը, իմացարանական հարցի պարզարանութեան շուրջ:

Նիւթապաշտական գիտելիտիկը յաւակնում է վերանցած լինելու մեքենական կրաւորական տեսութիւնը: Մինչդեռ Լենինը իր մեկնաբանութիւններով յենում է մեքենական տեսութեան: Նա պաշտպանում է այն տեսակէտը, թէ ըզգայութիւնը եւ մտային վիճակները արգիւնքն են շարժումի մեքենական ընթացակերպին, որ թաւալում է զգայարաններում եւ մարդկային ուղեղում: Լենինը զգում է իր անպաշտպանելիութիւնը եւ ձերբազատուելու համար մեկազրանքից, ընկնում է հակառակ ծայրայեղութեան, յայտարարելով, որ «զգայութիւնը շարժուող նիւթի յատկութիւններից մէկն է»: Եզորչին, Լենինի ուղղափառ հետեւորդներից մին, հաստատում է, թէ «նիւթը օժտուած է ստեղծարար մի կարողութիւնով: Նա իր յատկութիւնները չի ստանում հոգիից (spirit), ընդհակառակն զօրութիւնն ունի ստեղծելու դրանք, մինչեւ իսկ հոգին»:

Նիւթական ընթացակերպով, իրերի

արտացոլումով, ըստ Լենինի, այդ նիւթական ընթացակերպի մասին գիտութիւնն ենք ձեռք բերում: Մարքսիստ վարդապետութիւնն էլ այդ կերպով ձեռք բերում է: Սա մեքենական բացատրութիւն է, որ գիտելիտիկով անպաշտպանելի է: Սխալը նրանումն է, որ Լենինը նկատի չի ունենում, որ մարդու հոգեկան կեանքի գլխաւոր ստանցքը զգայական եւ կամէական պրոցեսներն են, որոնք պատճէններ եւ արտացոլումներ չեն կարող լինել:

Մարքսիստ այն կարեւոր տեսութիւնը, թէ միտքը ազգում է նիւթական պրոցեսների վրայ եւ վերափոխում է աշխարհն ու ընկերութիւնը, անցեալից բոլորովին տարբեր մի նոր ընկերութիւն եւ մարդ է ստեղծում, անհերքելի ապացոյց է, որ մարքսիզմը նիւթապաշտութիւնն չէ: Եւ այն հաստատումը թէ զգայութիւնը նիւթի ներակայ (immanent) յատկութիւնն է, մարքսիզմը կ'առաջնորդի դէպի զգայապաշտութիւն:

Հետագայ մեր բացատրութիւններով բացորոշ պիտի դառնայ, որ մարքսիզմը հետեւողականութիւնից զուրկ, մտածողական սխտեմ չունեցող, բռնազրօսիկ մի ուսմունք է, որ պարտեական որոշումների եւ հրամանադրերի ներգործութեամբ, դառել է քարացած մի դողմաս:

Սրա պատճառը այն մտասեւեռումն ու մտատանջութիւնն է, որ տիրում է մարքսիստների մէջ, ամէն գնով ապաւինել զազափարապաշտութիւնը, որ համարում է դրամատիրական դասակարգի զազափարաբանութիւնը: Իսկ սցոնկերպով բացայայտում է Լենինի բանափէճերում, ուր նա լուստանքներով պատասխանում է իր հակառակորդներին, զազափարապաշտութիւնը նկատելով մահացու մեղք:

ԵՐ. ԽԱԹԱՆԱԽԵԱՆ

(3)

Կ Ո Ր Ի Ի Ն Մ Կ Ր Տ Ի Չ Ե Ա Ն

ՔՆԱՐԵՐԳԱԿԱՆ ՔԵՐԹՈՒԱԾՆԵՐ

Գրեց՝ Մ. ՊԱՐՍԱՄԵԱՆ

Կորիւն Մկրտչեանի մահէն երեք ամիս առաջ 3 Յուլիս 1892-ին գրուած փոքրիկ զերթուած մը ունինք, որուն վերջաւորութիւնը, երեք տող, շա՛տ յաղկանշական է եւ ցոյց կու տայ զերթոյին յոռետես արամազբութիւնը, որ սիրոյ նուիրուած բոլոր զերթուածներուն գրողը կը կազմէ ընդհանրապէս: Փոխանակ այդ երեք տողին, մենք մէջ պիտի բերենք ամբողջութիւնը, վերնադէրը՝ եռատող մը—

«Եւ յուսահատ սիրտն ալեկոծ, երերուն, Այս աշխարհի սուր մետրէն վերաւար Կերթար տխուր՝ քողած կեանց իր գարուն:

Աչքերը լիք արտասաւառով, ինքն անյայտ, Վեր կը մայրէր, արեւն անշող իւր աչքին, Մութ ամէն բան, սեւ ամէն ինչ մաղձա- յայզ:

Եւ կ'երգէր նա, կ'երգէր տխուր, բայց անգինն,

Արշալոյսի շողեր ցօղի փոխանակ Մազկանց կու տար ազի ցօղեր իւր աչքին:

— «Մայր իմ ինչո՞ւ այսքան քշուառ ծը- նար զիս-

Հոգմիկ, ինչո՞ւ այդպէս արագ մղես զիս,

Երբիմ, ինչո՞ւ այդքան շուտով ծածկես զիս»:

Մահուան նախազգացումը ունեցող զերթողը, իր մօրը կ'ուզէ ամէնէն առաջ իր ինչուն, որ զինքը թշուառ ծնած է: Նրկորդ հարցումը հողմին է, որ զինքը առաջ կը մղէ, դէպի Գերեզման, դէպի անյայտ հեռաւորը: Եւ բնականաբար վերջին հարցումը շիրիմին ուղղուած է, որ զինքը ա՛յնքան շուտով, կը ծածկէ:

Մանօթ ենք արդէն ուրիշ մէկ զերթուածին եւս, երբ «Մերձ ի մահ» խորագրով երկու քառեակով կ'ողբայ իր վիշտը, տեսակ մը տխուր համակերպութեամբ: Այս երկու քառեակները, իրենց հոգեցունց շեշտով, Մանասարեանի նախկին սաներուն կողմէ յանախ կրկնուած ու արտասանուած են, այն սաներուն կողմէ մասնաւորաբար, որոնք զինքը ճանչցած, իրմէ դասեր առած, եւ յանկարծ, աշակերտի իրենց աչքերուն տուէւ, համակ կեանք ու արեւ շնչող երիտասարդի մը մահանալը կը տեսնէին: Ահաւասիկ այդ քառեակները—

«Աշնան չորքստ տերնի պէս Հովիկ գայն ալ պոկեց, տարաւ... Դեռ չբացուած վարդը կոկոն վազածումուն քառամեցաւ...: Խոր գերեզման մը փորեցին, լացող չեզու անոր վրան,

Մնձ. — Մ. Պարսամեանի նախորդ թիւի յոգուածին մէջ սպլոյած են տպագրական երկու կարծեր սխալներ, զորս պէտք է ջնջել հետեւեալ ձեւով. — էջ 48, Ա. Սիւնակ վարէն վեր 4րդ տողին մէջ Վեցամեայ պիտի բլլայ վեցամեայ:

էջ 47 Բ. սիւնակ, վարէն վեր 4րդ տող, 1913-ին Համաստեղ Մարտէյ այցելեց, պիտի բլլայ 1931-ին:

Սիրոյ համար ծրեած հագին.
Անւեր իբաւ ի գերեզման...»:

Բայց մեր տրամադրութեան տակ
քերթուածներ ունինք, որոնք կասկած
չեն ձգեր, որ վաղամեռիկ բանաստեղծն
ալ ունեցած է իր սէրը, միացող սէրը,
առանց սեւէ մէկուն խոստովանելու:
Մանաւանդ ունինք քանի մը քերթուած-
ներ, որոնք յայտնի անունի մը ձօնուած
են, եւ այսօր առանց կասկածի կրնանք
ըսել թէ ո՞վ է եղած իր սիրոյ առար-
կան, իր պաշտելի դէմքը: Ատկէ զատ,
Սանասարեանի ներքին կեանքին կապուած
կրնե՞րու ուղղուած են նաև որոշ քերթը-
ւածներ: Բայց մէկը, որուն ակնարկու-
թիւնը բրինջ շատ բացորոշ է: Եթէ շատե-
րուն անունները տուած չէ, զգուշացած
է, գաւառացի երիտասարդի ամօթխա-
ծութեան հետեանքով, այս մէկը իր
օրակն դաղանիքը երեւան կը հանէ, իր
խկ խոստովանութեամբ, քանի որ ծա-
նօթ անունի մը նուիրուած քերթուած
մըն է: Ստնասարեան վարժարանի աե-
տուչներէն Սարգիս Սողիկեանի կինը կը
կրչուէր Սաթենիկ, համակրելի, կնոջա-
կան գեղեցկութեամբ եւ երիտասարդա-
կան վստովութեամբ տողորուած անձ
մը: Կորիւն Մկրտչեան «Առ շնորհագարդ
Ս. Ս. Ս.», այսինքն՝ Սաթենիկ Սարգիս
Սողիկեանին ուղղուած են հետեւեալ տո-
ղերը, որոնք զսանեւթեց տարեկան երի-
տասարդին հոգիին կայծը կը մարեն. —

«Քեզ ես կը պարտիմ այս փուռը ծագ-
կանց,

Քո շնչով նոճա փթթեցան յաւաթի,
Ռուսի քեզ նուէր կու տամ ես սրտանց,
Թէպէտ չլինի մաեւ փուռը մը վարդի:

Կ'աղայնւմ, դու իսկ սիրով ընդունէ,
Դիր հետ այն ծագկանց որ քո վարսերուն
Ուրիշներ առատ քափեցին ինձմէ,
Ժողոված մայիսեան դաշտերէն սիրուն»:

Ուրիշ քերթուած մը այս անգամ
«Առ Մայրն», անծանօթ տիկինին ուղ-
ղուած, շատ հաւանականաբար դարձեալ
տիկին Ս. Ս. Ս. է, ուր կը կարդանք. —

«Քո այդ սիրաշաղ գթոս աչերէն,
Կեանց այս ցուրտիմ բոցեր կը ցումն,
Ո՛վ մայր Գթուրեան:

Սուս կը գգամ գայն, կը տաճայ հա-
գիս,
Զմայլմամբ մ'աննառ կը պատէ ինձ
միշտ,

Ճրուելով իմ վիշտ:
Ա՛յո ամայր որդուն, որուն կեանք դեռ
Ձր ծագեց արեւ, դու ցոյս' սիրուն,
Մայր, սիրովդ անհուն»:

Իր պաշտամունքին առարկան ծլած
անուշարոյր ծաղիկի մը խորհրդանշանն
է: Հակառակ անոր որ երկնքի շողշողուն
աստղերը ակնապիշ զմայլանքով կը դի-
տէ, բայց իր սիրելիին պէս շողշողուն
եւ անչէջ աստղիկ մը չի դիմաւորեր:
Ուրիշ առթիւ արշալոյսին սուկին կը
բաղդուտէ իր սիրելիին փայլին ու շե-
լութեան հետ, կը վախճայ սակայն, որ
բոցերը կը մբրկին ու կ'այրեն աշխար-
հը: Բանաստեղծը սիրահար է թուիս աչ-
քերու եւ զաղցրիկ լեզուի, որոնց հա-
ւատարմութիւնը կը փնտռէ: Իսկ եթէ
ուխտադրուծ լինի այդ հակը, ուրիշ
բան չի ցանկար, բայց եթէ խոր դերեզ-
մանի մը մէջ գետեղեն իր մարմինը, հող
լեցուի վրան, եւ առտու իրիկուն ան-
ցուդարձ ընեն անոր ջողէն:

Կորիւն Մկրտչեանի սէրերը պղա-
տոնական եղած են անտարակոյս, նոյն-
իսկ «Շնորհագարդ առ Ս. Ս. Ս.»-ին ուղ-
ղուած տողերը: Դժուար է ըսել դարձ-
եալ, որ երբ բանաստեղծը յանդգնութիւ-
նը չէ ունեցած իր սէրերը խոստովանե-
լու, իր սիրոյ առարկաները, անձերը,
իրենց կողմէ յայտնած են իրենց սրտին
բարսխումները, խոստովանած են ի-
րենց սէրերը: Մեր գրականութեան մէջ
բանաստեղծ վահան թէքէսանէն քերթը-
ւած մը ունինք, որ նման իրողութիւն-
ներու խոսացումն է, կամ խոստովանու-
թիւնը եւ մեկնութիւնը. —

«Ես սիրեցի, բայց ոչ ոք
Սիրածներէս գիտցաւ քէ՛»

Ջիւնէր ռ'րքան սիրեցի... :
 Ո՞վ կարողալ սիրտը գիտի
 Ամէնէն մեծ երեսունգինս,
 Ամէնէն ուր վիշտերուս,
 Ներշնչողները, աւագ,
 Ձիւ շին ցանցնար այս պահուս :

Ճ

Ուրեմն անձանօթ սիրելիին ուղղուած են շարք մը գերթուածներ, որոնց մէջ ենթակային արտաքինը կը փառարանուի : Ան կը սիրէ իր սիրելին, եթէ ան նոյնիսկ ուրիշն սէր կը խոստանայ : Կտոր մը սէր կ'ազալէ, որովհետեւ չ'ուզեր աշխարհէն անսէր մեկնիլ : Ամէնէն դառն վիճակը, որուն կրնայ ենթարկուիլ տեւէ էակ աշխարհի մէջ : Սիրով կ'ուզէ բաժնուիլ այս աշխարհէն, երբ զինքն ալ սիրած են : Հետեւաբար՝ կարօտով չէ որ աշխարհէն պիտի բաժնուի :

Երկու անգամ իր սիրածը Զիւլֆիսա կ'անուանէ, անոր ուղղելով կարօտալից տողեր : Դարմանելու համար լեռներով բաժնուած անհուն կուրծքը, կը բաղձայ չողիկ դառնալ եւ անչէլ կարօտով լանջի մը վրայ շնչել : Մովբերու անջրպետը զրաւելու համար խօսող թոշուն դառնալ կը փափաքի : Արծիւի աչքերով ամէն կողմ կը շրջի, եւ Զիւլֆիսային շողշող աչքերուն նման արեւի շի հանդիպիր, գարնան ծաղկալից եւ զուարթ դաշտերն ալ իր հորեզոնն ընտրելով :

Կորին Մկրտչեանի գերթուածները, գրեթէ ամբողջութեամբ, այն էջերը, որոնք մեր քննութեան նիւթը կը կազմեն, գերազանցապէս քնարերգական են, որոնց նիւթը, ներքին վիշտը եւ յուսախաբութիւնը կը կազմեն : Կը վախնայ որ արհամարհանքի պիտի արժանանայ եւ իր զեղուն յոյսերը պիտի խորտակուին, որովհետեւ դառն է, երբ կը զգայ թէ ուրիշ մը սէր կը խոստանան : Որովհետեւ կ'ողբայ :—

«Աշխարհն ինձ լոյ պարգեւեց վշտեր,
 Սիրոյ արշալոյս չծագեց երբե՛ք,
 Փակեց դիմացս սիրագիւղ սրտեր,
 Հոգիս մնաց միշտ տխուր, վշտաքիկ :

Ու այն ժպիտն ալ, այն դառն համբոյր,
 Նախ քոյն տուին մառուկ շրթներուս :
 Կեանքն ինձ մերժեց վայելք ու հրապոյր,
 Զմեռ, միշտ ծննա քոզ տիրէ հոգուս :

Այս գերթուածին խորագիրն է «Ձկայ ինձ գարուն» գրուած՝ 2 Փետր. 1889 : Որուն կը յաջորդեն նոյնքան մոայտ տողեր, այս անգամ «Թող փչեն հողմեր» վերնադրով գերթուածի մը մէջ, որուն վերջաւորութեան քառեակն է—

«Անյայտ վատած, տխուր այս կեանքէս
 Արեւս պատուած է մութ ամպերով,
 Թէ ինձ դու պայծառ մի լոյս չը ծագես՝
 Շուտով կը ծածկեն զիս ցուրտ հոգե-
 րով» :
 գրուած՝ 1888 Մայիս 30 :

Կարդալով այս տողերը եւ նկատի առնելով իր մահուան թուականը 1892, կը տարուինք խորհելու, որ թէեւ տարաբախտ բանաստեղծը քօլերայի զոհ դացած է, յուսախոր սիրոյ մըն ալ զոհը կրնայ եղած ըլլալ եւ վարակուած՝ թոքախտէ :

Պետրոս Դուրեանի շատ ծանօթ «Տրտունջ» ժամանակակից, մեր բանաստեղծն ունի «Ներէ ինձ, Աստուած» բառական երկարաշունչ գերթուած մը : Դժբախտարար թուական մը չունինք վերջաւորութեան : Փոխանակ ամբողջ գերթուածը տալու, պիտի փորձեմ բովանդակութիւնը տալ, բողոքատելու համար «Տրտունջ» չեղինակին հետ, երբ մէկը բարոտ սգին, դառնութիւնը, զժգոհութիւնը կը յայտնէ, իսկ միւսը՝ իր մարդկային ճակատագրին վիճակուած համակերպութիւնը, «Ներէ՛ ինձ, Աստուած» ողբերգելով :

Գիտէ թէ ատելութեան բոցը կրնայ բորբոքած ըլլալ իր կուրծքին տակ, որուն համար ներէ՛ կը դռնէ : Եթէ սիրած ենթակային ճակատը զժոխքի բոցէ պըսակ ոլորեմ, ինչպէս նաեւ օծելով գեղեցիկ հիւսակ մը՝ դարձեալ ներէ : Զեռքով սիրոյ վարդ մը դրօշմած է լան-

Չազեղ կուրծքին, սիրէ նենգող սրտին
փուշ ու տատակով եւ արիւնով ներկած
փունջ մը փնջեմ, դարձեալ ներէ: Կըբ-
նայ պտտահիլ որ անարգանքի սերմեր
սերմանէ կրծքին տակ, փոխանակ մազ-
ձի: Եւ իբրեւ վերջաւորութիւն՝
«Ի՞նչ պէտք է այն արեւ, որ շողեր չի

տար,

Յամբի այն ազրիւր, որ մահ կը շնչէ,
Անհետ թող կորչի այն սիրտն օտար
Որ սուրբ երկնայիմ սիրոյ կայան չէ:

Ներլ՝ իմն, Աստուած, թող ատելութեան
Բողը բորբոսէ կործին յաւիտեան.
Թող ամարգամբի ծաղիկներն ամիմ
Ու զան զարգարեմ՝ թեւերն իմ յաչիմ»:



Համակերպութիւնն էւ հոգեկան խա-
ղաղութենէն հաջ, ինչ որ ընդհանրա-
պէս իմաստուններուն յատուկ է, վեր-
ջին անգամ նորէն կը փորձեն այցելել
իբենց սիրոյ ենթակային, հոգ չէ եթէ
նոյնիսկ երազներով ապրին: Այլքերուն
բանաստեղծութիւնն ու հրապոյրը գե-
րազանց զերթուած են, մանաւանդ հուր
աչքերը, որոնք կը զգլխեն սիրահար հո-
գին: Նոյնպէս շրթունքներուն համրոյրը
աւելի քան բանաստեղծական է, որմէ
զուրկ մնաց միշտ մեր բանաստեղծը:
Փոքրիկ զերթուած մը ունի ան, ուր սո-
խակին երգը եւ վարդերուն անուշ բոյ-
րը կարօտով կ'ողկոչուին: Մեր բա-
նաստեղծը ետասկր չէ երբեք: Եթէ օր
մը սիրտը բորբոսէ եւ սէրը, փոթորկած
ծովու մը պէս յուզէ սիրաբ մըրկավարը,
եթէ հին վիշտերն ու հին սէրերը մոռ-
նամ եւ նորերը յայտնուին, անոնք թե-
զի համար թող փայլեն, կ'ըսէ, իսկ եթէ
սէրը ինծի այցելել չուզէ այս աշխար-
հին մէջ եւ փուշն ու տատակը սիրտը
վիրաւորեն, պաշտելի երազներուն հո-
գիով սաւառնիլ կ'ուզէ եւ անոնց ջով իր
շիրիմը ընտրել: Իր վերջին գանկութիւ-
նը՝ կեանքի մէջ պաշտելի մը ունեցած
չըլլալուն համար:

ԱՐՈՒԵՍ, ԼԵՁՈՒ, ՈՅ, ԳՐԱՐԱՐ

ԲԱՅԱՏՐՈՒԹԻՒՆՆԵՐ

Նկատի ունենալով Գլորգեան ձե-
մարանին մէջ ստացած կրթութիւնը եւ
ժամանակակից արեւելահայ գրագէտ-
ներն ու Գրականութեան ընդհանուր
յատկանիշները, ենթադրելի պիտի տա-
սին, թէ Կորիւն Մկրտչեանի բանաս-
տեղծական արուեստը նոյն ազգեցու-
թեան տակ կազմուած է եւ նոյն ազ-
բիւրներէն ռոտզուած է: Այդպէս չէ ի-
րականութիւնը բարեբախտաբար:

Ի՞նչ կը ներկայացնէր արեւելահայ
գրականութիւնը 1880-1890 թուական-
ներուն, ուր կազմուած ու խմորուած
են մեր բանաստեղծին արուեստն ու գը-
րականութիւնը, մասնաւորաբար այն
վեց տարիներուն, մինչեւ 1892 իր մահը,
Էրր Սանասարեան վարժարանին մէջ հա-
յերէնի եւ հայ գրականութեան ուսուցիչ
նշանակուեցաւ, արեւմտահայ գրակա-
նութեան ու գրագէտներու հետեւեցաւ,
եւ երբ ստեղծագործեց իր ջնարկագու-
թիւնը, արժակ գրականութիւնը եւ
թարգմանութիւնները տուաւ:

Յիշուած թուականներուն արեւելա-
հայ գրականութեան մէջ յայտնի գէմ-
քեր էին բանաստեղծներ Քամատ Բա-
թիպա, Մարաա Շահազիզ, Մ. Նալ-
պանտեան...:

Եւ արձակագիրներ՝ վիպագիր Բաֆֆի.
(նկատի առնել Ռուսահայ գրականու-
թիւնը՝ Լէօի, արձանագրելու համար
քանի մը իրողութիւններ):

Գերմաներէն լեզուին եւ հանճարեղ,
դասական գրողներու գործին հետ ունե-
ցած ընտանութիւնը եւ մտնկավարժա-
կան գրականութեան ծանօթութիւնները
կ. Մկրտչեանին մտքի զարգացման եւ
բանաստեղծութիւններուն տուած էին
մ'չ միայն լրջութիւնը, այլեւ խորու-
թիւնը, մարդկայնական մտածողութիւ-
նը: Աւննով այդ ազբիւրէն ինչ որ իր
խառնուածքին եւ ցեղային տրամադրու-

Թիւններուն կը պատշաճէր, բնականէն ներհակ մտածողութիւն մը ունենալով ինչ որ խորհրդապաշտութիւնէն կու գար իրեն, պահեց ան իր գրական ձեռնարկներուն մէջ յատկութիւն, պարզութիւն, եւ մանաւանդ հայկականութիւն:

Մեր յիշած հեղինակներուն մէջ Ղըրարարի շատ հետքեր կան, բառեր, բացատրութիւններ ու ոճեր: Կ. Մկրտչեան արեւմտահայ աշխարհագրական մըն էր, առաջին օրէն, եւ մանաւանդ ժողովրդական ձեւերու եւ արտայայտութիւններուն ներկայացուցիչ մը այն թուականներուն երբ տասնակ մը տարիներ առաջ արդէն Գար. Եպ. Սրուանձտեան կենդանի մէկ ներկայացուցիչը կը մնար, դառնալով ազգազրահան-բանասիրական դպրոցի մը վաւերական առաջին ներկայացուցիչը: Մեր բանաստեղծէն բազմաթիւ օրինակներ տալու ի վիճակի պիտի ըլլայինք, երբ իր ամբողջական գործին մտնական-պատանական, ինչպէս նաեւ պատմական ստեղծագործութիւնները մեր արամադրութեան տակ ունենայինք: Ինչպէս օրինակի համար «Մշտի Քաջուհին», «Հաւուռի թուրը», «Արա Գեղեցիկ եւ կինը Նուարդ» եւ «Մասունցի Դաւիթ» դիւցազներգութիւնները, որոնք՝ այդ քիչով իսկ կը մատնեն բանաստեղծին վաստակը եւ արուեստը:

Խորապէս զգայուն եւ երազող հոգի մըն է: Երկու յատկանիշներ, որոնք իր բանաստեղծութեան անձնական գրոշմ տալով եւ քնարերգական արուեստին ըսպասարկուն դարձնելով մէկտեղ, մարդկայինական կը դարձնեն իր արուեստը, մեյրամաղձոտ, կարօտարազմ եւ երկշոտ մը, որ կը զգուշանայ իր սէրը խոստովանելի, խորհելով որ յանցաւոր մըն է, քանի որ իր սիրոյ եւ պաշտամունքի առարկան ընտանիքի մայր մըն է, առաքինութիւն մը՝ որուն համար յաճախ արցունք թափած է: Իր զգացած պղատոնական սէրը քերթուածներու բառերուն խոստովանած է միշտ եւ այդ վիճակին համակերպութիւնն ունեցած է:

Աւարտութեան շնորհիւ ու հրճուան-

քի պահեր դրեթէ չենք գտներ իր քերթողութեան մէջ: Ընդհակառակն ունի քերթուածներ, որոնք ժահուան տիրարձագանդը դուշակելի կու տան: Երբուն եւ ախկոծ սիրտ մը, աշխարհի վէրքերէն վերաւոր, իր կեանքին դարունը մոռցած եւ ձմրան սառնամանիքին անձնատուր հողի մըն է: Անյոյս, ամէն բան մութ եւ մաղձայոյզ դանդ: Արշալոյսի շաղիւն ու ցօղին փոխարէն, իր աչքերուն աղի ցօղերը կը կաթեցնէր ծագիկներուն:

Մահուան անկողինն մէջ 1892 Հոկտեմբերին գրուած հետեւեալ քերթուածը թէեւ անգամ մը յիշած ենք, բայց իր յատկանշական մեյրամաղձոտութեան համար, անգամ մըն ալ կրկնենք:—

«Այնքան չորցած քփերու հետ
Հովիկ գայլն ալ էջնց տարաւ,
Վազաքարչամ ծագիկն անհետ
Դեռ չը յարած անհետ կորաւ:
Խոր գերեզման մը փոքրցիմ
Լացող չեղաւ Յարա վրան,
Սիրոյ համար ծնած հոգիմ
Անտը իշաւ խոր գերեզման»:

Նման տիրութիւն մը կը հոսի ընդհանրապէս մեր ունեցած շարքին հետեւեալ քերթուածներուն մէջ թիւ 4, 6, 8, 10, 11 եւ 30:



«Մշտի Քաջուհին» դիւցազներգութեան մէջ, ինչպէս տեսանք, բանաստեղծը կը ներկայացնէ ժողովուրդին իտէալները, զգացումները, զազգաբարները եւ բնատրութիւնը, որ յաճախ երեւան կու գոյ անհատներու մէջ, բայց անոնք հաւաքականութեան համար ալ նոյնքան յատկանշական են եւ կը յայտնուին իրբեւ զեղարուեստական տարբեր, խորհրդանշելով հայրենիքի սէրը, բնութեան զեղեցկութիւններուն պաշտամունքը եւ մարդկայինական զգացումները: Բանաստեղծը իր ժամանակին եւ ժողովուրդին ծնունդն է, սակայն իր երեւակայութեան ուժով նոր իտէալներ

կը ներկայացնէ:

«Մշտնի Քաջուհի»ն քաջութեան, հերոսութեան եւ անձնութեան խորհրդանշանն է, ճիշդ երեւակայուած այնպիսի ատեն մը, երբ ժողովուրդին պէտք էին նման տիպարներ: Միտլորտը ելեկտրականացած էր: Անցեալէն առնուած մէկ հատիկ ժողովրդական տիպարը, իր ժամանակին անհրաժեշտութիւնն էր պատկերացնել, մանաւանդ հերոսուհիի մը տիպարով: Յիշեցէք 1885-1890 թուականները, ինչպէս նաեւ նախապէս եւ վերջը պատահած գէպերն ու պատահելիքները: Բանաստեղծը տեսնող մըն է ամէն ժամանակներու մէջ, որուն կենդանի մէկ տիպարն էր մեր անմահ վիպագիրը, Րաֆֆին, իր բազմաթիւ յեղափոխական տիպարներով եւ ժողովուրդին ներշնչած մէկէ աւելի զազափարականներով, պայքար բռնութեան, ազիտութեան եւ շարութեան դէմ, յոյսի եւ հաստատի ներշնչում եւ այդ խոհաներուն պաշտամունք:

Իրեւ ջնարեղու, Կորին Մկրտաւրչեանի քնարերգութեան մէջ բազմաթիւ գրական տարբեր ալ կը գտնենք. այլաբանութիւններ ալ ունի: Օրինակ մը՝ «Հաւալունի թուր»էն, երբ արշալոյսը այլաբանօրէն եւ դեղեցիկ կերպով կը պատկերացնէ. —

«Ինո մոր այգը լերանց այտիմ
Յօզ կը ցանէր մարգարտաշար,
Ու մըշաղով դաշտն ու գետիմ
Կը հաւորարէր մու սիրավառ»:

Հազուադէպ է որ 1880-1890 թուականներուն, արեւելահայ ու արեւմտահայ մեր գրական դորձերուն մէջ գրարար բացատրութիւններու չհանդիպինք: Եզրիս Տէմիրճիպաշեանի բանաստեղծութիւնը օրինակ չափազանց յատկանշական է այդ տեսակէտով: Առէք օրինակ մի միայն «Անդեղն Երգ...», որ խառն է գրարար բառերով եւ բացատրութիւններով, եւ քիչ մըն ալ դժուար հասկնալի: Կ'ընդունինք որ այդ քերթուածը իմաստասիրական եւ յոռետես տրամադրութիւններով գրուած է եւ Եղիային

կեանքին եւ մտայնութեան եզրակացութիւնը կը խտացնէ, բայց մեր յայտնած տեսակէտը շատ լաւ կը բացատրէ: Այդ թուականներուն գրարարը տակաւին պարտուած չէր, այնքան բանավէճերէ ետք, եւ կը տիրէր, մեր լատագոյն դրողներուն երկերուն մէջ: Մինչդեռ քրտանեւհինգամեայ պատանի Կ. Մկրտաւրչեանի գրականութեան մէջ հազիւ քանի մը օրինակներ կարելի է գտնել գրարար ձեւերու, ժողովրդական ա՛յնքան բացատրութիւններուն հետ միասին: Այս վերջիններէն են հօրօտ ու մօրօտ, կուստ-գլուխ սոլայֆ, հօզիմ այրել, վարդի քերթերուդ մատաղ, մայրիկը մատաղ, կուրման իմ աչքը, ձեռքերը չորման, բացուէ՛ իմ ծաղիկ (փառաբանական), սիրտը փաւ, մուխը մարել, խելքը գըլ-խէն ազիկ առաւ, կը սիրես հօզիդ, հուրն ի հրեղէն երկու ազիկ, կէծել կըրակ: Եւ կամ մաւի աչքերուդ մայրիկդ մատաղ, նոսն պէս կարմիր քու շքեանց քերթեր եւ նման արտայայտութիւններ, որոնցմով այնքան հարուստ են «Մշտնի Քաջուհի»ն դիւցազներգութիւնն ու «Հաւալունի թուրը»ն աւանդութիւնը:

Այս աւանդութեան մէջ է, որ կը հանդիպինք հետեւեալ պարզ, բարդ կամ անանցաւոր անկաններուն, որոնք այդ թուականներուն տակաւին մեր բառարաններուն սեփականութիւնը չէին. — Քնարաբան, արիւնքրտինք, մարգարտաշար, սիրավառ, կամարակապ, հրաշաղեղ, ղեղատեսիլ, կայծակնաթափ, տաղնապայտը, փառաբարդ, սովատանջ, բերանարաց, սրբնթաց, վիշապաքաղ, ալեւածան, գեղածիծաղ, թեւատարափահար, տխրադեցիկ, նորաչող, չիկավարս, արեւակէզ, ալեղատառ, սիրամայն:

Այս բառերու եւ դեղեցիկ արտայայտութիւններու դորձածութեամբ «Հաւալունի թուրը»ն աւանդութիւնը, Կ. Մկրտաւրչեանի լեզուին եւ ոճին համար կենդանի վիճակ մըն է:

Առանձնապէս Հայրենի բնութեան նկարագրութիւնը աչքի կը զարնէ նմանապէս յիշուած երկու հատուածներուն

մէջ, ուր կը ներկայացուին բնութեան զեղեցկութիւնները: Ինչպէս հետեւեալ հետեւեալ նկարագրութեան մէջ:—

Արեգակը հազար շողեր կը սփռէ ծաղիկներուն վրայ: Զեփեռը երկնային շունչ կու տայ ծաղիկներուն այտին: Արտոյտը կ'երգէ կապոյտ երկնքին տակ: Պատանիները խումբ կազմած են: Այս աւանդութեան մէջ դարձեալ, հօտաղն ու հովիւր բնութեան զրկին մէջ, կ'իջնէ արեւուն դէմ ջուրը լեցուեր են: Ամենուրեք հրճուանք եւ անմեղ ուրախութիւն կը տիրեն:

Ուրիշ օրինակ մը նոյն աւանդութեան մէջ բնութեան նկարագրութիւն մը կայ, ա'յնքան չքեղ, ա'յնքան բաժանազանական:— Արեգակը երկնքի կամարին վրայ շողշողալով, սիրուն ծաղիկներուն վրայ վերէն հազար շողեր կը սփռէր: Եւ զեփեռը, երկնային շունչ մը, ծաղիկներու այտին համարը կու տար, եւ թերթերը կոյտի նման կը շիկնէին: Համայն բնութիւնը իր քայներուն գեղածիծաղ ոգի կու տար, եւ արտոյտը թեւարթա կապոյտ երկնքին տակ կ'երգէր: Այս տեսարանին առջեւ ժայռի մը տակ պատանիները խումբ կազմած, բախտազուշակ ծերունի կնոջ առջեւ ցրուած հատիկներուն յառած էին իրենց աչքերը:

Երկրորդ տեսարանը կը սկսի ծերունի կնոջ նկարագրութիւնով: Ան ունի արծաթ ծամեր, իր դիտին զարդ, հասակը բարձր եւ տարիներու կնճիռները ճակտին պսակ կազմած: Աչքերը մեծ, դեղին ներկած, մարմինը վտիտ, ուրուականի մը պէս, տարիներով հատիկները առջեւը տարածած, մութ սպառանք կը դուշակէր:

Կայ նաեւ աղջկան հրապոյրը, որ պերճ էր պատանիի մը սիրտը, եւ սակայն երջանկութիւնը շատ հեռու էր: Կը բաղձար որ բախտազուշակը վիճակ մը հանէր եւ դուշակէր իր ճակատագիրը: Կարգը կու գայ միւս արքայորդիին: Պէտք է թուրը ծովը չձգէ որպէսզի օտարները չարչաւեն հայրենի երկիրը եւ

աւերակ դարձնեն:

Կայ նաեւ ամառնային բնութեան նկարագրութիւնը այսպէս:— Արեւը խիտ կ'այրէր, ամառնային շողն ու շողեր վերէն բոց կը թափէին, ցամաքները լով առտուան ցողերը: Նոր պատկեր մը ահաւասիկ, արեւը ներկայացնելով, որ ցօղերը կը շողացնէր:

Ժայռերը վեր մտնիկանու
Ուժ կու տար իւր տափ թւերուն,
Ելնել կրկին դէպի արեւ:

Իսկ հովանաւոր թուփի մը տակ, արտոյտը երգելէն դարձած, ջերմութենէն

Բաց ու խրվիկ իւր կրտուցէն
Դուրս կը քարտէր բոց կապուտակ:

Ի՛նչ զեղեցիկ պատկեր, իր կտուցը բաց
ու խուփ ընելով արտոյտը բոց կը թափէր:

Բայց բանաստեղծական պատկերը
կը շարունակուի:

Խամրած կտրծեա դաշտը կամայ,
Վիշապներու ֆըշոցն ու առյլ,
Արեւակեց ծաղկանց հատաչ
Սրտին սարսափ կ'ազդէն առով:

Կը տեսնէք երեւակայութիւնը, որուն շնորհիւ արեւէն կ'իզուած, ծաղիկները հառաչ կ'արձակեն եւ սրտին անդադար սարսափ կ'ազդեն:

Իսկ հովիւր դաշտ ու արօտ թողած, հօտաղը իր գոյգ եղներն առած, առտուան անուշ սիւքին կարօտ, եկեր եւ ջրին եզերքը մտկադեր են:

Տակաւին ոչխարներն ալ տարող շողէն յոգնած, եւ մողիներն ալ իրենց պոչերը անկած են բուռններէն հայածական: Այս սաստիկ տաքին, հովիւն ու հօտաղները կ'իջնէ արեւին դէմ պաշտպանուելու համար, բոլորը գետի ջրունի մէջ լեցուեր են եւ ալիքներուն մէջ կը ծփծփան: Ամառուան սաստիկ տաքին երգուած այս երջանկութիւնը, հայրենի արտ ու անդաստանին, ջուրերուն ու կենդանիներուն եւ մարդոց, կորին Մկրտչեան ինքն ալ երջանիկ է, որ կ'եր-

դէ ա՛յնքան հարազատ, պատկերն ամ-
մողջացնելու համար

Կէս քեւ ունի, կէս զորսան լող.
Կէսը զբարիկ միշտ կը գարնէ՝
Փշրած ջրէն արեւ ու շող
Պերն ծիածան կը կազմէ:

Եւ այս ծիածանին ի տես

Անեմուրեք հրեւան անմեղ:
Գետի ափին աւազքաքախ
Կը բոլորն պար մի շրքեղ,
Կ'երգեն կայտառ, կ'երգեն ուրախ:—

Բնութեան գեղեցկութեան գիծաց,
ա՛ւաւասիկ դարձեալ «Հաւլունի թուր»
աւանդութեան մէջ, կնոջ գեղեցկութեան
նկարագրութիւն:—

Հուրն ի երեզլն երկու աղջիկ,
Ծամերն սսկի, խած աչկերով,
Դեմքը բոլոր, այտն ի ծըպիտ,
Ուշիկ, ուշիկ ծրփծրփալով
Արեւ ելաւ ծովէն վրնիտ:
Իրենց սսկի ծալ ծամերէն
Գնդ ու հրապոյր վայր կը թափէր՝
Իրենց ծախ ծով աչկերէն
Ար ու շրմարք վայր կը կաթէր:
Ձեռքեր բռնած՝ փունջ ծաղիկներ,
Եկան ուղիղ դէպի իրեն,
Որ սիրածայն երգեր երգեն
Արքայորդու սիրտը գերեն:—

Այս գեղեցկութեամբ ու շնորհներով
օժտուած զոյգ աղջիկները կը հրապու-
պուրեն արքայորդին եւ չեն փափարիր
որ «Հաւլունի թուրը» ջուրը ձգէ, որ-
պէսպէ թշնամիները խոտի պէս վար
թափուին: Արքայորդին կը մտածէ
«Ջուրը ձգել թէ խաբէլ իր հայրը»:
Ջուրը կը ձգէ եւ կը կատարէ հօրը տը-
ւած խոստումը:

Փնտռել թէ «Հաւլունի թուր»ին ու-
րիչ մէկ աւանդութիւնը կա՞յ մեր ժո-
ղովրդական, աւանդական դրուանու-
թեան մէջ: Որովհետեւ Պրոտը արքային
համոզումով, եթէ թուրը ծովը չձգուի,
արեան հեղեղի պատճառ պիտի դառ-

նայ, մինչդեռ, ժողովրդական հաւատա-
լիքին եւ ընդհանուր կարծիքին համա-
ձայն, թուրն է որ պիտի պաշտպանէ
ժողովուրդին կեանքը եւ թշնամիները
խոտի պէս վար պիտի թափուին: Ձէ՞ որ
երբ արծիւ մը թեւատարած կը սաւառ-
նի եւ խոյանալով կը յափշտակէ մանուկ
մը, արքայորդին կը վաղէ, կը քաշէ
թուրը ու վերաւորելով արծիւը, ճի-
րտնեղէն կ'ազատէ վերաւոր մանուկը:
Ո՞ր է հակադրութիւնը այդ հաւատա-
լիքին, որ փոխանակ թուրը, զէնքը պա-
հելու, արքան կը հրամայէ իր եօթը
զաւակներուն, որ տանին ջուրը ձգեն:
Այս աւանդութեան վերջաւորութեան ալ
բացատրութիւն մը չենք գտներ: Հետեւ-
եալ ձեւով կը վերջանայ:—

Երբ կրտսեր որդին հօրը հրամանը
կը կատարէ, հայրը կ'ըսէ,

«Մահս տօտ է, կը մեռնիմ ես, —
չեկեկալով ասաց արքայն, —
Թագս ու գահըս կը թողում էեզ,
Նորս արծամ՝ դո՛ւ ես միայն,
Հաւատարիմ Հայրենիքիդ
Կո՛ց դու, մեռի՛ր պարտքիդ վրայ.
Պաշտպան եղիւ իրաւունքիդ,
Բեզ արծամ է արքայիդ գահ:
Բայց չփորձս թուրը համել,
Թող նա մնայ ծովու խորքեր,
Մահաբերէ, քեզ պաշտպանել
կարող չտալ. կու տայ վերքեր:
Կու գայ մի օր՝ կը ցամաքին
Պղտոր ծովու վարար զընդր՝
Յայնժամ մի ո՛ք պիտի ծընի,
Նա կը լինի այդ թուրի տեր:
Հինը կ'անցնի, կու գայ նորը,
Նորին պիտի լինի բաժին.
Պիտի ծագի կեանց օրը
Այն սրտերուն՝ որ կը մաշին,
Ու կը կանգնէ փառքն այդ թագին
Հալուսն թուրը բռնած ձեռքին:
Թէ ուրիշ ի՞նչ պիտի անէ,
Այն Աստուծոյ գիտնալիքն է»:

Մ. Պ.

(վերջ)



ԴԵՋՔԵՐ

Հ Ա Մ Ա Ս Տ Ե Ղ



Հայ լեզուն բարութեամբ, վարպետութեամբ եւ վերջին ծայր ազնուութեամբ գործածող դրագէտ մըն է Համաստեղ: Գիւղադիր ըսին իրեն համար: Զայն առաւել արժեւորելու բոլորովին պարկեշտ մասհոգութեամբ մը, կոչեցին՝ — բարձրարժէք դիւղադիր, սքանչելի դիւղադիր:

Բարերախտարար, տարիներու նըման անուանումէ մը ետք, գրական աւելի լայն ըմբռնումի տէր դատողներ անդրադարձան՝ որ «գիւղադիր»ը զիչ է այս խորք ու տարողութիւն ունեցող դըրագէտին համար, որ սահմանափակ յորժորջում մըն է ատիկա, դրագէտին տաղանդը տեղականացնելու միտում պարունակող բան մը: — Նշանաւոր դըրագէտ մըն է, ըսին, եւ ոչ թէ գիւղադիր մը: Առաջին անուանումը սխալ եւ եւ այս վերջինը աւելի ճիշդ կը թուի ինձի:

Համաստեղ՝ իր տաղանդին գիծերուն մէջ մտած, հոն ամբօրէն հաստատուած դրագէտն է այլեւս: Իր պատուանդանը արժանաւորապէս ունեցող արուեստագէտը, աէ՛րը անոր: Կեցած է գրական ու բարոյական ամուր խարիտի մը վրայ՝ պայծառ ուժի մը պէս, առողջ զօրութիւն մը իրբեւ: Հրթիռադիտութեան լեզուով՝ անոր տաղանդը սակէ արդէն քառորդ դար մը առաջ մտած էր իր ծիրին մէջ, ազատօրէն թաւալելու համար մեր գրականութեան երկնա-

կամարին վրայ:

»

Զգացումներով հարուստ է՝ երիտասարդութեան վաղ շրջանէն արեւմտեան կիսագունդի մեծագոյն ժողովրդավարութեան մէջ բնակութիւն հաստատած այս պանդուխտ Փերչենկեցին (Խարբերդ), միջնադարեան տաղասացի մը շափ եւ իմաստուն, պարզ ու հանդարտ, իր լեզուական խորքով՝ առակախօսի մը հետ շփոթուելու աստիճան: Իր գործերուն լեզուական կոհնարումը ախինջն՝ պարզ է, ժուժկալ, շափազանցութիւններէ եւ սեթեւեթէ բոլորովին հեռու: Կոտիպաց աշխարհի այս միւրջին մեծ ներկայացուցիչը՝ իր սրտով նահապետ Գուշակ մըն է, Յովհաննէս Թլիսարանցի մը, Կոստանդին Երզնկացի մը, մօտաւորապէս Սայաթ Նովա մը: Իսկ արտայայտութեան պարզութեամբ, միամտական խոհով ու խորութեամբ՝ վարդան Ալգեկցի մըն է ան, հայ Լաֆոնթէն մը, Հայոց քսաներորդ դարու աշխարհի Սողոմոն Իմաստուն մը (Առակներու եւ Երգ-երգոցի), մօտաւորապէս: Այս բոլորը իր մէջ զբուսած սակայն, միացած եւ մուլուսած ամբողջի մը հետ, որ արտաքին չէ, ներքին է: Իր առանձին գործերէն չեն բխիւր ասոնք, այլ կը կուսուրին ու կը բխրեղանան տակաւ մեր մէջ իր գործին ամբողջութենէն: Ամբողջութիւն՝ որ կրկնակ եւ

Հակոտնեայ փյաններու վրայ կը ճարտարապետութի, խորքով աշուղական յորդ զգացումներու կեզրնածիդ գոյութեամբ մը: Զեռով՝ առարկային պարզութեան իր տեւական ձգտումով:

Համաստեղի պէս, աշուղականին դրացի ախորժակներով, իսկ արտայայտութեան եղանակով առարկային պարզութեան եւ խորութեան հասած ուրիշ հեղինակ մը եւս ունեցած է մեր դրականութիւնը, Հայութեան արեւելեան հատուածին մէջ, Յովհաննէս Թումանեան անունով: Արուեստի քանի մը կողմերով շատ մօտ են իրարու քսաներորդ դարու առաջին քառորդի վերջերուն մեռած եւ անմահացած Ամենայն Հայոց բանաստեղծը, ու գրեթէ նոյն տարիներուն գրականօրէն ծնունդ առած ամենայն Հայոց բարի «գիւղապիւրը», — Համաստեղ:

Համաստեղ արձակով կը հասնի պարզութեան այն զեղարուեստական լրումին, որուն հասած էր իրմէ առաջ կոռփի փրիխտփայ աշուղ, տառապանքով:

Ոչ Համաստեղ եւ ոչ ալ Թումանեան կը հաւատան դիրքերէն եւ դպրոցներէ բերուած գրական պաճուճանքին: Գրքին հոտը բացակայ է անոնց ստեղծագործութեանց մէջ: Ոչ մէկ հատորի ոչ մէկ յոռի ստուեր: Խոյս կու տան, ամէն անգամ որ հարկը ծագի, աւելորդարանութենէ, դրական փայլուն շատախօսութիւններէ, սկիզբով արտայայտութիւններէ: Չեն վստահիր բառերու վերելակին: Եւ ոչ ալ մեծ պարբերութիւններով խորութիւն ստեղծելու օւնայնամտութեան: Իրրեւ դրող, անոնք կը քալին ու կը մեծնան միայն ու միայն տիպարին տեսիլքով, տիպարին կենցաղով, տիպարին ետին կեցած ժողովուրդով ու ասոր հոգեբանութեամբ ու բարքով: Կ'աշակերտեն, երկուքն ալ, ծայրագոյն պարկեշտութեամբ մը, բնականութեամբ մը եւ անուութիւնով՝ ժողովրդային զեղազիտութեան, անոր բարձր ներկայացուցիչը ըլլալուն արդար հպարտութիւնը փնտաւելով ամէն բանէ առաջ ու



վերջ: Որեւէ զեղեցկութեան եւ արուեստի արժանաւոր կեցողածքի համար՝ կը զիմեն բոլոր գիրքերէն ու գրադարաններէն աւելի հարուստ եղող Հայ ժողովուրդի հոգիին ու ստեղծագործութեան:

❖

Համաստեղի ամբողջ գրականութիւնը, — «Գիւղը», «Անձրեւը», «Ապիտակ Զիւլթը», «Այծնամարը» են: — կը համարեմ հաւատարմ եւ ազնիւ Հայ արուեստագէտի մը երկարատեւ ճիւղը, իր ժողովուրդին բարի կողմը ցուցադրող: Բարի ու բերրի:

Մեր հոգիին նպաստաւոր կողմին, դրական կողմին, բանաստեղծական առաջինի կողմին գրագէտն է Համաստեղ, ամէն բանէ առաջ: Իր ստեղծած տիպարները, գրեթէ առանց բացառութեան, Հայկական ինքնատիպ եւ բազմաբովանդակ բարութիւնը արտայայտող մարդեր են, անձի ոչէ՞՞ր կերտելէ աւելի, պատմական եւ աշխարհապարհական միջավայրի մը մէջ ուրոյն կեանք ապրող հաւաքականութեան մը գիմա-

զիժը ներկայացնելու կոչուած կոտորակները: Արգարեւ, զանազան անուններով մարդացած այդ տիպարները, անջատ կեանք մը ապրող, անշուշտ անջատ վախճանի մը ճակատագրուած հայ զիւղացիներ են, որոնք սակայն բարութեան, ականջութեան ու պարզամտութեան հասարակաց զիժով մը միացած են իրարու: Ժողովուրդի մը զաւակներուն քաբութեամբ պահի մարմնացումն են Համաստեղի զբաղանութեան զրեթէ բոլոր կերպարները: Բարութեան այդ անկիւնէն դիտուած՝ երկուտեանի շփ տնոնք նման են իրարու:

Ով որ այս հինաւորց ժողովուրդին բարի, արեւելիանօրէն քրիստոնեայ, խաղաղ, պարզ ու միամիտ գէժը կ'ուզէ տեսնել, առանց Համաստեղի զիւղացիներուն, թերի բան մը տեսած պիտի ըլլայ: Ամէն պարագայի տակ, ո՛չ ամբողջական, ոչ պարտաւ թան մը, Հայկական անսպառ բարութենէն Համաստեղի փոք տուած է նաեւ կենդանիներուն, բոյսերուն, արեւին եւ համայն բնութեան:

Համաստեղի «Աղօթամատեան»ին մէջ յաճախուէ՛ւ պարբերականութեամբ մը ի յայտ եկող եւ ծայրէ ծայր անձնական ապրումներ արձագանգող հեթանոսութիւնն իսկ, հելլենական իր բնոյթով եւ համաստեղեան շեշտ հակումով՝ հայկական բարութիւնը, ազնուութիւնը, իսր արժանապատուութիւնը ունի իրեն իրեւ խորիսի: Ոչ միայն Համաստեղի քրիստոնէութիւնը, այլեւ հեթանոսութիւնն անգամ հեռու կը պահէ ինքզինք կեանքի բուռն արտայայտութիւններէն, բացատրել ուղիւով մեղի կարծես առով հայ հողին, որ գոյացած ու կազմաւորուած է Արեւելքը Արեւմուտքին միացնող սահմանագծին վրայ նախ, եւ ապա՝ հիւսիսի ջուրտ ստեպն ու հարաւի տաք աւազուտները բարեխառնող լեռնահանգոյցի մը վրայ:

Հայը իր բոլոր երեսներով չէ որ կը գտնենք Համաստեղի զբաղանութեան մէջ, այլ մէկ երեսով, լաւագոյն ե-

րեսով մը, անհրաժեշտ երեսով մը: Հայկական երգող, ուրախացող, տըլրող, հեքիաթ եւ իմաստութիւն տատանող նախահաստատ բարութիւնն է ասիկա, որ ամենօրեայ իրականութիւն ըլլալով հանդերձ՝ անցեալին նախալմից ալ կը բերէ մեղի, առատ չափերով:

Մտքով չէ որ կ'աշխատի Համաստեղ: Ոչ ալ կ'աշխատի սրտին հրամաններուն հպատակ տրամադրութեամբ մը: Բացակայ չեն ասոնք ի հարկէ: Եւ կասկած չկայ որ կը կատարեն կարեւոր դեր մը իր զբաղանութեան մէջ: Բայց Համաստեղի տաղանդին բուն վարիչը, զեկավա՛րը ըսել կ'ուզեմ՝ նկարագրին է: Անոր զրիչը կը տեսնենք աւելի հնազանդ եւ օտարած՝ արուեստի եւ սիրոյ հանդէպ ամուր նկարագրի մը մատենբուն մէջ:

Կան որ իրենց սիրածին առջեւ շատախօս կը դառնան, ուրիշներ բնաւ չեն խօսիր: Իր սիրածէն կամ սիրածներէն լաւ հասկցուելու համար, Համաստեղ ընտրած է քիչ խօսելուն ձեւը: Մեր ժողովուրդին պէս է, - լուրջ, բարի, ըզզայուն եւ սակաւախօս: Հայը քանի մը պայծառ բառով ամէնէն խոր ու մաքուր, ամէնէն ճակատագրական ու վերջնական երզերը կըցած է երզել մարդկութեան, հակառակ որ ամէնէն ճոխ լեզուներէն է իրը: Իր ժողովուրդի արուեստի բնագրին հետեւելով, Համաստեղ ծածկանունի մը տակ արդար համբաւի մը տիրացած նարբերդի Փերչենկ զիւղի Համբարձում Կէլէնեանը, ազգային մեծափարթամ լեզուի մը նըւազազոյն տարբերու գործածութեամբ, յաջողած է իր ազգին արուեստի քանի մը հրաշալիքներ կտակել:

Համաստեղի ստեղծագործական թափը չէ կասած եւ չի կասիր: Պէտք չէ կասի, որովհետեւ, մանաւանդ այսօր, մենք ազգովին պէտք ունինք հայկական սրտապնդիչ բարութեան խօսքերու, տիպարներու, աղօթքի՛:



ՇԱՄԻՐԱՄ

(ՄԻՔԱՑԵԼ ԹԱԻՐԻՁՆԱՆ)

1962 - ՊԵՂՈՒՄ

Վարուժանի արուեստին կարգ մը հիմնական տարրերը շատ մօտէն եւ տեւարար յիշեցնող քերթողական արուեստի մը գէպի բացերը առաջաւոր պարզած երիտասարդ մըն է Մ. Քարիղեան: Եօթանասունըրեկու էջերու վրայ պատկեր առ պատկեր, շունչ առ շունչ եւ փայլ առ փայլ ծաւալող ազգային շքեղ աւանդակէպի մը պերճարարաւ վիպասանութիւնն է իր «Շամիրամ» անունով պոէման:

Իշխանութեան եւ ընկերային կեանքի բարձրագոյն սանդխամասի մը վրայ կեցած, դժոխային կայսրութեան մը երիցս դժոխային ու երիցս շքեղ կայսրուհին, Շամիրամ, պատմութեան ճանչցած պոռնիկներուն ամէնէն ահեղերահրուշակը հաւանաբար, իր սիրոյ եւ կիրքի շգերազանցուած մէկ պահն է, կեանքին մէկ հրայոյզ շրջանը, որ բերուած է ապրելու Քարիղեանի եօթանասունըրեկու էջերուն մէջ:

Ճասնըմէկ առանձին տեսարաններու մէջ է որ կը թաւալի Շամիրամեան այս ընդարձակ պոէման:

Առաջին տեսարանին մէջ, որ մուտքն է դրջին, աշխարհն ու աշխարհին մեծ տէրերը անօրինակ խռովքի մը մատնած Նինուէի գերագոյն բողը՝ սպաննած է արդէն ամուսինը եւ, ձերբազատ ուրեմն բարոյական ամէն հակակշիռէ՝ կը սպասէ իրենին համազօր արական գեղեցկութեան մը: Գինովյած է անլուր սիրոյ

մը մտապատկերով եւ անհամբրութեամբ կը սպասէ հայոց աստուածակերպօրէն գեղեցիկ Արա արքային:

Հայ գուսամ մը դեռ երէկ գիմարբուփի մը պսակու Պանծացնելով շեփորեց գեղեցկութիւնը քրքրում Հայոց Արա արքային: Հայ գուսամ մը, օ՛ երէկ, Պարսատիկով կարուածեց քագուհիին սիրարեկ Գերգայան բոքր հագին... քարի փռիսան ան սակայն Ձեռնդած էր Արային գեղեցկութիւնը փարթում:

Արան ընդառաջած է հրաւէրին ու եկած Նինուէ:

Նրկրորդ տեսարանը բաղնիք մըն է, Վարուժանի հրեղէն գրիչով գաստկանացած արեւելեան բաղնիքներուն մէկ նախատիպարը, թուականութեան կարգով: Ու պայտախ՝ մը բաղնիքն է ստիկա: Քազուհիի մը, շքեղ ու լի՛րօ կայսրուհիի մը: Գերազանց ժերկութիւններու եւ դեբարզանց գեղեցկութեանց գերիվի՛ր տեղ մը անշուշտ: Իգտկան կախարչութիւններու հեղուկ տաճար մը, բոյրբու խորան մը, բազի՛ն մը: Մարմնական գեղեցկութեան խորհրդուտը լայրտաթուար մը: Վա՛յր մը վերջապէս, ուրկէ կը սկսին յարգարուիլ տարփանքի եւ յանկուցման պատերազմին մեծ գործողութեանց ծրարադիրները:

կը մերկանա՛յ.
իր հաւմիմ մէջ հրավառ արեւմ այնքան չաւմի լալս,
Փողփողումներ շաղաղում, ամմա՛ր,
ամմա՛ն արշալոյս:

Շամիրամն է՝ բաղնիքին մէջ: Եւ տողերուն ուժն ու փայլը կը շարունակուին Նոյն տենդոս ընթացքով:

Երբորդ տեսարան՝ կոշուէք: Մեծ, նինուէկան խրախճանք:

«Գինին ամվերջ կը քակէր փրփուրներու գանգուրներ հոսպոպներուն պէս փայլուն պոռնիկի մը կարմրահեր:

Եւ քիչ անդին, պարուհի մը, որ, կարմիր շղարշ էր նետած ցանկայարոյց ծիծեքուն, Արանց վրայ էր քառած աչքն ամբոխին սեւեռուն»:

Կոշուէքի այս շփոթած մթնոլորտին մէջ է, որ Շամիրամ արքունի պարտէզ առաջնորդելով Արան կը յայտնէ անոր իր սէրը:

Ա՛ն գիտ, թոզ քու կր ըլլամ, ըլլամ եզ-նիկը մահնիկ:

Եւ ապա՝ Ազգո՛ր, ցեղո՛ր անազն շարտակել, Լոկ քու սէրդ միայնակ կրցաւ հոգիս տապալել:

Յաջորդ գրուագին մէջ, որ որոտր-զական տեսարան մըն է, Շամիրամ մեր-ժըած է Արայէն եւ կոշուած՝ զտիրոյ յորենին:

Մեծ ցանկութեան մը այս տաք ու տաղաչափեալ պատմադրութիւնը կը շարունակուի, ներկայացնելով մեզի ապա մոլեգնութեան ու ճանճարոյթի դազաթնակէտին հասած կայսրուհի մը, որ կ'որոշէ բոնորէն տիրանալ իր սիրածին: Արասնաւով երկար պտոյտ մը կը կատարէ Տիրքիսի վրայ: Կը խորհրդակցի յետոյ ջուրմերուն հետ եւ կ'ազօթէ: Ուրիշ օր մը, ճգմած է Մարեբուն ապըստամբութիւնը եւ յաղթական խրախճանք կը կատարէ: Ի՞ դուր: Կիրքը չի նուազիր մէջը, կ'առատանայ: Կը խմբէ գեղեցիկ այրերը իր դորքին եւ այդ գեղեցիկ կատարներէն ամէնէ՛ն կատաղին կ'ընտրէ զԷլեբունան մը իր անկողինն համար:

Կրկնով բարբարոս տեսարանէ մը ետք, կ'իմանայ թէ Արայի զով լըկած էր պատկամաւորները մերժուած են: Հոս կը տրուի նաեւ Արայի ներքին տաճար, բարոյական ուժերու անսր ժամանակաւոր մէկ թուլացումը:

Վերջին տեսարանը Արայի մահն է եւ Շամիրամի ողբը: Յետոյ՝ վերջաբան:

Գրքին այս սեղմ բովանդակութեանէն ետք, յայտնենք անմիջապէս որ Մ. Թաւրիզեանի եօթնասունըներկու էջերը երեւակայութեան մը Տիրքիսն են՝ - գեղեցիկ, յորդ, առատաշուք: Կամ եփրատը: Կամ Հայաստանի շող ու շառաշող որեւէ մէկ դետը:

Լայնահուն այս բանաստեղծութեան մէջ հայոց լեզուն խրախճանքի պէս բան մըն է, ուր ամէն բառ եւ արտայայտութիւն տօնական է, պերճ ու ծայրաստիճան հանդիսատար: Գերիվի՛ր ըլլալու, գեղեցկութեան եւ իմաստի բարձրագոյն մակարդակներու վրայ տեղաւորուելու աւագին տենդ մը զգալի է իւրաքանչիւր տողի եւ փոխաբերութեան մէջ: Բառերը, պատկերն ու երեւակայութիւնը հետեւ կը փորեն, կ'ուզեն հագնել իրենց սպասարկած արուեստին ամէնէն շքեղ մէկ իմաստը: Կ'ուզեն արտայայտել առաւել ուժ, առաւել փայլ, առաւել կենդանութիւն:

Այսուհանդերձ, այս բոլոր լաւ բաներու կողքին, Մ. Թաւրիզեանի գիրքը, վերջին հաշուով, ցաւ մըն է, նոյնիսկ տատապանք մը մեզի համար, քանի որ ինքնութիւնը չգտած կամ դայն կարծես վաճառած տաղանդի մը արտադրութիւնը կը թուի ան: Ու երանի թէ սխալած ըլլայինք մենք:

Այսպէս, եթէ այս լաւ գրքին վրայէն վերցնէինք հեղինակին անունը, շատեր այն տպաւորութիւնը պիտի կրէին, թէ Վարուճանի անտիպ մնացած մէկ նոր գործն է որ կը կարգան: Անք դներ բանազոգութեան հարց. այդ ուղղութեամբ չենք ալ քննած գիրքը: Ու մեր մտքէն չ'անցնիր թէ նման բան մը գոյութիւն ունեցած ըլլայ: Բայց զարմանալիորէն

յարուցեալ Վարուժանի մը կը հանդիպինք զրեթէ ամէն էջի մը վրայ: Ատենին Օշակամիզէ բառը ըսինք մէկու մը գործին համար: Եղաւ աւելի գէշը: Հիմա ստիպուած ենք այս գրքին համար եւս ըսել Վարուժանիզէ եղած բանաստեղծութեան գիրք մը: Մաղթենք որ զօրաւոր սղոյններէ անդին ազէտ մը պատահած չըլլայ:

Հարկ է հետեւաբար, որ Վարուժանի արուեստին հետ Մ. Թաւրիզեանի բանաստեղծական տիվորը կատարուի որչափ կարելի է կարճ ժամանակի մը մէջ: Թաւրիզեան պէտք է գտնէ բանաստեղծի իր ինքնութիւնը. պէտք է ունենայ գինք՝ եւ ոչ թէ ուրիշ մը սիմեալէ ընող բանաստեղծի մը ինքնաթուղթը: Ի շահ իրեն, Վարուժանին մէկ ուրիշ տնունը պէտք չէ համարուի Մ. Թաւրիզեան:

Յուսալով որ լրջութեամբ ու ազնւուութեամբ նկատի կ'առնուին բոլորովին բարի տրամադրութենէ մը բխող մեր այս խորհուրդները, կ'ուզենք ժամանակը չհաւատարման հետ յարմարեցնել, որոնք հանդիպեցանք մեր ընթերցումի պահուն:

«Թեւատարած առեգտսոն ալիքին վրայ կիրքերուն Սպառի՛ն ու սպառի՛ն ու չոգին թագուհուն»:

Ենթակայի (առաջաստ) եւ բայերու անհամաձայնութիւն կայ նախադասութեան մէջ: Եզակի է ենթական, մինչ բայերը յոգնակի են:

Էջ 62-ի մէջ կը հանդիպինք նոյն արմատով շինուած երկու բառերու պատգամախումբ եւ պատգամապետ: Սըրա՛լ: Պատգամի խումբ կ'ըլլայ ա՛յս ձեւով եւ պատգամի պետ. մինչդեռ բանաստեղծը կ'ուզէ ըսել՝ պատգամաւորներու խումբ եւ՝ պատգամաւորներու պետ: Կրնար գիւրդութեամբ ըսել՝ դեպանախումբ:

Էզրուական անճշդութիւն է նաեւ երբ կ'ըսուի — «Քանդե՛ն, ջարդե՛ն անխնայ, ձերբակալեն ողջ արքան»: Բանաստեղծին ըսել ուզածը յայտնի է. — արքան չ'մեռնեն, այլ ձերբակալեն: Այդ իմաստը չէ ստացուած սակայն: Կրնան մտածել ոմանք. — արդէն արքան քղ կը ձերբակալեն եւ ոչ թէ մեռնայ: Կամ՝ կը ձերբակալեն արդէն ամբողջ արքան եւ ոչ թէ անոր մէկ մասը, քանի որ քղ զոյականի մը քով կը նշանակէ առհասարակ ամբողջ:

Էջ 23-ի վրայ՝ Մարգարտափայլ քրքիմֆներ կը նաւինմ ամբողջով, Պարանոցէ՛ն, ծիծեղէ՛ն, յամբողջ իր պարտին մէջ՝ Նաւահանգիստ մուտք գործող նաւերու պէս հողմածածկ:

Էջ 23-ի վրայ՝

Ձեզաւ: Քրտինքին կաթիլները որչափ ալ մեծ ըլլան եւ նաւերը օրջափ ալ պզտիկ՝ հեռու են իրարմով պատկերի համաչափութիւն մը ստեղծելէ: Լուսն կարելի է մեծ մըջիւնի մը շափ երեւակայել, բայց ոչ ուղտի մը շափ: Պատկերին ներդաշնակութիւնը կ'եղծուի այդ ձեւով:

Էջ 28-ի մէջ տող մը կայ ուր Արախօսքը Շամիրամին ուղղելով ի միջի այլոց կ'ըսէ նաեւ «Եւ թքուածիմն արցունքիդ ինչա՞ն աչքերդ կ'այրէ...»:

Մեր բարի նահապետ Արան իր օրերուն քիմիագէ՞տ մըն էր արդեօք, որ քիմիագէտի մը բառերով ըսէր... Կոր թքուածիմն արցունքիդ...»:

Ի՞նչ հարկ տարբայութեամբան բուրոյ այս բառին: Եւ այսպէս ուրիշ մանր սխալներ:

Ե. Պ.

ԻՄ ԱՇԵԱՐՀԷՆ

(ՇԱՀԱՆՆՈՒԻՏ)

1961 - Պէյրուք

Շահանդուխտ, նորեկ մը հայ դրահանութեան անդաստանէն ներս, իր այս տոալին գործով կու տայ սպաւորութիւններ ի՛ր աշխարհէն:

Վերնագրերը ինքնին կը բերէ այն սահմանափակումը, որ գրքին ընթերցումը կ'առաջացնէ անխուսափելիօրէն. Հպանցիկ տպագրութիւններ միայն կան հոն, որոնք հեղինակին յատուկ եզրղ առանձին աշխարհէ մը կու գան:

Աշխարհը, որ կը ներկայացուի, տարօրինակ ու բացառիկ աշխարհ մը չէ, մեր գիտցած ամենօրեայ, շատ սովորական, կը մղուինք ըսելու՝ «ընթացիկ» աշխարհն է. բայց եւ այնպէս հեղինակին կողմէ առանձնացուած է ան, վերածուած է իր աշխարհին: Դժբախտաբար սակայն, այս վերածումը եղած է ոչ թէ խորացնելով առանձնացուածը, տարբեր վերնագրերնեքու տակ, այլ ընդհակառակն, խուսափելով խորացումներէ, խուսափելով սրտինը ըլլալու սահմանուած անկեղծութեան ճիշէն, պահելով մակերեսային ներկայացումը իրը եզրղ աշխարհին:

Ի՞նչ վերնագրերնեքով նկարագրուած աշխարհին մէջ, հեղինակը կը բացակայի, հակառակ առաջին դէմքով գրելուն, հակառակ իր իսկ կեանքէն առած ըլլալուն նկարագրած դէպքերը, անձերը եւ վայրերը: Եւ կը բացակայի, որովհետեւ բարդոյթ մը կը կաշկանդէ պինջ՝ զըծուար անցած մանկութեան մը բարդոյթը, միացած ընկերային օրէնքներու ու կանոններու վախի բարդոյթին, «ի՞նչ պիտի ըսեն»ի մտածումին:

Կը ստանանք կիսատ ըսուած բաներու տպագրութիւնը, բնաւ չըսուած բաներու տպագրութիւնը. երբմն ալ կը մտածենք «հարկ կա՞ր այսքան էջ գրելու, եթէ բնաւ բան մը պիտի չլուրի, բան մը պիտի չյայտնարերուի,

բան մը պիտի չաւարտի մեր մաքին մէջ...»: Կրեթէ ամէն մէկ կտորի ընթերցումէն ետք կարելի է հարցնել, «լաւ, յետո՞յ...»: «Յետոյ» ըսելով չենք ուզեր ըսել անպայման ծածուած ու ծածծումուած պատմութեան մը շեշտակի վերաւորութիւնը: Պատմութիւն մը կարելի է հարցականով մըն ալ վերջացնել, ընթերցողին ձգելով եզրակացութիւնը. կարելի է տարտմութիւնն ու անորոշութիւնը որպէս նիւթ ունենալ. սակայն ընթերցողը պէտք է զգա՞յ ատիկա, ոչ թէ մնայ շուարած եւ հարցընել ստիպուի ինքզինքին՝ «յետո՞յ, ինչո՞ւ նկարագրուած է այս բոլորը»:

Բացառութիւն մը կարելի է ընել «նպատակ վերաբերուն» եւ «Մատամբ տեսա՞ր» կտորներուն համար, ուր անձնական սպրումը որոշ չափով ազատութիւն գտած է ու արտայայտուած, որով եւ կեանքը կայ: Յաջող է նաեւ «Արեւելեան բաղնիքներ» կտորը, եթէ զայն վերցնենք որպէս թղթակցութիւն դըրուած նկարագրական:

Լաւ հայերէն մը կայ գրքին մէկ ծայրէն միւրը: Կայ նաեւ շնորհքը: Հեղինակը միայն պէտք է ինքզինք, մեր բազատէ իր կաշկանդումներէն, եւ տայ մեզի իր ԻՐԱԿԱՆ ԱՇԽԱՐՀԸ, մակերեսէն անդին գտնուողը. տայ զայն առաջին դէմքով, թէ երբորդ, տարբերութիւն չ'ընէր. հիմնականը եզածով չգոհանալն է, խորանալը:

Ունի՞ր այդ կտորիութիւնը Եսահանգուիտ: Հակառակ մեզի հրամցուած այս հատորիկին պարունակութեան, մեզի կը թուի, թէ այո՛, ունի՛:

Բ. Փ.





ՈՍԿԻ ԱՔԱՂԱՂԸ

Համազգայինի «Գոսպար Իփէկեան» թատերախումբը, թատերական շարաթի մը համար իր խաղացանկէն վերառում մը կը կատարէր, ներկայացնելով Ռաֆիի «Ոսկի Աքաղաղը», թատերակի վերածուած, եւ Մարսել Փանեոլի «Ճազը», թարգմանուած «Պատանի Չոհր» անուան տակ: Թէ թատերակի վերածումը, թէ թարգմանութիւնը գործն են խումբին ղեկավար ու ղերոււոյց Պրն. Ժ. Մարգրիսեանի:

«Ոսկի Աքաղաղը» ներկայացուցաւ Մայիս 7-ին, 8-ին, եւ 13-ին երկու անգամ:

Ռաֆիի վիպակէն հանուած այս թատերակը շունի, իր ներկայ ձեւին մէջ, թատերական կառույց, առտինանրար զարգացող հիմնական նիւթ մը, որուն լրումին հաննելու նպատակն էր մէջ նկարագրուած ղէպերն ու տիպարները: Ունի սակայն սքանչելի դրձադրուած տիպար մը, դաւառական չըրչի ու չափազանց կծծի, տղէտ ու խաբերայ ստեւարականին տիպարը, որուն համար աշխարհը դմակ է, իր անխղճութիւնն ալ դանակ՝ համեղ պատասներ կտրելու եւ հարստանալու համար, թէկուզ եւ թշուառներու արիւնը ծծելով, անոնց տառապանքը աւելցնելով:

Պետրոս աղա Մասիսեան:

Ժորժ Մարգրիսեան:

Կար Ռաֆիի գրքին մէջ զծաղըրուած, եւ ասանամեակներ շարունակ թուլթի վրայ մնացած, հազուադիւտ ընթերցողներու ծանօթ Պետրոս աղա Մասիսեանը:

Այսօր կայ ապրող, կենդանի, հանրութեան աչքին առջեւէն չհեռացող, յի-

շողութեան մէջ յամեցող Պետրոս աղան, Պէյրութէն Հալէպ, Պաղտատ, Թեհրան, հայ ժողովուրդը հիացումի բացազանջութեամբ միայն կը յիշէ Պետրոս աղա Մասիսեանը: Հիացումը չիբիար անշուշտ անխիղճ ու կծծի, իր եւ ուրիշներու տունը աւերող Մասիսեանի ըմբռնումներուն, այլ զայն լաւագոյնս ըմբռնած ու վերակենդանացուցած, զայն ապրող տիպարի վերածած դերասանին, Ժորժ Մարգրիսեանին:

Ժորժ Մարգրիսեան: Պետրոս աղա Մասիսեան:

Երբ դերակատար մը կը յաջողի այնքան նոյնանալ դերին հետ, որ երկու անունները, տիպարինն ու իրականը, իրար կը զուգորդուին ու կը դատնան արժանելի, կը նշանակէ, բեմական արուեստի ըմբռնողութեամբ, ամբողջական դերասանի մը առջեւ կը գտնուինք:

Պետրոս աղա Մասիսեանի դերին մարմնաւորումն իսկ, այդ կատարելութեամբ, պիտի բաւէր Ժորժ Մարգրիսեանը զնելու արժէքաւոր դերասանի բարձունքին վրայ:

Անոնք որոնք դիտեցին իր խաղը, նշմարեցին կծծիացած իր ձեռքերը՝ կըծկըւած, լայնօրէն բացուելու այլեւս անկարող, կամ քթթոցը իր աչքերուն, ու կակոյօրէն եկող, խորքի հիմնական պահանջին զոհացում տալու համար մեղմացուած ձայնը, կամ ձեռքերուն ու թեւերուն շարժումները՝ խաբէութիւնը առաջ քշելու համար, անկասկած որ իրենց հետ տարին անմոռանալի վայելքը՝ արուեստագիտական ստեղծագործութեան, տիպարի մը ստեղծագործութեան:

Թատերակի Պետրոս աղան է, Պետրոս աղայով կը սկսի ու Պետրոս աղա-

յով կը վերջանայ: Կողմնակի տիպարներուն գոյութիւնը կրնայ արդարանալ միմիայն Պետրոս ազայի տիպարին զարգացումին բերուած նպաստով մը. նոյնը՝ կողմնակի դէպքերուն համար: Ահա թէ ինչո՞ւ բացարձակապէս աւելորդ են թատերակը տիպարացնող, հանդիսատեսը ի զուր տեղ յողնութեան առաջնորդող, Ծ-բզ, Թ-բզ, 10-բզ, եւ 11-բզ տեսարանները:

Միջայէլի Մոսկուայի կեանքը, իր բարեկամներուն մտայնութիւնը, կամ հայ ժողովուրդի տառապանքն ու ատոր համար կատարուած հանգանակութիւնը, ոչ մէկ կապ ունին Պետրոս ազային նետ: Վերջին վիպապաշտութիւն բուրոզ տեսարանները, Միջայէլի սիրահարութիւնն ու ամուսնութիւնը, անջատ նիւթեր են, կապ չունին Պետրոս ազային հետ, պէտք է զեղչուի անոնց մանրամասնները պէտք է փոխարինել մէկ արարուածով, ուր Պետրոս ազայի սնանկութիւնն ու մահը ցուցադրուին:

Այդ ձեւով թատերակը կը շահի, հանրութիւնը շտապուէր չորս ժամ մը՝ նալ թատերասրահին մէջ, կողմնակի տիպարներ իրական նիւթ կ'ունենան խաղալու եւ բաժին՝ թատերակի եւ գլխաւոր տիպարի կերտումին մէջ:

Թատերակի նիւթին վերաբերող այս հիմնական թերութիւնը նկատի առնելով երբ մօտենանք խումբի ամբողջութեան խաղարկութեան, գոհացուցիչ պիտի գտնենք դայն, տեղ տեղ շատ յաջող վերակենդանացումներով ու խաղարկութեամբ (Տիկ. Զ. Շանթ բանտարկուած երիտասարդի մօր դերով. Վարուժան Թըւըշեան՝ Աւետ արբերի դերով. փոքրիկ նուարդիկ Վարդապետեան շփոթ սիմէի մանկութեան դերին մէջ):

Բեմական ընդունակութեան ու ընտրութի յայտնութիւն մըն էր, մանաւանդ սկիզբի մասին մէջ, Օր. Շ. Այնթապեան, Հոբիֆիմէի դերով: Դիտողութիւն մը սակայն իր հազած հազուատին կարմիր գոյնին ու ձեւին համար,

որոնք նպաստ մը չէին իր տիպարի կերտումին:

Միւս տիպարները բեմական բաւականաչափ հաստատուն կառոյց չունին, ու մնացին ամբողջութիւնը շխանդարող, տանելի բնակութեան մը սահմաններուն մէջ: Բացառութիւն մը ընել պէտք է Պրն. Ժ. Շահապետեանի համար, որ Սիմոն Եակոբիշի տիպի դերով մը, եթէ չենք սխալիր, առաջին անգամն է որ կը ներկայանայ մեզի, եւ կրցաւ այս նոր ձեւի տիպարին պատկերացումը կատարել պէտք եղած ճկունութեամբ:

ՊՂԱՏՈՆԻ ԶՈՂԸ

Պղատոնի զո՞ւր ներկայացուեցաւ Մայիս 10-ին, 11-ին եւ 12-ին երկու անգամ: Զորս արարնոց այս թատերակին նիւթը հետեւեայն է, ամփոփ կերպով արուած: Կեանք մը ամբողջ մտքի ու հողիի աշխարհին նուիրած փրոֆ. Պալլաք, հոգեկան խորունկ փրուզում մը կ'ունենայ, երբ կը տեսնէ թէ տարիներու աշխատանքով կառուցած իր համբաւը մէկ անգամէն կը խորտակուի, երբ գիտնական մը կը փաստէ, թէ ձեռադրի մը կիսովին սրբուած բառերուն զուշակումովն ու ամբողջացումովը իր վերականգնած յունարէն գրութիւնը Պղատոնինը չէ, ինչպէս ինք կարծած էր մինչ այդ. ինչպէս հաւատացած էր նաեւ պիտական աշխարհը:

Մարմնական պահանջները միշտ դասած, զանանք ներմղած փրոֆէսէօրը, հասած է արդէն ծերութեան դուռը, երբ իր մտքին ու կրօններուն աշխարհը կը խորտակուի այդ ձեւով: Ափոստանք եւ հիասթափութիւն մը ծնունդ կ'առնեն իր հոգիին մէջ. «փուճ» կը յայտարարէ գրգրու ու մտքի աշխարհը, կը նետէ վրայէն ուսուցչական վերաբերուն, ու կ'ուզէ «կեանքը ապրիլ»:

Ինքն իր հետ երկար պայքարելէ

կաք, իր երիտասարդութեան աշխարհի ցանկութեանց վերլուծմէն ետք, անոնց ի զուր տեղ յազեցուած շքլալուն մտածումին հասնելէ ետք, կը փորձուի ամուսնանալ, իր տշակերտութիւնը, իր մէջ 35 տարով փոքր Սիլվիային հետ, շարժելով անոր գութը, անձնասպանութեան սպանալիքներով վախցնելով զայն:

Քանի մը օրուայ վարանքէ, կէս րեքան խոստումներէ ետք, աղջիկը կը գտնէ ինքզինք, իր դատարնկերոջ, երիտասարդ ուսանող Ստեփանովիչի հետ ու անոր օժանդակութեամբ ալ կը մեկնի փրոֆ. Պալլաքի տունէն:

Նոր խորտակումէն, այս նոր հիւսթափութեանէն ետք, ներքին նոր պայքարներէ ետք, փրոֆ. Պալլաք ի վերջոյ կը վերագտնայ իրեն հարադաս միակ աշխարհին, գրգերու ու մտքերու աշխարհին:

Փանելոյ այս թատերակը լաւ կառուցուած գործ մըն է, տիպարները կանգուն պահող, ցցուն դարձնող ու անոնց բնականութիւնը պահող բաւարար սողերով, արագ ու կենդանի ընթացող տրամախօսութիւններով: Միակ բացառութիւնը կը կազմէ փրոֆ. Պալլաքի բարեկամ, երկաթի վաճառական Պէրկանի տիպը, որ ոչ մէկ կապ ունի թատերակին հետ, մտցուած է առաջին տրամաբանէն ներս, որպէս «փրոֆէսէօրին բարեկամ հիւր»ը, պարզապէս կարեւորութիւնը տալու համար հեղինակին իր նիւթին ցուցահանումը ընելու եւ փրոֆէսէօրին գաղափարական մտաւորականի տիպը ընդդռնելու, կեանքէն հեռու մնացած ըլլալը շեշտելու համար: Թատերակին միակ տկար այդ մասը անցնելէն ետք, առաջին արարի առաջին մասով փլուրդէսէօր Պալլաքի տիպարին ծանօթանալէ ետք, թատերակը կ'ընթանայ պէտք եղած զարգացումով, պէտք եղած բնական յանրգականութեամբ ղէպքերուն, պէպի բարումը, ղէպի վերջնական լուծումը, փրոֆ. Պալլաքի հոգիին ու մըտքին խախտուած հաւատարակչութեան

Վերահաստատումը:

Համազգայինի «Գոսպար Իփէկեան» թատերախումբը, թատերական արուեստի անխառն վայելք մը ընծայեց Պէյրուսթաւայ Հասարակութեան, Մարտիլ Փանելոյ այս գործին բեմադրութեամբ: Եւրոպական լաւ պատրաստուած ու փրոֆէսիօնալներու թատերախումբ մը նոյնքան վայելք պիտի պատճառէր միայն եւ ոչ աւելի, կթէ անշուշտ, մերը երող արժէքներուն վերաբերմամբ ստորակարգական բարդոյթները մէկդի դրուին:

Զկայի՞ն թերիներ. անշուշտ որ կային, կարելի է մատնանշել, փնտռել, երեւան բերել. ոմանք տեսանելի՝ առանց փնտռելու, առաջին նայուածքով պիտի մատնանշենք: Սակայն բոլորն ալ երկրորդական կը դառնան, շուտով կը սրբուին, կ'անհետին մտքէդ, ու կը մընայ միայն հոյակապ խաղարկութիւնը խումբին, որպէս ամբողջութիւն առած, ու ամէն մէկ զերասանին՝ որպէս անհատ դերասան առած: Կը մնայ արուեստը, արուեստի գործի մը ներկայ եղած ըլլալու յուզիչ ապրումը, գոհունակութեան, անխառն գոհունակութեան զգացումը, ու բառերը կը սկսին պակիլ սահմանելու համար զգոյնութիւններն ու մտածումները:

Ո՞ր անկունէն սկսիլ, ո՞ր մէկ դերասանէն, ո՞ր մէկ դերէն: Երկրորդականներէ՞ն: Իայց կա՞յ երկրորդական դեր, երբ յաջող է թատերակը, ու արուեստի պահանջներով կը մօտենան բեմադրութեան գործին, դերասաններն որ բեմադրելը:

Աշակերտներէ՞ն սկսիլ արդեօք, ու մատնանշել այնքան բնական եւ ուշադրաւ խաղարկութիւնը Մարգիս Մարգիսեանի, իր կողքին նաեւ Կ. Պալլաքաւորեանի եւ Ա. Պոյաճեանի. թէ ոչ նախ մատնանշել Պրն. Յակոբ Նոյրուտեանի սքանչելի մարմնուորումը համալրարարնի բարապանին, միամիտ նախկին ոստիկանին, օրուն սրբազան բանջ իր բանալիներն են ու օրէնքը միայն: Հապա Մելանին, փրոֆ. Պալլաքի սպա-

սուհին (Տիկ. Զեփիւն Եանթ) գուրգուրոտ, իր փրօֆէսէօրով հպարտ, նոյն ասան որոշ չափով մը երիտասարդներէն նախանձող, քիչիկ մը քրոջ տեղ անցած ու խրատող, փրօֆէսէօրը ուզից ճամբուն բերելու համար անդադար մը թմբըթացող Մելանին, որ իր դիտու, մարմնի ու ձեռքի շարժումներով այնքան բնական կերպով վերակենդանացուեցաւ Տիկ. Եանթի կողմէ, որ կու դար ապացուցել իր խաղարկութեամբ, թէ ըմբոնողութիւն ու շնորհ ունեցող դերասանին կամ դերասանուհիին համար չկան արհամարհելի դերեր, այլ կան միայն դերեր, որոնց կարելի է բեմական արուեստին շնորհիւ շունչ ու կեանք տալ:

Համալսարանի անօրէնին դերը կը խաղար Պրն. Խաղչեան: Աչքերու բացխըրտումներով, ուտերու իր բռնուածքով, ձայնի սքանչելի ելեւէջներով, կրցած էր ան ցուցահանել տարիքը տաւած, պայտօնիմ դերը խաղցող անօրէնի տիպար մը, փրօֆ. Պալաքի փոտքին եւ հմտութեան, աշակերտներուն քով սանեցած ժողովրդականութեան նախանձող, դաւադիր ու ամսեղուի ծերտակի տիպար մը: Գիշ մը չափազանցուած սոսեղ կութիւնը եթէ զեզուի, Պրն. Վարուտան Խաղչեան, իր այս դերով, ցարդ խաղացած տիպարներէն տարբեր տիպարի մը ներօրէն տարբեր խաղարկութեամբ, կու գայ կանգնել հայ բեմին վրայ որպէս դերասան, որ համայն կ'երլի զէպի արուեստի բարձունքները:

Յայտնութիւն մըն էր Սր. Գարմէն Պուտաքեան, բեմական կարելիութիւններով, շնորհներով ու յարմարութիւններով: Ռուսոնոտուհի Սիլվիայի իր գերը, թէնէ համեմատաբար երկրորդական ու պարունակութեամբ ոչ հարուստ, սահման փրօֆ. Պալաքի հետ ունեցած իր կուտակցութեամբ, անոր մէջ ուսուցացուցած սիրոյ զգացումով կը դառնար փափուկ դեր մը, դժուար, խուժեղով լի, եւ որ կրնար վաճառել, նոյնիսկ ծիծաղելի դարձնել փրօֆ. Պալաքի տիպարը ներկայացնող դերասանին

նին խաղարկութիւնը: Բայց եղաւ ճիշդ հակառակը: Սր. Պուտաքեան կրցաւ կենդանացնել միամիտ, դիւրազած ու դիւրախար աշակերտուհիի տիպարը, ամենայն բնականութեամբ, ու իր խաղով կարելի դարձուց փրօֆ. Պալաքի եւ իր յարարներութեանց տեսարաններուն սլարալաքիքի սահմաններուն մէջ մնալը:

Պրն. Խաղչեանի Լիպարիտեան երիտասարդ սիրահարի տիպարիտ ու դժուարին դերը կը տանէր: Կը պակսի տակահին իրեն արտայայտութեանց, ապրումին բնականութիւնը, խորութիւնը, որ կրնայ դալ յարատեւ աշխատանքով ու ճիպով:

Պերկանի տիպարը կիսկատար է, շունչ բաւարար դոյութեան իրաւունք. զայն տանելի չափերով բեմ հանելու պարտականութիւնը ինկած էր Պրն. Մ. Ապստեանի ուտերուն:

Պրն. Ժ. Եահայեան զգալի յառաջդիմութիւն մը կը յայտնարերէր բնականութեան եւ ապրումներու արտայայտութեան հարազատութեան մէջ, իր ստանձնած երիտասարդի դերով: Երիտասարդը փրօֆ. Պալաքի երիտասարդութիւնն է, երեւակայութիւնը, յիշողութիւնները, որոնք բեմին վրայ կը մարմնաւորուին տիպարով մը, որ պայքարի մէջ է փրօֆ. Պալաքի հետ, զայն տանելու համար իր հին շապրուած կեանքին, սեներուն ու սէրերուն, զայն խորտակելու համար, անծելու համար չյազեցած երիտասարդութեան մը վրէժը: Պրն. Եահայեան այդ երեւակայութեան յաջող մարմնաւորումը եղաւ. զրզուող, փորձութեան ենթարկող, նեղ բուպէն օգնութեան հասնող, ապա մահացնելու խի պատրաստ: Եատ յաճախ վերերկուսմը սակայն երիտասարդին, յիշողութիւնները ներկայացնող այդ անձնաւորութեան, ունէր անխուսափելի վտանգը իր մէջ. կրկնութեամբ, յաճախակի կրկնութեամբ ծիծաղելի դառնալու վըտանգը: Հեղինակը, կամ բեմագրիչը պէտք է նուազեցնեն անոր երեւումները, պահելու համար հասարակութիւնը ոչ-

բերական ապրումի սահմաններուն մէջ: Փրոֆ. Պալզաքի ծանր դերը բաժինն էր Պրն. Ժ. Սարգիսեանի: Գաղափարական մարդը, հիասթափուած մը՝ տաւորականը, սէրը իր մէջ մեացուցած մարդը, սիրոյ կարօտով տառապող, սակայն երկար ատեն մարմինը, աչքերն ու ձեռքերը զսպող մարդը: Յանկարծ հոգարձ մը փորձող ուսուցիչը, որ աշակերտներուն իսկ աչքը բանալ կ'ուզէ, զանոնք կեանքին մղել կ'ուզէ. ուշացած փորձը տիրանալու դեղեցկութեան ու մարմնին. եւ մանաւանդ մարդկային ներքին պայքարը հակադիր մղումներու միջեւ, — այս բոլորը պիտի արտայայտուէին բեմին վրայ ու տրուեցան ամբողջական, ապրուած, ըմբռնուած ու իւրացուած, վերակենդանացուած ձեւով, Պրն. Ժ. Սարգիսեանի կողմէ, որ կուզար Պետրոս աղա Մասիսեանի դերը խաղալէն մէկ օր ետք, այս բոլորովին տարբեր տեսակի տիպարին այդքան յաշուոյ խաղարկութեամբ, ընդդէմու՝ դերերը լաւագոյնս ըմբռնելու, տիպարներուն հետ նոյնանալու ու զանոնք վերապրեցնելու դերասանի իր անվիճելի կարողութիւնը:

Մեծ նպաստ մըն էին թատերակին յաջողութեան, նաեւ շատ յաջող դիմա-յարդարումները, մանաւանդ փրոֆ. Պալզաքի դիմադարձումը (Ս. Յ. Սարգիսեան) ինչպէս նաեւ յոյսերու զասաւորումն ու խաղերը (Յ. Մամիկոնեան) ու բեմայարդարութիւնը (Տ. Շիրինեան):

Ուժերին ամբողջութեան և անոր ամբողջական յաջողութիւնը կը պարտինք անշուշտ եւ ամէնէն առաջ՝ բեմադրիչին, որ նոյնպէս Պրն. Ժ. Սարգիսեանն էր. վայելքը այս պարագային, ոչ միայն անշատ խաղարկութիւններն էին այլ նաեւ ամբողջութիւնը, այսինքն բեմադրիչին ալ աշխատանքը: Այդ մարզին

մէջ, երկրորդական թերութիւններ էին Պրն. Պերկանի տասը ժամ ճամբորդութենէ ետք, ճամբորդական պայուսակով ըլլալով հանդերձ, Փրաճ Հազաձա՞ն ըլլալը. Ստեփանովիչ ուսանողին նիւթականի կարօտ վիճակի մէջ ըլլալով հանդերձ, այդքան շիջ հազուած ըլլալը. Սիլվիայի ու Ստեփանովիչի փոփոխութեան քովէն հեռանալու վերջին տեսարանին մէջ քիչ մը շատ արագ, շատ մեղեմական ու անբնական ձեւով մեկնումը երկուքին, որ բնականաբար ծիծաղ պիտի առաջացնէր:

Ուշադրութեան արժանի էր նաեւ, լեզուական թերի մը. Լ. Շանթ ունէր ի՞ր լեզուն, եւ երբ ի՞նչն է դորձածողը, իր ճարտարութեամբ եւ ամբողջականութեամբ, չենք խրաչիր. սակայն երբ յանկարծ, տեղ տեղ միայն, տող մը երկու Լ. Շանթի լեզուով կ'արտայայտուէ թարգմանիչը, բնականաբար խորթ կը հնչէ:

Մանր թերութիւններ են ասոնք միայն, «Գասպար Իփէկեան» թատերախումբը ու իրենց վարիչը, Պրն. Ժ. Սարգիսեան, իրենց այս զոյգ ներկայացումներով ո՛չ միայն վայելքը աուրի Պէյրութահայ Հասարակութեան, բեմական արուեստին — եւ այս, հակառակ խաղցուած նիւթերուն կրկնութիւն մը ըլլալուն — այլ նաեւ ընդդէմցին խումբին հաւաքական արժէքն ու կարելիութիւնները՝ աւելի գոնաւորին թատերակներու այ խաղարկութեամբ:

Յարատեւ վերելքն ու կեանքն են որ հիմա պարտաւորութիւն կը դնեն խումբին ու իր վարիչին ուսերուն, ձեռք զարնելու նոր նիւթերու, աւելի ծանր ու աւելի արժէքաւոր պարունակութեամբ թատերակներու, հայ Հասարակութեան հրամցնելու նաեւ թատերական արուեստի աւելի բարձր մակարդակներուն վերայ գոնաւոր թատերակներ:

ԱԻԵՐԱԿՆԵՐԻ ՎՐԱՅ

Մարտ 24-ին եւ 25-ին Լ. Օ. Ռաչի քաղաքի մասնաճիւղի կազմակերպութեամբ եւ ղեկավարութեամբ Պրն. Ք. Այնէճեանի Համազգայինի «Լեւոն Շանթ» թատերախումբը ներկայացուց Երբվան-զաղէի «Աւերակների վրայ»:

Թատերակներ կան, որոնք չեն կըրնար սպրիլ իրենց ժամանակէն անդին, կը դառնան հին ժամանակները յիշեցընող երեւոյթ մը միայն: Այդպէս է մանաւանդ, երբ օրին իսկ թատերակը խորք չէ ունեցած եւ սպրումներուն արտաքին երեւոյթը միայն նկատի ունեցած է:

Անոնցմէ է Երբվանզաղէի «Աւերակներ» վրայն:

Յաջող կայծեր հոս ու հոն, կարելիութիւններ: Սօսի թաւաբճեան՝ Նոյնեզարի դերով, Բիւզանդ Արղումանեան՝ Աթանաս Փրանդիւլեանի դերով, Մարի Ռաչատուրեան՝ մօրը, Նարկիզի դերով, Մարտո Մարաշլեան՝ Եմաիլ բէկի դերով, Վարդուհի Գիւրգենեան՝ Ովաննայի դերով: Երբեմն ուշադրութիւն դրաւող խաղ մը: Օրինակ Պրն. Գ. Գազանեան՝ որ առաջին անգամ ըլլալով բեմ կը բարձրանար, սիրահարի պատասխանատու, դժուարին դերով մը կըրցաւ սպասուածէն ակնին տալ իր դէմքի արտայայտութեանց ու շարժումներու խաղարկութեամբ. թերութիւնը՝ որուն պէտք է յաղթահարէ, եթէ կը սիրէ թատերական արուեստը, լիզուական է, հնչիւններն են, շեշտերը. եւ անշուշտ փորձառութեան պակասը՝ որուն կտրկի է յաղթիլ յարստեւ ճիշտ միայն: Երբեմն յաջող խաղարկութիւն մը՝ ինչպէս օրինակ Պրն. Գալուստ ձանաղզեանի խաղարկութիւնը, հիւանդ եղբոր դերին մէջ, Ասոնք էին որ պահեցին խաղարկութիւնը ընդհանուր առումով բաւարարի սահմաններուն մէջ, մտածել տալով մեզի, որ եթէ չպակսի իրենց թատերին իրական սէրը, չպակսին նըւերուելու, յարստեւելու, յառաջդիմե-

լու համար պէտք եղած կամքն ու աշխատանքը, հաւանական է որ հասնին բարձունքներու:

Պրն. Ք. Այնէճեանի կատարած ընտրութիւնը ձորճ Ալիլիբէկեանի դերին, թերեւս չէր համապատասխաներ իր բեմական կարողութեանց. շատ ակնի յաջող խաղարկութիւն մը յայտնարեաճ էր «Հին Աստուածներու» ձգնաւորի դերին մէջ:

Գերեք ունէին Նաեւ Օր. Սիւզի Ռաչատուրեան, Օր. Ազատուհի Ռաչատուրեան, Յարութիւն Գարրիլեան, Յարութիւն Մահլեպեան որոնք կըրցան պահել պէտք եղած համաշփութիւնը, ընդհանուր խաղարկութեան մէջ:

ՆԱՄՈՒՍ

Հայ Աւետ. Գոլէճի Երջ. Միութեան թատերախումբը, 28 Ապրիլին եւ 5 Մայիս 1962-ին, Գոլէճ տը լա Մալի թատերասրահին մէջ ներկայացուց Երբվանզաղէի «Լեւոնու» բեմադրութեամբ Պրն. Ա. Կարապետեանի:

Թատերակ մը՝ որ շատ շատ կրնայ համարուիլ փորճ մը, որոշ ժամանակաշրջանի մը բարքերուն պատկերացման, Բազմաթիւ դժուարութիւններ... Օրինակ արեւելահայերէնը ուղիղ հնչելու. կամ ձախորչ թատերակի մը կիսկատար տիպարներուն՝ տկար ուժերով շունչ տալու. նոր բարքերու տէր հասարակութեան մը առջեւ, հինցած բարքերու ուրուագծային թատերակով մը, առանց կատակերգութեան զիրկը իյնալու, հրապարակ դալու անկարելի փորճ մը, նոյնիսկ եթէ սեփերը փորճուած ուժեր ըլլային:

Տեղ տեղ դժուարութիւն ունեցող քիչ մը բնական խաղարկութեան նշոյլները շնորհաւ փրկելու համար թատերակ մը, կամ ներկայացում մը, ինչքան ալ զնահատելի ըլլայ Հայ բեմին համար թափուած անադին ճիշդ ու աշխատանքը:

ՕՓԵՐՈՒ

ԿԱՐԻՆԷ

Պէյրուսի Հ. Բ. Լ. Մ. եան եւ Հ. Ե. Ը. ի մշակութային կեդրոնական յանձնախումբի կազմակերպութեամբ, մասնակցութեամբ Հ. Ե. Ը. ի «Երզնի պարի» խումբին եւ Վ. Փափազեան թատերախումբին, Մայիս 5, 6, 11, 12 եւ 13-ին, Գալուստ Կիւլպինկեան հանդիսարանին մէջ ներկայացուցաւ Տիգրան Չուխանեանի «Էլէպլէպլեի Հոր Հոր Աղաճ» հանրային վերածուած, վերամշակուած թ. Մարտանի կողմէ, «Կարինէ» անուան տակ: Արժանատիան ղեկավարն էր Ծանօթ երգահան Պրն. Հ. Պէրպէրեան, բեմադրիչն էր Պրն. Պ. Ճաղիեան:

Օփերաներու եւ օփերեթներու մէջ պլխուոր դժուարութիւնը կը կայանայ երգին ու խաղին համադրութեան մէջ, երկուքին ալ յաջողութեանը մէջ:

Յաջող ըլլալով հանդերձ, մենակատարները չունէին անշուշտ օփերաներու յատուկ օւժեղ ու մարզուած ձայներ, այդ պակասը կը փոխարինուէր սակայն ընդհանուր առումով յաջող խաղարկութեամբ մը, մասնաւորապէս Հոր Հոր աղան (Չարեհ Ջրոյեան) որ զերասանի մը կարողութիւնը երեսուն բերաւ որպէս ընկերակցութիւն իր երգերուն. ինչպէս նաեւ Օր. Ն. Պէրպէրեան, որուն ո՛չ միայն խաղը յաջող էր ու բնական, այլ նաեւ ձայնը, ու երգելու թէքիքը. նոյնը կարելի է ըսել Պրն. Տիգրան Ժամկոչեանի համար (Մարգարի դերով): Պրն. Ս. Գունազճեանի խաղարկութեան պակասը (Արմէնի դերով) մեներգներու կը վերածէին իրեն բաժին ինկած եղանակներուն վերարտադրումը:

Մասնաւոր յիշատակութեան արժանի են Արմէնի բարեկամները, թորոս Սարգիսեան, Համբարձում Տաարեան, Յարութիւն Թումայեան, Գէորգ Սողոմոնեան, եւ ուստիկանապետը՝ Պրն. Վարդգէս Իւրնէլիան, որոնք իրենց բեմական խաղով եկան շարունակ համեմատու օփերեթին դանազան տեսարանները: Երեսուն հոգի բեմին վրայ, երբեմն

աւելի, ինչքան ճիշդ ու աշխատանք պէտք է շինարու համար անբնական կեցուածքներու, դիրքաւորումներու ու շարժումներու խութերուն վրայ... Պր. Պ. Ճաղիեան ճարտարօրէն, կրցած էր օփերեթի խումբը փրկել այդ խութերէն, եւ սուսուսափրուած, ըմբռնուած, բնական դասաւորումներով, անկիւններու մէջ, կամ կողմնակի տեղի ունեցող մանր մունրը խաղերով, սուսացանկ զժուարիներ՝ բնականը, կեանքը բեմին վրայ, այդքան բազմանգամ խումբի մը մէջ:

Իր ձեռք բերած յաջողութեան մէջ խոշոր մասը, խումբը կը պարտի անկասկած, զհրուսոյցին, բեմադրիչին, Պրն. Պ. Ճաղիեանին:

Գունեղ, պունակեղ էին ու ճոխ, հազուադեպ: Բայց քանի որ կարելի էր արդիականացնել մազերը աղջիկներուն, կողիկներն ու հովանոցները, ինչպէ՞ս կարելի չլլար արդիականացնել սոյոց մեծ մասին զլխանոցները... որոնք ոչ միայն հանելի լէին, այլ արարինակ կերպով կը հասարակցնէին տիպերը:

Երաժշտական համադրութեան, համաչափութեան, ու երգչախումբին այնքան անսայթաք էլոյթը անշուշտ կը պարտինք երաժշտական խմբավար Պրն. Հ. Պէրպէրեանին եւ իր ղեկավարած նըւադախումբին:

Եթէ օփերեթային ձայներու փառլուն ցուցադրութիւն մը շեղաւ «Կարինէ»-նէն, յամենայն դէպս ժողովրդային գոհունակութեան յաջողութիւն մըն էր ան:

Դիտողութիւն մը սակայն նիւթի ընտրութեան տեսակէտէն: Եթէ այսքան աշխատանք պիտի թափուէր ու համադրուած ճիշդ, ինչպէ՞ս երթալ զերեզմանէն հանել «Էլէպլէպլեի Հոր Հոր աղաճ» թէկուզ եւ հայացուած...: Եթէ անպայման Չուխանեան պէտք էր խաղալ, կայ իր Արշակ Բ.ը, որ Օփերա է անշուշտ, եւ աւելի դժուար՝ անկասկած, սակայն գէթ Արշակ Բ. է եւ ոչ թէ «Էլէպլէպլե» ճիշդ: Բ. Փ.

«ՔՆԱՐ» ԵՐԳԻ ՊԱՐԻ ԱՆՍԱՄՊԼԻ ԵՐԵԿՈՆ

Հինգ ասրիններ է վեր հրապարակի վրայ այնուս ինքզինք պարտադրած երգի ու պարի խումբ մըն է «ՔՆԱՐ»ը: Տարին քանի մը անգամ կրկնուող իր ելույթներուն, հաղարատը հանդիսականներ ժողովրդական արուեստէն փոխանցուող վայելքը կ'ապրին, սպասելով յաջորդ ելույթներուն, մեծ հետաքրքրութեամբ եւ կարօտի զգացումով:

Հիմնադրութեան առաջին իսկ օրէն, այս խումբին ղեկավար անձերը ազնիւ նպատակ մը ունին յառաջադրած: — Մանկայի շայ մշակոյթիմ, երգի ու պարի գծով: Տողը փրցուած է այն յայտապիր պրոչիւրէն, զոր վերջին իրենց ձեռնարկներուն — Քոլէժ տը լա Սալի մէջ տըրուած, 15 եւ 16 Ապրիլ 1962-ին — բաժնեցին սրահէն ներս մտնողներուն: Եւ այդ նպատակին ի խնդիր քով քովի են բերուած պարելու եւ երգելու շնորհով ստուած տղանքն ու աղջիկները, որպէսզի մեր ժողովրդական գոհարներու մասուցումովը, հաղորդ գարձնեն Հայ հանդիսականները այդ գեղեցկութեանց, եւ հպարտութեան ու խանդավառութեան զգացումներով լեցնեն զանոնք, հայկական արժէքներուն հանդէպ:

Ձեռք ուզեր մանրամասնօրէն անդրադառնալ այն զժուարութեանց, որոնք յաճախ շատ մը տեղեր արգելք կ'ըլլան նման ազնիւ նպատակներու իրադրման: Փորձերու յատուկ սրահներու պակասը, ընդհանրապէս աշխատաւոր տարրերէ կազմուած ըլլալուն պատճառաւ փորձերու անկանոնութիւնը՝ ստիպողական բացակայութեանց հետեւանքով, որակաւոր օւժերու հետք մնալու սրամաղդրութիւնը, պետական նիւթական միջոցներու չըռոյթիւնը, ձեռնարկներու կաղձակերպչական անաւոր զժուարութիւնները եւլն, եւլն: :

Բաբերախտաբար, այս յուսահատե-

ցուցիչ զժուարութիւններուն զիմաց, կայ գոհողութեան, անխառն նուիրումի ողին, Տէր եւ Տիկ. Աբրահամեաններու մօտ, որոնք նոյն այդ ողին փոխանցած են իրենց զաւակներուն:

•

«ՔՆԱՐ» խումբը իսկապէս որ արժանի է զնահատութեան, իր առաջելութեան համար: Արտասահմանեան մեր սա ընդհանուր թահուրոհին մէջ, երբ ռուսկաներն ու սամպաները, ռոմանիներն ու թուրքները, իրենց խենդ շարժումներու յորձանքին մէջ կ'առնեն երիտասարդութեան հազիւ բացուած մեր տղանքն ու աղջիկները, երբ օտար երգերու հանոյացնող ու թեթեւցնող մեղեդիները կ'աղաքտեն անոնց Հայ լսողութիւնը, «ՔՆԱՐ» խումբը կու գայ բանալու մեղի Հայ երգին քաղցր ու հարալուս ձայնը եւ Հայ պարին ազնուացուցիչ նազանքն ու առնական շարժումներու խրոխտութիւնը: Ներքութիւնը՝ հեղանկուն աղջիկներուն եւ ուժը՝ լեռնադաւակ տըզամարդներուն:

Այս բոլորով հանդերձ, իր ընդհանրութեանը մէջ գիտուած, կ'ուզենք նշել հետեւեալը:—

Բեմին վրայ զորձազրուած քանազան բաժնիներու միջեւ ներդաշնակութեան եւ ամբողջական ըլլալու պակասը կը նշմարուէր: Այն ապաւորութիւնը կը ստանայինք յաճախ, որ իւրաքանչիւր բաժին — պարախումբ, երգչախումբ, նըւադախումբ — ինքնիր մէջ եւ ինքն իրեն համար զօրծող միաւոր մըն է, անկախ ամբողջական միութեան մը մաս կազմելու անհրաժեշտ պարտաւերանքէն: Մասեր կային ամբողջէն անջատ. սենեակներ՝ շէնքի շփումառող: Ահա թէ ինչո՞ւ յաճախ պարողներուն աստի շար-

ժուժներն ու նուազախումբի չափերը անկանոն ընթացքով կը գործադրուէին:

Խումբը կազմող անդամ անդամուհիները, գրեթէ ամէնքն ալ օժտուած են բաւական լաւ շնորհներով, ըլլայ պարի, ըլլայ երգի բաժիններուն համար:

Աւելորդ կը գտնենք մեներգողներուն անշահ ճիգը, հայաստանեան երգիչները ընդօրինակելու: Ամէն անձ ինքզինք պէտք է ըլլայ եւ ոչ թէ պատճէնը բնագրին:

Այս տեսակէտէն դիտած, երկու ձեռնարկներուն ալ, որոնց ներկայ եղողները խանդավառութեամբ եւ քաջալիքներով արդար ծափահարութիւններով դիմաւորեցին զիրենք, պէտք է գնահատուին:

տանքով յիշել անունը Օր. Ա. Հայթա- հանի, որ Զէյրանի պարին մէջ, իր նուրբ ու զուսպ շարժումներով, պարելու ըս- քանչիւր շնորհով մը, զատուեցաւ բե- մական ընդհանուր մթնոլորտէն եւ շատ կարճ իր ելոյթովը արուեստի վայելքը մնայուն ապրումի վերածեց մեր հոգի- ներէն ներս:

Իրբեւ եզրակացութիւն կրնանք ը- սել, որ սփիւռքի իսկապէս աննպաստ սա պայմաններու ներքեւ «ՔՆԱՐ» խումբին ներկայութիւնը մեր կենսոյն ներս ան- հրաժեշտութիւն մըն է, ազգային մեր պոյութեան պայքարին համար, ու պարտք կ'իյնայ ամէն Հայու վրայ, կա- ռելի օժանդակութիւնը բերել այս ձեռ- նարկին:

ՄԱՄԻԿՈՆԵԱՆ՝ ԵՐԳՉԱՆՈՒՄԲԻՆ ՀԱՄԵՐԳԸ

Պոլսոյ «Մամիկոնեան» Երգչախում- բը համերգ մը տուաւ Ամերիկեան Հա- մալարանի Չեփըրին մէջ, հոգեւոր եւ աշխարհիկ երգերու յայտագրով մը:

Խումբին մաս կը կազմէին Պոլսոյ Օփերայի մեներգող Օր. Ալիս Քիթապ- ճեան, Պեա. Երգչախումբի անդամներէն Գեղամ Քիպարեան, Ժանէթ Տօնիկեան, Մովսէս Քոչաքեան եւ այլ արժէքաւոր տարրեր: Խումբը իր ամբողջութեանը մէջ հետեւ էր լրիւ կազմը ներ- կայացնելէ, ինչ որ մասնաւորաբար ըզ- դալի դարձաւ յայտագրի որոշ մասերու կիրարկման մէջ, յատկապէս ուժերու անհաւասարակութեամբ:

Յայտագրին առաջին մասը կը բաղ- կանար Կոմիտասեան քառամայնով Ս. Պատարագի կարգ մը կտորներէն, իսկ երկրորդ մասին մէջ տեղ գրաւած էին, բացի Կոմիտասի երգերէն, կարգ մը դա- սականներ եւ նոր ստեղծագործութիւն- ներ, գրեթէ բոլորն ալ հայ երգահաննե- րէ:

Երգչախումբը, որ բազմաթիւ զբո- ուարութիւններ յաղթահարելու հարկա- դրանքին տակ կը գտնուէր, - յոգնու-

թիւն, փորձի պակաս, ուժերու ներդաշ- նակումի կարիք եւ նման պարագայական ստիպողութիւններ - , կրցաւ այսուհան- դերձ ըստ բաւականին յաջող դուրս գալ այս համերգէն: Համերգը տրուեցաւ գրե- թէ առանց լուրջ ու խնամուած փորձի, պակասաւոր կազմով մը: Կարելի էր ան- շուշտ աւելի մեծ արդիւնքի մը հասնել, եթէ փորձերը տեղի ունեցած ըլլային կանոնաւորաբար, եւ խումբը կազմուած ըլլար աւելի որակաւոր ուժերէ եւ ոչ թէ ճամբորդելու կարելիութիւնն ու արա- մադրութիւնը ունեցող տարրերէ միայն:

Այսուհանդերձ, ձեռնարկը կարելի է նկատել տուեալ պայմաններու մէջ դո- հացուցիչ՝ ի մասնաւորի մեներգչներու բաժնին համար, որոնք ցոյց տուին, թէ կը կատարուին փորձառու եւ օժտուած արուեստագէտներու կողմէ: Այսպէս, Մովսէս Քոչաքեան եւ Գեղամ Քիպար- եան փաստեցին իրենց անուրանալի ար- ուեստը: Անմոռանալի պիտի մնայ մա- նաւանդ Ալիս Քիթապճեանի ինքնատիպ մեկնարանութիւնը Կանաչեանի «Օրո- բ»ին:

Ե. Գ.

Մեր ԴՊՐՈՑԱԿԱՆ ՊԱՐԲԵՐԱԿԵՐԹԵՐԸ

«ՆՈՒԻՐՈՒՄ»

Երեք թիւ 1961-ին, 212 էջ, եւ այս տարուան առաջին թիւը 56 էջով, կը կազմեն աղուոր նուիրում մը Հայ դիրին ու գրականութեան:

Հայրէն լեզուն Հոս եւս մարտ է եւ բնականորէն գործածուած: Կը հանդիպինք գրական շնորհք ունեցող անուններու, որոնց գրութիւններուն ընթերցումը վաղիք ընծայելու շափ ու շագրաւ է տեղ տեղ: Իբրեւ այդպիսին կ'ընդգծենք 1962-ի առաջին թիւին մէջ Տ. Արրահամեանի «Փարապիթ»ը եւ Յ. Պազաշեանի «Լեռագարձը» (2961 թ. 3), հակառակ այս վերջինին մէջ մուտք գրտած շահուրեան որոշ ազդեցութիւններուն:

Յաջող էջ մը ունի, գրեթէ գիւտ մը, Ն. Ինկիլզեան, «Գարձեալ Յրդ թիւին մէջ, «Միջնորակային գրոյց», ուր կը նկարագրէ երկրէն արձակուած նեւակն վիրաւոր Լուսինը, եւ զինք շրջապատող մուրակներուն գուրգուրանքը (անդ մը, անխորժ «կոր» մը կը ծակէ սակայն ընթերցողին սկզբը): Եղիշէ Հաճազեան եւս կը գրուէ մեր ուշադրութիւնը իր կարճ բանաստեղծութիւններուն եւ մտածումներուն ինքնատուրութեամբ (Յրդ թիւ): Ժիրայր Դանիէլեան անկեղծութեամբ ու բնականութեամբ կըրցած է տալ աշակերտի մը ապրումներն ու մտածումները, գփուար քննութեան մը ընթացքին, իր «Երեք ժամ» կտորով, 1961-ի երկրորդ թիւին մէջ. սակայն թէ՛ անդին, Յրդ թիւին մէջ, «Տուրք Հ. Բ. Ը. Մ. Կեան բանաստեղծութեամբ, կը գործէ մեղքը՝ Վ. Թէգեանի նմանողութեամբ գրելուն:

Պարբերաթերթը ունի նաեւ իր գիտական, փիլիսոփայական, ուսումնասիրական բաժինը, թէ՛ մը շատ ծաւալուն ու շատ ծանրաբեռնուած եւ, բնականաբար, նուազ ինքնատիպ, ինչպէս կ'ըլլան բոլոր դպրոցական պարբերա-

թերթերու ուսումնասիրական բաժինները, անխուսափելիորէն:

Տեղեկատուութեանց բաժինն մէջ կան տեղեկութիւններ, որոնք ուղղակի վարժարանի կեանքին հետ կապ չունին եւ կը վերաբերին Հ. Բ. Ը. Միութեան, կամ անոր վարժարաններուն, ինչ որ խոտոր կը համեմատի պարբերաթերթի աշակերտական հանգամանքին:

Իրան արժէքը իրենց ունեցած հաւատքն է Հայ դրողի կոչումին հանդէպ, հայ ժողովուրդի անցեալին, ներկային ու ապագային հանդէպ: Նուիրում»ի 1961-ի առաջին թիւի խմբագրականին հետեւեալ տողերը կը կազմեն այն խարխիւր, որուն վրայ միշտ կարելի է աղուոր ու ամուր բան մը կառուցանել ամէն մարդի մէջ:

«Սա մեր օրերուն՝ ար ազգայիններու, կրօններու, մշակութիւններու ճառքին մէջ ընդարմամալու վրայ է հայ եւզին, մեզ կատարօրէն կը կառչին մեր հայութեան - որովհետեւ կը հաւատանք մեր ժողովուրդին:

Կը հաւատանք ամբար պատմութեան, որ յարատեւ մաքտում մըն է յանուն իր փիլիսոփայական ու հոգեկան ազատագրումին, ու մոյն ատեն՝ մշակութային վիթխարի յայտագրի:

Կը հաւատանք ամբար ներկային - որ Ափիւսի մէջ շարունակութիւնն է դարաւոր մաքտումին, հայրենիքին մէջ՝ այդ մաքտումէն ծնած յարաբան վերելի:

Կը հաւատանք ամբար ապագային, որովհետեւ ունի հերոսական անցեալ ու խոստումալից ներկայ:

...«Կը հաւատանք թէ հայ գրող ըլլալ կը նշանակէ եպպեա հաւատարմը ըլլալ - հաւատալ հայ ժողովուրդին:

Եւ մեզ կը հաւատանք:

Կը հաւատանք եւ մենք, Համոզուած որ Հայ վարժարաններ յաճախող եւ գրական հակում ունեցող տղաքը պիտի շարունակեն իրենց նուիրումը Հայ գրականութեան հանդէպ, դպրոցական նստարանները ետին մզելէ ետք եւս: Մանաւանդ ա՛յն ատեն:

**ՍՏԱՅՈՒԱԾ ԳՐՔԵՐ ԵՒ ՊԱՐԲԵՐԱԿԱՆ
ՀՐԱՏԱՐԱԿՈՒԹԻՒՆՆԵՐ**



- 1.- Կեանքի ցորձանուսին մէջ.- (Պատմութեան) Կ. Սասունի, Պէյրուք:
- 2.- Քանի մը Մտքեր.- (Ունեք) Գրիգոր, Փարիզ:
- 3.- Յեզիս եւ Հոզիս հետ.- (Բանաստեղծութիւն Ա. զրթոյն) Արշալոյս Բա-
բայեան, Թեհրան:
- 4.- Հայկի եւ Բէլի Կոխը.- (Բանաստեղծութիւն) Արշի, Թեհրան:
- 5.- Շամիրամ.- (Բանաստեղծութիւն) Մ. Բաւրիզեան, Պէյրուք:
- 6.- Կեանքի Յուշերից.- Սիրաք Սահրաբեան, Թեհրան:
- 7.- Գիւղի ճամբան.- (Պատմութեան) Աղասի Յովհաննիսեան, Թեհրան:



- Ալիք.- Գրական ամսագիր, Թեհրան:
- Ալիք.- Օրաթերթ, Թեհրան:
- ՅՈՒՍԵՒՆ.- Օրաթերթ, Գանիբէ:
- ԿՐԱԿԱՆ ԱՄՍԱԹԵՐԹ.- Փարիզ:
- ԲԱԶՄԱՎԷՊ.- Վեճեփիկ:
- ՇԻՐԱԿ.- Գրական ամսագիր, Պէյրուք:
- ԶՈՒԱՐԹՆՈՅ.- Գրական ամսագիր, Փարիզ:
- ՍՓԻՒՌ.- Շաբաթաթերթ, Պէյրուք:
- ԶԱՀԱԿԻՐ.- Ճեմարանի Շրջանաւարտներու հանդէս, Պէյրուք:
- ԳԼԱՁՈՐ.- Պարբերաթերթ, Կիլիկիոյ Կաթ. դարեկանաց, Պէյրուք:
- ՎԵՐԵԼԻ.- Վեճեփիկի Միջի. Ուսանող. պարբերագիրք, Պէյրուք:
- ԶԱՆԱՍԵՐ.- Երկշաբաթաթերթ «Զամից» միութեան, Պէյրուք:
- ՊԱՏԱՆԵԿԱՆ ԱՐՁԱԳԱՆԳ.- Երկշաբաթաթերթ «Զամից»ի, Պէյրուք:
- ՎԱՐԱԳ.- Պարբերաթերթ, Համալսարանական հայրենակցական միու-
թեան, Մ. Նահանգներ:

ՄԷԿ ՏԱՐՈՒԱՆ «ԲԱԳԻՆ» ԿԸ ՆՈՒԻՐԵՆ



- 1.- Պրն. Ժագ Զեֆեմեան, Պէյրութէն
Օր. Աղանի Աշրդեանի, Պուրճ-Համուտ :
- 2.- Պրն. Յակոբ Մախուրեան, Այննարէն
Հայր Կորիւն Շրիգեանի, Մ. Նահանգներ :
- 3.- Պրն. Սարգիս Համպրեան, Պուրճ-Համուտէն
Օր. Անահիտ Պօղոյեանի, Մ. Նահանգներ :
- 4.- Տէր եւ Տիկ. Վարդան Գրիգորեան, Պէյրութէն
Օր. Արփի Համարեանի, Պէյրութ :
- 5.- Պրն. Գեորգ Անմահունի, Պուէնոս Այրէսէն
Պրն. Գեորգ Սարաֆեանի, Պուէնոս Այրէս :
- 6.- Պրն. Արշակիր Շիրակեան, Մ. Նահանգներ
Պ. Պ. Եղիա Խիյմէթեանի, Եզուարդ Սահակեանի, Արամ Աֆարեանի եւ Տիգրանուհի Նևարեանի, Մ. Նահանգներ :

ՏԱՐԵԿԱՆ ՔԱՃՆԵԳԻՆ

ԼԻՐԱՆԱՆ 20 Լ. ՈՍԿԻ
ԱՐՏԱՍԱՀՄԱՆ 7 ՏՈՂԱՐ
ՀԱՏԱՎԱՃԱՌԻ 2 Լ. ՈՍԿԻ



Վարչութեան հասցէ.—

DIKRAN KOUYOUMDJIAN
P. B. 587, Beyrouth — Liban